






toexx  
6404H











HERMANNI CONRINGII  
DE  
BIBLIOTHECA  
AUGUSTA

Quæ est in arce Wolfenbuttelenſi

AD

ILLUSTR. ET GENEROSUM

JOANNEM CHRISTIANVM L. BAR.  
A BOINEBURG

EPISTOLA

*Quâ ſimul de omni re Bibliothecaria  
diſſeritur.*

EDITIO NOVA

A B. auctore notis margini adjectis, quæ locis congruis  
textui inſertæ ſunt, aucta  
prodit cura,

JOHANN. HERMANNI H. F. CONRINGII  
Dicaſterii provinc. Wolfenbütt. Aſſeſſ.

— (O) —

HELMESTADI,

---

Typis & ſumptibus GEORG-WOLFGANGI HAMMII Acad. Typogr.

Anno MDC LXXXIV.

Cum privilegiis perpetuis Vicar. S. R. R.



*SUMMA PRIVILEGIORVM.*

**C**Antum est Privilegiis Serenissimorum Potentissimorumque S. R. I. Vicariorum, ne quis unquam libros Hermannii Conringii cura scriptos vel editos, citra ejus heredumque consensum, intra limites Vicariatuum inprimat, aut alibi impressos divendat: poena delinquentibus dicta amissionis omnium ejusmodi librorum & solutionis decem marcarum auri. Prout latius definitur ipsis Privilegiolorum tabulis.





ILLVSTRI ET GENEROSO  
DOMINO

IOANNI CHRISTIANO

L. BAR. A BOINEBURG

EQVITI AVRATO

EMINENTISSIMI PRINCIP. ELECTORIS MOGVN-  
TINI CONSILIARIO SECRETIORI

ET

SUMMO AULÆ MARE-  
SCHALLO &c.

S. P. D.

HERMAN. CONRINGIUS.

ILLVSTRIS ET GENEROSE  
BOINEBVRGI



Audo equidem studium tuum, quod  
hactenus strenue profecto impendisti in id, ut à  
Serenissimo Principe ac Domino D. AUGUSTO  
Duce Brunsvicensium & Lyneburgensium Do-  
mino meo clementissimo, editionem impetrares  
Catalogi librorum, quos Bibliotheca AUGUSTA compre-  
hendit.



hendit. Enimvero hac etiam in re ostendisti, quo amore cultuque bonam doctrinam omnem (quamvis tutemet ejus jam satur videri possis, animo dudum per universum illius ambitum diffuso, & curæ civiles perpetuæ hanc sollicitudinem agere patiantur) non in tuum duntaxat privatum, sed reipublicæ literariæ usum, prosequaris. Quam eximiam & planè inusitatam, in tui utique ordinis hominibus, virtutem, præsertim cum illa & aliàs abunde mihi sit nota plurimis experimentis, & à quam multis per Germaniam, Galliam & Italiam doctissimis viris mirifice prædicetur, impius equidem sim vel imprudens, si non hoc etiam in negotio agnoscam ego & commendem.

I. Nec vero non & per quam salutare est consilium illud, quod de edendo isto Catalogo suggessisti. Primo enim faciunt Indices id genus, vel sola titulorum recensione, haud leviter ad comparandam librorum notitiam; sive *περὶ τῶ ἐμπειρίας βιβλιακῆς*, quo titulo singulare olim opus, Suida teste, scripserat Telephus Grammaticus Pergamenus: hæc autem non infimus ad eruditionem gradus est. Utque non ita juerint Catalogi, (fateor enim ad plenam librorum experientiam non sufficere, librorum titulos novisse,) nescio tamen qua arcana voluptate vel soli tituli librorum mulceant ingenuos quoque *φιλομαθεῖς* animos. Quod percipere est saltim ex lectione indicum (ut recentiores nostros complures taceam) quos Diogenes Laërtius de Philosophicis, & post Eusebium S. Hieronymus de Ecclesiasticis, quam multos, quemque item singularem de scriptis unius Augustini Posidius, de Plutarchi Lamprias, de propriis Galenus, ad posteritatem transmiserunt; cum tamen pleraque in iis commemorata dudum perierint. Quanto magis autem licuerit, & fructum istum, & voluptatem illam ex AUGUSTÆ Bibliothecæ Indice accipere? cum utique possit exhibere (quantum memini) quinquaginta septem mille circiter varios auctores, librorum vero quasi centum & sedecim millia,



# EPISTOLA AD BOINEBURGIUM

eosque in omni omnino doctrina genere: & quorum nihil ha-  
stenus perijt, qualia veteres isti indices memorant; sed omne su-  
perest ad usum, eumque promptum.

II. Et vero hoc etiam nomine profuerit utique Indicis  
editio, quod ita compluribus, imo reipublicæ omni literariæ,  
possit demum innotescere, quos libros liceat ex thesauro illo  
exspectare, & promere in commodum eruditionis. Qui lite-  
rariæ rei usus, est reapse unicus, saltim potissimus, inter pruden-  
tes, tantæ librorum collectionis scopus atque finis. Nec vero  
tas fuerit cogere immanem librorum vim, ut sit instar thesauri  
inutilis. Quemadmodum scilicet in Jugurtha refert Sallustius,  
Bocchum Numidiæ Regem opes ingentes in monte saxeo re-  
moto, & Dio in Trajani historia narrat, Decebolum Daco-  
rum Regem divitias suas sub Sargetia flumine recondidisse.  
Recte sapiens Hebræus in Eccles. 20: *Sapientia absconsa & the-  
saurus invisus, quæ utilitas in utroque?* Ne ferendum quidem,  
condi bibliothecas tantum in ostentationem. Perstrinxit ele-  
ganter jam olim sui ævi in hoc luxuriam Seneca l. de Tranquillit.  
animi c. 9. *Quadringenta inquit millia librorum Alexandria  
arserunt, pulcherrimum regia opulentia monumentum. Alius  
laudaverit: sicut Livius, qui elegantia regum cura que egregium  
id opus ait fuisse. Non fuit elegantia illud aut cura, sed studiosa  
luxuria. Imo ne studiosa quidem: quoniam non in studium sed in  
spectaculum comparaverant: sicut plerique, ignavis etiam servi-  
lium literarum, libri non studiorum instrumenta, sed cœnationum or-  
namenta sunt. Et paulo post: Apud desidiosissimos ergo videbis  
quicquid orationum historiarumque est, & recto tenus extructa lo-  
cuplamenta. Jam enim inter balnearia & thermas Bibliotheca quo-  
que, ut necessarium domus ornamentum, expolitur. Ignoscerem  
plane, si è studiorum nimia cupidine oriretur; nunc ista exquisita,  
& cum imaginibus suis descripta sacrorum opera ingeniorum, in spe-  
ciem & cultum parietum comparantur.* Hæc Seneca. Jam vero

in studiorum usum Bibliotheca transire non potest sine indice. Tum demum autem etiam index prodest maxime, si publicatus fuerit. Privatum detentus solos qui propius accesserunt adjuvat & instruit.

Ad utrumque hunc usum itaque cum respicerent nonnulli nostræ ætatis, indices locupletium suarum Bibliothecarum in publicum ediderunt. Quos inter, nisi fallor, agmen duxere primi Batavi: non fraudandi proinde hæc gloria. Nisi malis Bajoariis laudem hanc tribuere: apud quos præcedentis seculi Christiani anno nonagesimo nono Christ. Ferg. Ingolstadii publicavit Catalogum perpetuum, ut appellat, & alphabeticum, omnium librorum Bibliothecæ Ingolstadiensis, secundum quatuor facultates in viginti quinque classes tributum. Idem voluerunt alii editis indicibus, non omnium vero sed solum operum manuscriptorum, quibus abundabant. Cujus instituti initium forte Augustæ Vindelicorum urbi debetur: quæ Græcorum codicum manuscriptorum catalogum publicavit jam superiore seculo, primum anno septuagesimo quinto, iterum sed quadruplo auctiorem anno quinto post nonagesimum, tertia vice hujus seculi anno quinto, si non sæpius: idque hac liberalissima præmissa quasi invitatione: *Quisquis reipublica literaria favet, sive lector sive typographe, horum omnium codicum, sive interpretandi, sive conferendi, sive edendi, ita tibi futura copia est, si de iis incolumibus restituendis caveris.* Ad hujus exemplum anno fluentis seculi secundo Ingolstadii vulgatus est catalogus Græcorum manuscriptorum codicum, qui asservantur in inclyta Serenissimi utriusque Bavarix Ducis Bibliotheca: minus liberali tamen facta utendi hac copia: *Quisquis catholica fide præditus prodesse vult reipublicæ literariæ, hos ms. codices conferendi interpretandi edendi copia tibi esto, si de iis sine noxa restituendis caveris.* Biennio ante Londini in Anglia, eadem haud dubie fini, jam ediderat Thomas Jamesius Eclogam quam appellavit Oxonio



Oxonio Cantabrigiensem, continentem manuscriptorum codicum florentissimarum Angliæ Bibliothecarum Oxoniensis & Cantabrigiensis accuratos indices; quales quidem tum fuerunt, postenim largis accessionibus, cum primis illa Græcorum codicum à Francisci Barocii Veneti hæredibus per Arundellium Pembrochiæ Comitem redemptorum, & altera mille trecentorum ex omni Oriente conquisitorum liberalitate Guiljelmi Laude infelicis illius Canthuariensis Archiepiscopi, plurimum locupletata sunt. Cui libro hæc verba inscripsit aliquando, librariæ rei peritissimus Caspar Barthius: *In hac collectione nominantur duomille & octingenti omnis ævi scriptores, parte maxime nondum editi, nec alibi quam in Anglia exstantes.* Transit eadem cura & in Italiam, sed occupantibus illud studium non ipsis Bibliothecarum possessoribus Quomodo Bibliothecarum Patavinarum publicarum privatarumque mss. codices indicavit erudito orbi Jacobus Philippus Tomasius anno seculi hujus tricesimo nono: & ipsiusmet Mediceæ Bibliothecæ, quæ Florentiæ asservatur in cœnobio S. Laurentii, manuscriptorum codicum catalogum luci dedit biennio post Henricus Ernestius V. Cl. & non Daniæ tantum in quam concessit, sed opidi hujus, cui debet natales, eximium decus: ut taceam alios. Aggressus est eandem operam, sed circa Græcos potissimum mssos, in Gallia Philippus Labbe Bituricensis Jesuitici sodaliti vir diligentissimus, Parisiis ante hos annos octo edito libro cui titulum indidit: *Nova Bibliotheca mss. librorum, sive Specimen antiquarum lectionum, in quatuor partes tributarum, cum coronide poetica & decem supplementis.* Cui addita *Coronis libraria, h.e. Bibliotheca bibliothecarum aut Catalogus catalogorum,* longe meliora, pleniora & perfectiora ejus generis, facit nos merito expectare. Jamdudum ante ipsum ejusdem sodaliti clarissimus Antonius Possevinus, Theologici generis manuscriptorum Græcorum indices varios, Italicos, Gallicos, Hispani-

COS



cos & Germanicos, suo Apparatu sacro subjunxerat. Spectavit procul dubio idem Petrus Gassendus cum ederet Parisiis ante hos triginta annos Catalogum rariorum librorum, quos ex Oriente advexit & in publica Bibliotheca inclytæ Leidenfis Academiæ deposuit, clarissimus & de bonis artibus meritisissimus Jacobus Golius. Hi inquam & alii Catalogis editis studiorum usum multum sane adjuverunt: eoque operam præstiterunt utique laude dignam maximâ.

Nec tamen illi manuscriptorum indices plenum Bibliothecarum fructum decerpere faciunt: utpote cum hodie potissima librorum vis in arte typographica excusis collocata sit, & manuscripti qui superant fere sola vetera nobis exhibeant, quæ & ipsa jam tum magnam partem excusa sunt, & è manuscriptis nihil præter emendationem aliquam possunt accipere. Majoris certe, ad studia quidem promovenda, utilitatis sunt Indices Bibliothecarum integri. Cujusmodi in Batavis præcipue est Leidenfis & Ultrajectinus, in Angliâ ille Bibliothecæ Oxoniensis Boddlejanæ à Jamesio publicatus: qualesque Gallicos complures promisit Ludovicus Jacob Cabilonensis Carmelita, hætenus tamen in lucem non protulit: quantum equidem novi. Nescio annon talis etiam fuerit Bibliothecæ regiæ Parisiensis Index ille, cujus mentionem facit in suo ad Philippum Regem, de recte instituenda Scoriacenfi Bibliotheca consilio Joannes Baptista Cardona Episcopus Dertusanus, atque ad cujus exemplar, confecta jam bibliotheca illa Laurentiana, Indicem imprimendum divulgandumque suadet: nec vero ille mihi hætenus est visus. In hos usus vero omnino videtur publicatus Index Bibliothecæ amplissimæ Cordesianæ, cura incomparabilis illius condendarum Bibliothecarum artificis, & desiderandæ mihi semper memoriæ amici, Gabrielis Naudæi: nisi malis editum magis in id, quo inveniret emptorem, sum ab obitu dñum Cordesii sit excusatus; quemadmodum



## EPISTOLA AD BOINEBURGIUM

dum & non multo pōst insigne quasi fundāmentum jecit Mazari-  
rianæ Bibliothecæ longe omnium in Galliis instructissimæ ab-  
solutissimæque.

Et vero editi quidem etiam sunt hæcenus, & indies edun-  
tur, Catalogi complurium illustrium Bibliothecarum, à sum-  
mis viris magno studio collectarum, qui tamen illum usum  
quem secundo nos loco laudavimus minime præstare idonei  
sunt: propterea quod edi soleant non nisi cum jam distrahendi  
vendendique sunt libri ipsi, atque adeo cum Bibliothecæ istæ  
in studiorum usum non amplius patent, nec debent patere. Quin  
tamen usum illum quem primo loco indicavimus præbere pos-  
sint: hoc est, quin possint facere ἀμπειρίας βιβλιακῆς paran-  
dam, neutiquam diffiteor: imo ad id utilissimos mihi etiam fu-  
isse tales Catalogos, ultro agnosco, & in prima statim adolescen-  
tia, in Batavis degens, nullo edoctus magistro, cum expertus  
sum, tum aliis laudavi. Et sane præstare idem possunt & Cata-  
logi officinarum librariarum, qui passim solent publicari;  
quamvis suum commercium librarium præcipue spectent edito-  
res. Referendus autem isthuc videtur & ille libellus, qui Ar-  
gentorati est editus anno 1578 titulo: *Bibliotheca Urbis Con-  
stantinopolitana*: recenset quippe manuscripta varia quæ tum  
Constantinopoli erant venalia. Ejusdem præterea usus sunt &  
illi, quos typographi ipsi solent edere Indices librorum sua cura  
impressorum. Id quod recte jam olim observavit Conradus  
Gesnerus, τῆς ἀμπειρίας βιβλιακῆς summus artifex & princeps  
magistrorum: ac proinde non dubitavit, cum singulos præclari  
operis Pandectarum suarum libros celeberrimis ætatis suæ ty-  
pographis consecrare, tum simul edere nonnullorum typo-  
graphicos ejusmodi indices, Christophori scilicet Frosho-  
veri, Aldi Manutii, Sebastiani Gryphii, Christiani Wechelii,  
Johannis Gymnici, Frelloniorum, & Frobenianorum: quam-  
vis ipsi typographi nondum illos forte publicassent: recentiore



enim hoc videtur instituto cœpisse. Quinimo & qui commercii librarii causa edi solent Indices, quales sunt jam centum amplius annis Francofurtenses nostri nundinarii, & qui nuper demum in Batavis & Gallia cœpere, prodentes anni cujusque novum proventum, juvare itidem librorum peritiam perquam idonei sunt. Hoc institutum Francofurtense cœpisse anno 1564. auctore Georgio Waltero testatur A. Miræus Biblioth. Eccles. parte altera cap 127.

Sed quo prolabor? Nec enim hujus operæ est, modum parandæ librorum peritiæ edocere, sed fortassis aliàs nos illa cura occupabit. Hoc unicum volebam, ILLUSTRIS BOINEBURGI, Indicis editionem duplici modo prodesse plurimum posse literariæ rei: idque quod præter alios Indices, qui non nisi ad βιβλιακὴ ἐμπειρία non nihil faciunt, singulatim queat efficere, ut Bibliotheca AUGUSTA justum sui usum possit omnibus exhibere.

III. Est vero & Tertia ratio, eaque (nisi fallor) momenti non levis, quæ itidem editionem Indicis urget quam maxime. Ea est, quod sola Indicis editione possit æterna parari memoria operarum illarum ingentium, quæ in Bibliothecarum quarumvis admirabilium structuram impensæ sunt. Multis scilicet periculis & damnis, imo & variis interitus speciebus, obnoxia est Bibliotheca quælibet. Et vero privatae cujusvis duratio penè momentanea est. Stant illæ plerumque & cadunt cum suis collectoribus: rarissime illis transeuntibus ad heredes perinde φιλοβιβλες, aut fortunatos adeo, ut vitæ tolerandæ necessitas distractionem haud imperet. Ut alia nunc taceam infortunia quibus affligi infelices illæ Bibliothecæ solent. Quale utiq; patrum memoria experta est, illa celeberrimæ quondam famæ & extra fere comparisonem locuples Johannis Vincentii Pinelli, viri ad ingenium & mores Pomponii Attici nati pariter ac compositi, quæ cum herede diu consistata, cum



cum navigio Neapolim duceretur, à barbaris piratis intercepta, & velut exigui pretii merx in mare abjecta fuit, superstitè relicta parte per exigua, quæ in Ambrosiana Bibliotheca, Frederici Borromæi liberalitate, Mediolani nunc conquiescit. Vide quædam de hac Bibliotheca ap. Thuan. l. 4. d. *vita sua* p. 1213. de reliquiis superstitibus ap. Gass. *viz. Peireskiana* pag. 255.

Satis ex privatis unam illam, ceu omnium celeberrimam, in exemplum tristem vicissitudinum memorasse. Sunt vero etiam publicæ Bibliothecæ, quamvis potentum tutela securiores, obnoxia adversantis fortunæ malis gravissimis. Quæ sanè forte omnium antiquissimis Osymanduæ Egyptii regis, illius fronti quidem inscriptum fuisse elegans illud, *ψυχῆς ἰατρειῶν* aut **ANIMI MEDICINAM**, sive medicam officinam *ψυχῆς*, ex Diodoro Siculo discimus, ast cum nulla ejus mentio aliæ uspiam extet, eam dudum periisse argumento est certissimo. Non multo melius videtur fuisse fatum ejus quam in Græcia omnium primam instituit Pisistratus. De illa Gellius l. 6. cap. 17. *Libros Athenis disciplinarum liberalium publice ad legendum præbendos primus posuisse dicitur Pisistratus tyrannus. Deinde studiosius accuratiusque ipsi Athenienses auxerunt. Sed omnem istam postea librorum copiam Xerxes Athenarum positus, urbe ipsa præter arcem incensa, abstulit asportavitq. in Persas.* Habet idem Isidorus: sed ut facile liqueat ex Gellio excerptum: Dixeri rediisse tamen libros illos. Ita sane narrat mox Gellius: sed id contigit forte fortuna, & diu post, rebus jam pridem deploratis. *Hos porro, inquit, libros multis post tempestatibus Seleucus Rex qui Nicanor appellatus, referendos Athenas curavit.* Constat vero nec illam felicitatem diuturnam fuisse. Cum sane Athenis omnes Bibliothecas postea victor Sulla Romam avexerit, citra dubium & hæc isthuc cum aliis transiit. Ibi vero incendio una cum aliis tandem periisse per est verisimile. Quicquid hujus autem sit, quam infelici fortuna jactata sit ipsa prima &

forte unica Græciæ Bibliothecarum publica, etiam sic palam est. Conflagrasse vero tandem bello Pompejano Alexandri-  
nam, qua nulla in orbe celebrior unquam extitit incendio à Cæ-  
saribus milite excitato, certissime constat. Quamquam enim ejus  
non Cæsar ipse nec Hirtius meminerint, & Tertullianus adhuc  
sua ætate non dubitaverit gentiles ad Ptolomæi Bibliothecam  
superstitem provocare, refert id tamen Seneca, Plutarchus,  
Dio, Gellius, Ammianus, imo & Livium narrasse, ex Seneca  
colligere est. Quæ celebritate huic quondam fuit proxima At-  
talicorum Regum Pergamena, in Cleopatrarum gratiam jussu M.  
Antonii Triumviri per vim Alexandriam deducta est, teste Plu-  
tarcho in vita illius Antonii. Immitiore fato interiisse plane  
videntur, (Neroniano nempe illo igne, quo universa prope-  
modum Roma simul cum privatis bibliothecis tantum non  
omnibus in cinerem redacta est) luxuriosissimæ illæ Bibliothe-  
cæ quæ Octaviani Augusti forte auspiciis non ita pridem insti-  
tutæ publicatæque erant, cum in montis Aventini atrio Liber-  
tatis Asinia, tum prope Marcelli templum Octavia. Nec ve-  
ro post Neronem ullam earum memoriam licet reperire: Se-  
cus ac sit de Bibliotheca illa, quam in Apollinis templo Augu-  
stus consecravit: hujus enim tanquam adhuc integræ meminit  
Plinius cum *l. 7. cap. 8.* tum *l. 34. cap. 27.* etsi nondum ulla fuis-  
set Bibliothecarum perditarum facta reparatio. Quod nempe  
Domitianus demum instituit; de quo Suetonius: *Bibliothecas  
incendio absumptas impensissemè reparari curavit, exemplaribus  
undeque petitis, misisque Alexandriam, qui describerent, emenda-  
rentque.* Est autem per etiam verosimilis Justii Lipsii conje-  
ctura, quam habet in elegante illo *Synagmate de Bibliothecis  
cap. 7.*: ab ipso illo Domitiano structam in Capitolio celeberrimam istam Bibliothecam, quæ Commodio imperante, ful-  
mine icta Capitolio, itidem conflagravit: cujus infortunii me-  
minit Dio *l. 72. sub finem* Herodianus *l. 1. c. 14.* Eusebius in  
Chroni-



*Chronico* & *Orosius l. 7. cap. 16.* Fuit autem hoc non alia ab illa in templo Pacis (etsi diversam crediderit Lipsius) saepe adeo Gellio & Galeno memorata: quod vel ex solis querelis Galeni colligere fuerit, de libris suis cum templo Pacis Commodio imperante conflagratis, & situ illius templi, prope forum scilicet ad pedes Capitolini montis. Favit perquam benigna fortuna Bibliothecæ Palatinæ, & quæ gentili Principis conditoris Trajani nomine audire solet Ulpia. Et vero adhuc Constantini Maximi ævo P. Victor in descriptione Urbis memorat Bibliothecas publicas *undetriginta, & ex iis præcipuas duas Palatinam & Ulpiam*: imo seculo Christiano quinto adhuc in Ulpia utraque, h. e. Græca pariter Latinaque Bibliotheca (ita enim fere Romanæ Bibliothecæ omnes distinguebantur) Sidonio Apollinari statuam esse positam ex hoc carmine patet:

*Cum meis poni statuam perennem  
Nerva Trajanus titulis videret,  
Inter auctores utriusque fixam  
Bibliothecæ.*

Neutram etiam harum legas vel flamma vel militari direptione periisse. Tandem tamen harum etiam utraque disperiit: idque fortassis præ ruditate partim partim & superstitione Romanam incolentium. De ipsomet sane Gregorio primo id nominis Papa, quem Magnum cognominant, *l. 2. de Nugis Curialium* ita scribit Joannes Sarisberienſis non vanus aut proletarius auctor: *Doct̃or sanct̃issimus ille Gregorius, non modo mathesin pepulit ab aula, sed, ut traditur à majoribus, incendio dedit probatam lectionis*

*Scripta, Palatinus quæcunque recepit Apollo.*

Verum illi quidem famæ fides debeatúr nec ne, incertum arbitror. De eodem enim Gregorio nonnulli quidem memorant, ejus mandato veterum adificia Roma dirupta esse, ne peregrini & advenæ, ad Urbem religionis causa venientes posthabitis locis sacris,

arcus triumphales & monumenta veterum cum admiratione aspicerent: veterum item statuas Gregorium obruncasse & disjecisse, atq; hinc natum illud successoris Sabiniani in Gregorium odium: negat id tamen omne Platina, quanquam nullo adducto pro sententia sua firmo testimonio. Post Platinam fecit idem Ciacconius, sed nonnisi Platinæ verbis, quamvis nomine ejus improbe dissimulato; quod non attenderat doctissimus scriptor Josephus Maria Suaresius in illa luculenta sane *Diatriba de Foraminibus lapidum in priscis aedificiis*, qua me Tu antehac donasti. Quocunque autem modo tandem Bibliothecæ istæ perierint, certe perierunt. Valere cæteroquin plurimum ad libros delendos superstitionem, non est quod cuiquam videatur absimile vero, qui vel ad nostri ævi res attenderit. Nec enim opus est exemplum aliud adducere. Quamvis mereatur in majus fidei robur expendi & illud, quod de libris Græci Latinique sermonis per omnem Africam, superstitiosi nescio cujus Caliphæ jussu abolit, narrat Joannes Leo l. i. *Historia Africana*: quo effectum videtur, quod non tantum nulla illarum linguarum monumenta, sed nec eorum ulla Arabice ex Latino versa in Ægypti & Africæ Bibliothecis hodie supersint. Quæ Veteris Romæ Bibliothecarum, illa vero tandem & earum fuit, quas Nova Roma in æmulationem veteris construxerat. Narrat enim Zonaras pariter & Cedrenus, Basilisco imperante, Bibliothecam ibi conflasse: in qua centum viginti millia librorum essent recondita: inter ea draconis intestinum centum viginti pedes longum, cui aureis literis Homeri Ilias atque Odyssea fuerint inscripta. Testis idem est Zonaras tomo tertio, Leone Isauro imperante, subje-cto igne periisse una cum ædibus Oecumenici doctoris, quicquid ibi asservatum hætenus divinæ & humanæ sapientiæ codicum. Præter Constantinopolitanam autem Orientale Romanum Imperium Bibliothecam nullam fere olim quidem habuit.

Haud

*Bibliotheca Platina  
na magnitudo et in  
cendium.*



Haud necessum vero videtur, publicarum Bibliothecarum pericula & clades repetitis ex remoto ævo testimoniis ostendere, quum propinquiora (proh dolor!) omnibus sint nota Quis videlicet ignorat triste fatum, quo vere regia illa Budensis Bibliotheca, à Matthia Corvino primum structa, avorum memoria interiit, cum vix annos sexaginta floruisset? Cujus librorum cultum luxuriosissimum, & miram utriusque lingua fecunditatem fuisse, ne Bonfinio duntaxat credamus, faciunt quæ passim terrarum & in ipsa AUGUSTA, superant exigua quamvis reliquæ. Historicorum Principis Jacobi Augusti Thuani verba hæc sunt l. 1. ejus operis quo ipsemet suam vitam posteritati instituit tradere. *Petrus Victorius subinde ingemuit, quod antiqua Medicea tanti nominis Bibliotheca, per seditiones domesticas Romam, & inde extra Italiam avecta erat. Ea est quam Catharina Regum nostrorum parens, magno pretio, quantumvis Cosmo contradicente, comparatam, in Galliam transportandam impetravit, & per Bibliothecarium seorsim, quamdiu vixit, apud se habuit. Quam demum Thuanus à creditoribus ejus pecunia Regis redemptam in Bibliothecam regiam inferendam curavit, & congestum à magnis Regibus thesaurum tanta accessione locupletavit. Dix-eris non periisse quæ tam feliciter translata est. Interitui tamen proxima fuit, & periit Florentinis; cui loco illam Laurentius Medices quasi consecraverat. Quid in Tunetanæ arcis direptione, quo tempore regnum illud Muleassi Regi Carolus Quintus Imperator restituit, contigerit, audi sodes l. 37. Historiæ narrantem Paulum Jovium. In ea, inquit, arcis direptione tria incomparabilis jactura detrimenta Muleasses deploravit. Arabicorum voluminum inprimis, quæ conturbata atque direpta Bibliotheca perierunt. Asservabantur enim antiquissimi codices, non disciplinarum modo omnium præcepta, sed superiorum etiam regum res gestas, & Mahumetana superstitionis interpretationem continentes:*

quos

quos Rex ipse postea, me audiente, se unius urbis pretio, si fieri possit, avide redempturum differebat. Africana hæc fateor sunt, atque itidem longe petita: cum verā tamen sint, doceantque etiam in Africa publicis Bibliothecis quamvis Regiis non semper esse satis consultum, cuivis alii idem contingere posse, etiam hinc est manifestum. Multo maxime vero nostris quidem hominibus id demonstrare potest, Palatina illa quæ Heidelbergæ ante fœdiale nuperum Germaniæ bellum summa floruit celebritate, & manuscriptorum cum multitudine tum bonitate omnem antehac Europam provocavit. Illa scilicet non ita pridem, atque adeo ipsa nostra memoria huc illuc direpta, meliore vero sui parte, æterno cum Germaniæ damno tū concedentium dedecore, per vim Romam avecta, curante à Pontifice in id misso Leone Allatio (nec vero silebimus viri nomen, cum hinc etiam laudem capiet) in Vaticanam transit. Documento tristi omnibus factō, quam nulla licet Regia & publici usus Bibliotheca, possit secūra esse; sed solere etiam hæc tandem magnis vicissitudinibus esse obnoxias, imo denique totas sive violenta direptione, sive manu furtiva, sive ignis aut aquæ adversitatibus, sive quo aliquo modo perire atque occidere.

Ut ad rem vero accedamus; hi interitus ingentium illarum & publicarum Bibliothecarum, non cum literariæ duntaxat rei, sed etiam cum famæ & gloriæ, quam merentur conditores, summo sunt dispendio conjuncti. Interit scilicet fere cum opere fama etiam omnis in opus factæ impensæ & curæ. Quod profecto indignum est & deplorandum. Sumptus scilicet maximi, labor ingens, studium indefessum, animus erectus, liberalis, studiosus sapientiæ, vere regius, ad struendas magnas illas Bibliothecas requiruntur. Nisi omnia isthæc adsint, nulla talis Bibliotheca emerferit. Debetur utique tantis virtutibus & tam egregiis actibus gloria perennis, debentur gratiæ immortales.



mortales. Non hæc quidem potissimum spectaverit prudens Bibliothecæ conditor: nec peccaverit tamen si illo calcare patiatur ad tantos conatus sese incitari. Utque omnia quis hæc magno animo contempserit, & virtutem ipsam præmium sibi esse voluerit; interest tamen reipublicæ, ne præclara facinora sua laude fraudentur, neve posteritati subtrahantur exempla in æmulationem. At vero in illa incertitudine humanarum rerum omnium, inque illo facili interitu quamvis regis conatibus structæ cujusvis librariæ suppellectilis, ab ipsis operibus profecto æternum nomen, quod debeat, exspectare haud licet. Aliunde igitur perennitas illa petenda erit. Atque historica quidem monumenta juvant & hic non parum. Absque illis certe esset, periisset dudum & memoria universa Græci pariter Latineque orbis Bibliothecarum omnium. Plus juvant ipsæ librorum recensiones: ceu apparet utique ex illis antiquis indicibus Græcis pariter Romanisve, qui etiamnum superant, ne novos ac recentiores nostros hic commemoremus. Enimvero laborat ipsa annalium fides circa Bibliothecarum veterum præcipue admirandas divitias, idque ex Indicum defectu. Recitavi paulo ante Antonii Bonfinii verba de Bibliotheca Budensis. Quanto plus autem ad illius faciunt perennem gloriam, quæ in sua ad Salviani *libros de gubernatione Dei* ab sese primum editos præfatione, habet Johannes Alexander Brassicanus! *inspexi, inquit, libros omnes. Sed quid libros dico? Quos libros tot etiam thesauros isthic inspexi. Dii immortales, quam jucundum hoc spectaculum fuisse quis credat? Tunc certe non in Bibliotheca, sed in Jovis gremio, quod ajunt, mihi esse videbar. Tantum erat hic antiquorum Græcorum simul & Hebraicorum voluminum, quæ Marthias ille Rex, capta jam Constantinopoli, everfisq; multis aliis amplissimis Græciæ urbibus, ex media Græciâ inestimandis summis coëmerat, ac tanquam mancipia ex barbarorum catastis atq; compedibus receperat. Tantum erat hic Latinorum librorum, &*

*veterum & recentiorum (procul tamen ablegatis omnibus sophisticis) ut nusquam alibi, quod ego quidem sciam. Siquidem Matthias Rex (quem recte librorum belluonem appellaveris) quatuor insignes librarios Florentiae magnis impendis alebat, quorum is unus & unus labor erat, ut omnes melioris notae auctores & Graecos & Latinos, quos commodum ex Graecia habere non poterat, exscriberent. Nam ipsa typographice, (ut exigua sunt omnium rerum principia) nondum tam late radices egerat, ut ardentissimis illis & vere regis votis regis omnium excellentissimi satisfacere posset. Vidimus isthic (id quod syllabo nostro recensere possum, & oculata fide) vidimus integrum Hypericiæ cum locupletissimis scholiis, librum multis etiam ænibus redimendum. Vidimus grandem librum Apostolicorum Canonum, opus incomparabile. Vidimus Theodoretum Cyrensem in Psalterium integrum. Vidimus Chrysostomi, Athanasii, Cyrilli, Nazianzeni, Basilii Magni, Gregorii Nisseni, Theophanis, Dorothæi infinita opera. Vidimus Marcum monachum, cognomento Anachoritam. Omitto Poetas, Oratores, Philosophos atq; Historicos, quorum hic immensam vim inspicere licuisset. Vidimus auctores Graecos innumerabiles, infinitaque in Poetas ferè omnes commentaria, nemini doctorum, aut paucis omnino antea visa. Proculdubio BOINEBURGI, sentis, quantam vim habeat vel oratio ad memoriam inclytæ illius Bibliothecæ conservandam. Quid vero, si Bibliothecæ Catalogus integer præ manibus esset, nonne æternam illi laudem superesse diceres, quamvis ipsa jam pridem tota perierit? Perit Germaniæ Palatinus ille ad Rhenum librarius thesaurus. Modo tamen Index ejus superaret, cresceret quidem dolor, simul vero nullum præcæ fortunæ certius & perennius monumentum reperiri posset. Nunc legimus duntaxat in Josephi Scaligeri ad Janum Gruterum epistolis de Indice illo, altera vice, anno videlicet sæculi hujus octavo, cum antehac anno tertio jam curasset, misso: Indicem Bibliothecæ vestra sedulo legi. Locupletior est & meliorum librorum quam Patris:*



*zicana: itaq; voluptari fuit legisse:* facta etiam collatione Indicum illorum omnium quos descriptis Græcis codicibus Ecclesiasticis Possevinus Apparatu suo sacro subjunxit, reapse experimur, hanc unam omnium etiam istius argumenti longè opulentissimam fuisse, & omnibus aliis præripuisse palmam. Si integer ille Index superesset, num quid melius ad aternam gloriam parandam vel voto possis effingere? Sed frustra hisce immoramur.

Ut ad Epistolæ igitur hujus initia tandem redeam: justissimis profecto rationibus, ILLUSTRIS BOINEBURGI, motus es, ad id, ut à Serenissimo Principe ac Domino meo peteres editionem Indicis AUGUSTÆ Bibliothecæ. Feci & ego idem non minus strenue, iisdem plane adductis argumentis. Neque vero ipsemet sapientissimus atque optimus Princeps rationum à nobis adductarum pondera non probe est affecutus, vel iis animi tantum pertinacia quadam est reluctatus. Optime illas non etiam monitus pridem intellexit, nec quicquam hactenus habuit antiquius, quam omnibus modis ex stupenda illa sua librorum congerie debitum fructum accipere. Si quis sane Principum, Φιλέβελος, utique maximus à prima usque ætate fuit Princeps noster. Ut non de sese minus quam olim Marcus Antoninus Imperator dicere potuerit: ἄλλοι μὲν ἵππων, ἄλλοι δὲ ὀρνέων, ἄλλοι θηρίων ἐρωῶσιν· ἐμοὶ δὲ βιβλίαν κτήσεως ὥς παιδαγῶγος δεινὸς ἐπέστηκε πόθος. Qui talis vero est, quid ni & amet alios omnes librariæ rei amatores, idque studium velit propagatum? Minime vero illum latet, quanta ad librorum notitiam parandam vis sit Indicum: longo scilicet usu illam sæpius expertus. Ac proinde non est quod dubites, nisi quid impediât Indice AUGUSTÆ Bibliothecæ edito, etiam cupere Principem optimum ἐμπειρίαν istam βιβλιακὴν quam maxime adjutam. Quam porro idem ille noster Heros facilis sit ac paratus, illo thesauro suo præclarorum quorumq; virorum

conatibus literariis prodesse, ut Tibi quidem multis tester, non arbitror esse necessarium: cum luculentum liberalitatis hujus ipsemet nuper experimentum feceris, in Amplissimi Ezechielis Spanheimii gratiam per me petens ex AUGUSTA illa suppellectile & scriptos & antiquiores quosque excusos Lucani codices. Nec vero ignoras, simulac ipsiusmet Spanheimii literæ adventarunt, ex equestri Principis custodia, media hyeme, Heidelbergam in id unice nonnullos ablegatos, qui libros desideratos ultrò deferrent. Cujus rei nescio num quid simile in quoquam Principum alio Tu observaveris: mihi inusitatum videtur, nec aliter accepit doctissimus Spanheimius. Ut possitigitur quamplurimis cedere in usum AUGUSTUS thesaurus, quid ni Princeps velit Indicem illius edi: non ignarus utique, Indice edito potissimum posse justum Bibliothecæ fructum decerpi ab eruditis? Qui ignoret porro prudentissimus Princeps pericula & damna, quibus etiam hæc sua AUGUSTA Bibliotheca sit exposita? cum nihil illum temere lateat vicissitudinum humanarum, abunde illas edoctus etiam ipsemet longo usu. Expertus etiam, quam parum aliquando hic ipse thesaurus, nuperrimo illo ferali bello Germanico, & quidem illo anno hujus seculi sexto post tricesimum, quo aulam suam in avitam urbem Brunsvicum transferebat, à violenta Martis pullorum direptione absuerit in Hiddonis agro adhuc hærens. Ex eo quidem de longe tutiore domicilio prospexit AVGVSTÆ suæ: recepta illa primum Brunsvici, urbe utique perampla & populosa & in medio illo bello pene sola secuta, inde Wolfenbutteli oppido Germanicorum nulli robore ac munimentis secundo, & quidem utrobique data se de ab ignis etiam injuria sic satis tuta: conscius tamen sapientissimus Princeps, cuilibet contingere posse quod cuiquam contigit, ne ita quidem omni ex parte omnibus adversitatibus obviam esse itum, exactissime intelligit. Quamvis etiam dum



dum contemnere didicerit conatus hominum, æternitatem nominis ex structis operibus unice expectantes; neque tam hoc quam usum publicum tantis impensis, & laboribus quæsierit Princeps optimus; quis tamen tam præclaro & vere incomparabili monumento quavis etiam cunque ratione æternam memoriam parandam esse, non arbitretur? Quis non Principi suaserit hoc etiam agere, & præsertim illa usque adeo provecta jam senectute?

*Vir doctissimus undequaque Varro*

(liceat uti vetere Terentiani Mauri versiculo, quo nec S. Augustinum puduit uti) Varro, inquam, initio eximii operis, quod de Re Rustica nunc etiam superest, lepide, ut semper: *annus*, inquit, *octogesima admonet me ut sarcinas colligam antequam proficiscar è vita*. Felicius quidem Varrone est Princeps noster, propediem, proximo scilicet Aprilis decimo die, annum octogesium tertium jam inchoaturus, & senex sine senio, hoc est sine illis senectuti propriis molestiis: (addat Deus molles annos complures!) in vitæ tamen hujus negotiis *properandum* sibi novit, qua valet sapientia: *quod ut dicitur, si est homo bulla, eo magis senex*; quæ verba iterum sunt Varronis. Hinc sapienter cogitat utique, non etiam monitus, quo pacto AUGUSTÆ suæ, usque adeo adamatæ, cum stabilis diuturnitas, tum æterna memoria tempestive queat comparari: nihil temere ejus omissurus isthuc quod faciat. Gnarus etiam nullum certius monumentum Bibliothecis, cum tot sint infortuniis obnoxia, statui posse, quam Indicibus publicatis & per manus hominum passim terrarum typographica arte dispersis, nihil equidem malit, quam suæ quoque AUGUSTÆ perennitati sic consulere. Imo vero, quum ad tuas sollicitationes strenuus ego svasor accessissem, jam consenserat tot rationibus inductus Princeps optimus in catalogi editionem; quod haudubie meministi. Quare non succedit igitur forte quæ fieris. Fortassis etiam suspi-

caris Indicem nondum confectum esse, atque adeo desperari ejus confectiorem in tanto librorum numero. Desperarim sane & ego, nisi jam confectus esset. Nec vero illa librorum annotatio uno & altero mense à scriba aliquo, ceu tu visus es credidisse, posset expediri: sed occuparet hominem eruditum peritumque librariæ rei non unum, nec per menses binos sed per integros aliquot annos: à typographicis vero operis itidem vix intra biennium magnis sumptibus absolvi excusio posset. Non diffiteor & me in eodem fere tecum errore versatum aliquando, faciliora itidem quæque mihi promississe: ut solemus sæpe aliena ex domesticis æstimare. Nosti illud vetus Tityri:

*Urbem quam dicunt Romam Melibœe putavi  
Stultus ego huic nostræ similem.*

quodque mox sequitur:

*Verum hæc tantum alias inter caput extulit urbes  
Quantum lenta solent inter viburna cupressi.*

Difficillimi scilicet confectu sunt Indices, accurati quidem. maximarum quarumvis Bibliothecarum: præ copia immensa eorum quæ annotanda veniunt. Eoque rarò reperire est absolutum aliquem Bibliothecæ id genus Indicem. Plærique imperfecti sunt. Unius Vaticanæ catalogi possunt esse pro exemplo. Quam ille qui in manus incidit Josephi Schæliægeri (tunc autem haud dubie tantum manuscriptorum codicum) fuerit pretii exigui, significant hæc ejus ad Janum Gruterum in epistolis verba: *Quod in alteris literis à me indicem Bibliotheca Vaticana exigit, scito me illo ad tres horas tantum usum: in quo ego nihil prorsus reperi, quam vulgaria omnia: præter tres aut quatuor mathematicos, quos in Bibliotheca vestra & Regia exare scio. Reliqua ejusmodi sunt, ut te ignorare ea præstet, quam unius hora jacturam in illis legendis facere. Statim librum reddere coactus sum: erat enim auctio facienda: & statim emptorem stultum reperi.*

Non



Non me latet, infra expectationem esse Vaticanam, etiam ex illo catalogo Græcorum manuscriptorum codicum apparere, quem juxta cum aliis ejusdem argumenti subjunxit sacro Apparatu Possevinus: adeo vilem autem esse, qualem indicem ejus Scaligerprehendit, vix sit verosimile. Imo vero dixerim ego longe verisimilius, forte ne nunc quidem Bibliothecæ illius catalogum integrum esse confectum, etsi jam à Sixto IVto usque, cujus jussu confusi antehac sparsique libri in ordinem coepere redigi, in id strenue à quam multis fuerit laboratum. Et Peireskium anno 1616. supplementum accepisse indicis mss. Græcor. Biblioc. Vaticanæ scribit Gassendus pag. 228. Nata mihi sane est illa suspicio ex Leonis Allatii V. C. libro illo quem Apum Urbanarum titulo inscripsit: ubi de Alexandro Raynoldo quem Clemens IIX Bibliothecæ Vaticanæ custodem constituit differens ita loquitur: *continuavit indicem librorum Latinorum, qui calamo exarati asseruantur in Bibliotheca Vaticana, addiditq. Indici Sextum & Septimum tomum, cum quinque priores confecti essent à Dominico ejus fratre, dictæ Bibliothecæ custode. Confecit idem Indicem Librorum Latinorum manuscriptorum, qui ex spoliis Electoris & Heidelbergæ in Vaticanam Bibliothecam anno 1623 advecti sunt; congesitque in eos varias observationes & notas.* Quin imo crediderim, nonnisi Græcorum codicum Indicem Scaligero visum esse: perinde atque hujus unius etiam in catalogo Græcorum manuscriptorum Bibliothecæ Bavaricæ codice cxxcv fit mentio. Quicquid vero hujus sit, nihil certius, quam vastarum Bibliothecarum Indices integros, ut confectum perquam difficiles, ita rarissimos repertum esse: ac proinde hoc etiam multis in locis obstare, quo minus catalogi in lucem prodeant.

Ceterum ne hoc quidem: quo minus AUGUSTÆ quidem Bibliothecæ catalogus edatur, vel impediit hætenus, vel poterit in posterum impedire. Index ille (si pauca excipias, ob

ob quotidianam Bibliothecæ accessionem) ea cura, eo successu est elaboratus jam, atque ad matuitatem perductus, ut omnem superet expectationem & nec voto quicquam magis omnibus perfectum numeris possit isthoc in genere expeti aut desiderari. In stuporem profecto abreptus ego sum, simul spectavi ingentem tot voluminum molem, quæ Indicem istum referunt: multo magis, ubi spissos illos & amplissimæ magnitudinis codices, curiosius inspicere cœpi & evolvere. Librorum ipsorummet Index integris quinque constat vastis regali, quam vocant, proceritate voluminibus: seorsim duo sunt volumina cum prioribus illis miro artificio connexa non libros sed auctores memorantia. Quinque priorum tria volumina ipsemet Princeps manu sua conscripsit: id quod mecum haud dubie admiraberis cum plane omni careat exemplo. Omnia porro voluminum illorum & plene & charactere minuto sunt scripta: ne vacuas chartas aut sesquipedales inanes literas obtrudi opineris. Est præterea & alius Index celebriorum quorumque typographorum universæ Europæ; alius adhæc omnium sacre Scripturæ commentariorum interpretationum annotationumque: uterque itidem ab ipsomet confectus Principe: cujus ingenio & industriæ in universum debentur hæc omnia, nisi quod ad nonnulla ministrantium manus adhibitæ sint, nil tamen præter manus. Inusitatam scilicet non in confectioe duntaxat Indicum diligentiam, sed etiam in ipsis Indicibus artem observare est. Nec vero equidem memini illam à quoquam scriptis proditam; quamvis Naudæus Bibliothecariam artem reliquam omnem eximio libello egregiè sit persecutus: imo nusquam illam alibi deprehendi, nec à quoquam audiivi memoratam. Ut proinde illa ars AUGUSTÆ Bibliothecæ sit propria: sicut tota soli item acutissimo Principis ingenio accepta ferenda est. Ea arte vero fit, ut primo librorum codici quatuor reliqui tanquam fundamento sint superstructi: omnes porro librorum

*Indicis moles, ingens  
confectio miranda  
est diligentia.*



brorum auctorumque codices ita cohæreant, ut momenti pene spacio ab imperitioribus etiam quovis, tantum legere si sit peritus, indicari possit, cujuslibet auctoris scriptum unumquodvis, quam variis aut vicibus aut editionibus, quo item loco exemplar quodque in ipsamet Bibliotheca, inveniatur. Nescio num vel sic hâriolando vim naturamque artis illius assequaris: in rem præsentem sane si venias, non dubito te affirmaturum, nihil temere ingeniosius tibi aliàs vitum.

Igitur ut non per optimi Principis voluntatē, ita nec per Indicis aut defectum aut imperfectionem stat, quo minus ille publicetur. Quæris, quid ergo obstat? Magnitudo Indicis: ea videlicet ipsius prolixitas, ut vix duobus grandibus voluminibus, si etiam literas adhibeas minutiores, à typographo bienii spacio queat produci in lucem. Idem quin & aliis omnibus primi atque (ut ita dicam) regii ordinis Bibliothecis usu veniat, haud equidem dubito: quare de talium, integris sane, Indicibus publicandis, res apud me est plane deplorata. Et vero quos hactenus vidimus editos indices, vel Bibliothecarum sunt non valde prolixarum, vel non nisi partium quarundam, & quidem potissimum manuscriptorum Græcorum codicum. Quales excudere, nulla vel levis est molestia.

QUIN igitur, illam Indicis quidem expectationem uterque nostrum deponamus imposterum, & nosmetipsos accusamus potius imprudentiæ, qui & suadere & urgere ausi sumus rem effectui non difficillimam duntaxat, sed impossibilem. Expende nihilominus mecum ILLUSTRIS BOINEBURGI illius AUGUSTÆ Bibliothecæ saltim ista admiranda, quibus Bibliothecas omnium maximas veteris nostrique ævi, nullas non æquat, multas imò omnes longo post sese relinquit intervallo. Nec vero unum est aut alterum ejus quasi miraculum, sed multiplex: quæ proinde suo æstimanda pretio à nobis sunt si in Principem pii, & quod in prudentum bonorumque officio,

est præstare velimus. Te autem non minus quam me velle id agere, habeo persuasissimum: minime scilicet ignarus, quâ sis erga incomparabilem Principem observantia, quamve æquus præclararum quarumque rerum æstimator.

Ac primum quidem habet AUGUSTA illa in conditore suo aliquid plane inusitatum, & omni carens exemplo, ac proinde admiratione dignum maximâ. Non urgebo nunc, quod conditor ille sit generis prosapia & antiquitate nulli magnorum Principum secundus, aut quod primus suæ gentis ad Bibliothecam operose instruendam animum appulerit. Jam tum olim scilicet & secuta tempestate fere omni, hæc cura Reges Principesque quam multos occupavit. Ægypti nempe Rex fuit quondam Olymanduas, qui Bibliothecam ab sese structam *ψυχῆς ἰατρείαν* nuncupare haud dubitavit. In eadem Ægypto Macedonica gente Rex fuit Ptolomæus Philadelphus Alexandrinæ longe omnium celeberrimæ Bibliothecæ structor. Qui *Athenis libros disciplinarum liberalium publice ad legendum præbendos primus possisse dicitur*, Pisistratus fuit, Tyrannus ut tum vocabant, ut nos Princeps, Atheniensis: quæ fere sunt Gellii l. 6. Noct. Atticarum verba, jam tum adducta in medium. Pergamenæ Bibliothecæ auctores Eumenes & Attalus Reges in primis memorantur. Primus etiam Romæ Bibliothecas Græcas & Latinas publicare destinavit Julius Cæsar cum jam rerum omnium potiretur: opus destinatum Augustus perfecit. Adejus exemplum in domo sua Bibliothecam Tiberius condidit, cujus meminit Gellius l. xiii. cap. xviii. Domitiani opus fuisse videtur Bibliotheca illa celebris in templo Pacis, & Hadriani Ulpia in æde Trajani. Transgressorem Julianum Imperatorem hisce verbis in singulare ejus laudibus dicata oratione celebrat Libanius: *βιβλία πάντα παντηχῆς ἐξείλοσι, καὶ τὰ ταμεία διεξέδυναν τοιαῦτα μάλλον ἢ τὰ τῶν χρημάτων ἔπρεσι*. Ejus epistolam ad nescio quem Catholicum Porphyrium recitat Suidas



in voce *Ἀντιοχίᾳ*, qua jubet Antiochiam transferri Georgii alicujus Bibliothecam *πολλὴ πρὸς ἡν*, scribit, *πάνου καὶ μεγάλης βιβλιοθήκης Γεωργίου, παντοδαπῶν μὲν Φιλοσόφων, πολλῶν δὲ ὑπομνηματίζοντων, ἔχει εἰσάχυσαι δὲ ἐν αὐτοῖς καὶ τὰ τῶν Γαλιλαίων* (sic Christianos nuncupare amavit ille ὁ *ᾠδωβάτης*) *πολλὰ καὶ παντοδαπὰ βιβλία*. Fit vero in Suidæ Collectaneis mentio & Bibliothecæ à Juliano in æde Trajani Antiochiæ institutæ, in voce *Ἰοβνισιανός*. Ubi eruditio inter Sarracenicæ superstitionis homines sui aliquam existimationem accepit, in Asia pariter & Africa locupletissimas Bibliothecas quam multi itidem eorum Reges coegerunt. Laudabilis hæc cura ad Europæos denique nostros etiam Reges & Principes transit, posteaquam Turcica barbaries captâ Constantinopoli Græciam inundavit, & cum Græci in exilium pulsi priscae eruditionis Græcanicæ, tum alii Latinae veteris litteraturæ desiderium studiumque quasi postliminio re-duxerunt. In Italia itaque hoc egit statim, Romæ quidem Nicolaus V. Papa (quidni enim & Romanos Pontifices in maximorum Principum ordinem referamus?) & non multò post Sixtus IV. cum primis vero Sixtus V. Florentiæ vero Laurentius & Cosmus Medices: & Urbini Dux Federicus Feltrius ejusque filius Guido: in Gallia Rex Franciscus: in Hungaria Matthias Rex: in Germania nostra denique Palatini Principes Electores ab Ottone Henrico usque & Bajoariæ Duces: ut alios liceat silentio nunc præterire, ne recensio hæc frustra excresecat. Vide de Sixti V. studio in Bibliothecam Thuanum Excerptis pag. 466. part. 1. Franciscum Galliarum Regem Bibliothecam ingentibus sumptibus ad Fontisbellaquei ædes exstruxisse scribit Thuanus l. 3. pag. 57. Roc. pag. 386. scribit ab eodem institutam illam etiam quæ est in Abbatia S. Victoris. Hactenus inquam hoc quidem eximium habet Bibliotheca AUGUSTA, quod itidem magnum Principem nacta sit conditorem; non propria tamen huic dos illa, sed cum aliis

quoque nonnullis est communis. Hoc vero proprium & citra exemplum: quod solius Principis industriâ collecta, quod solius Principis ære empta, quod solius Principis opera quam optime disposita, quod solius Principis curâ & arte in catalogum exquisitè relata, quod solius Principis impendiis aptissimum domicilium acceperit, quod postremo non solius duntaxat sed plane unius ejusdemque Principis studio ex nihilo ad summam perfectionem deducta sit. Par nihil vel vetus vel nostra ætas vidit. Nemo Regum aut Principum simile quid vel conatus est.

Hoc illud est, Illustris BOINEBURGI, cur merito Bibliotheca hæc à conditore suo Principe nomen AUGUSTÆ acceperit: quod aliàs, fateor, hætenus pene insolens fuit, eoq; possit nunc obnoxium censerì cavillationibus. Neque vero in antiquis quidem monumentis legere est Bibliothecarum ulli inditum nomen nisi à loco. Quod sane recentiorum nonnulli nobis memorent, Juliam, Augustam, Octaviam, Asiniam Bibliothecas, id facere solent nullo veterum monumentorum præeunte. Unius *Ulpia* nomen in Flavio Vopisco & P. Victore occurrit nomine quidem gentilitio Trajani Imperatoris, non conditoris tamen sui, qui Hadrianus potius videtur esse, potissimum, ideo tamen, quod in templo Trajani, (quod ab Hadriano demum exstructum esse velex eo liqueat, quandoquidem ab obitu demum ex Hadriani sententia in Deorum ordinem relatus est Trajanus, ceu constat ex Lampridiana Hadriani vita, atque ita à morte demum idem ille Tempus Romæ consecutus est: quale & Antiochiæ fuisse àb Hadriano conditum in memoriam & adorationem Trajani, ex collectaneis Suidæ, voce *Ἰβριανός*, palàm est/ quod inquam in Trajani æde Bibliotheca Ulpia sedem fixerit. unde natum illud Gellii l. 2. cap. 27: *sedentibus forte nobis in Bibliotheca templi Trajani*. Dionis Cassii quidem l. 49, hæc etiam verba sunt Latine versæ:

*Augu-*



*Augustus porricus & Bibliothecas, à sororis nomine Octavias dictas, extraxit: sed alibi Octaviam porricum reperire quidem est, Bibliothecam autem Octaviam forte nusquam: itaque Dionis illa narratio incertior est. Utque certa sit, nec illa tamen Bibliotheca à conditore nomen invenisset, quippe qui Augustus fuerit, non Octavia ipsa: quamvis ita narret Plutarchus, in quem proinde merito animadvertit Justus Lipsius. Quicquid vero hujus sit, in omni secuto ævo haud itidem reperias nomina Bibliothecis indita, nisi assentatione quadam scriptorum, Certe nulla Bibliothecarum majori jure à conditore meruit nomen accipere quam hæc AUGUSTA, cum nulla suo conditori tantum debuerit. Quanquam & absque hoc foret, præclarum illud nomen invidere Bibliothecæ huic deberet nemo; cum vere sit *Augusta*, consecrata scilicet Ecclesiæ & reipublicæ bono; instituta item non avibus quidem bonis, bono tamen & favente Deo: ceu ex felicissimo ejus ab incunabulis usque, ut ita loquar, incremento palam est. Qualia significat vis illius vocis: Quod nos vel Ovidius docuerit, in Fastis canens:*

*Sancta vocant AUGUSTA patres AUGUSTA vocantur*

*Templa, Sacerdotum rite dicata manu,*

*Hujus & AUGURIUM dependet origine verbi:*

*Et quodcumq; sua JUPPITER AUGET ope.*

Sed fortassis non est, ut multis nomini invidiam deprecemur. Majus operæ facturi sumus pretium, si quæ plane inusitata de Serenissimo AUGUSTÆ conditore paulo ante memorabamus, non nihil plenius doceamus. Erat autem illa inter id quasi palmarium, quod ipse et Princeps & collegerit sibi vim illam magnam librorum, & longe optimo ordine disposuerit. Hæc sine exemplo esse, non equidem dubio affirmare. Enimvero de nullo Regum aut Principum, qui Bibliothecas æternæ cum nominis famæ instituerunt, illa quidem legas: de plerisque alia omnia. Philadelphum sane Regem ejus ordinis unum

Bibl. Augustæ Admirandum.

I.

## DE BIBLIOTHA. AUGUSTA

omnium celeberrimum, constans est cum Judæorum Hellenistarum tum Ecclesiasticorum veterum traditio, in colligenda pariter & ordinandâ Alexandrina Bibliotheca omnia egisse consilio & studio Demetrii Phaleræi. Verùm hoc fortassis haud æque est certum: quia Demetrio Philadelphus summe infensus, ejus vero pater solus, Lagi nempe filius, amicus fuit: quemadmodum quidem ex Hermippo refert Laërtius. Hermippi autem narratio non potest non apud nos valere plurimum, cum sit Smyrnæus ille qui Evergeta rege in ipsa Ægypto multa doctrina inclaruit, ipsomet Josepho *l. 1. contra Appionem* teste diligentissimus circa omnem historiam indagator. Berytium enim illum Hadriano demum Imperatore clarum significari, id quod vult Vossius *l. 1. de Histor. cap. XII.* neutiquam est verosimile. Omnis contra Hellenistarum & Ecclesiasticorum illa traditio nititur unius Aristæ narrationibus: quas fabularum esse plenas jamdudum observatum est Scaligero & nostræ ætatis doctoribus aliis. Quid, quod nec illud satis constet, Philadelphusne prius an jam tum pater ejus condendæ Bibliothecæ fecerit initium, cum & Irenæus pariter & Anatolius versionem sacrorum codicum patri Lagidæ ferant acceptam, Clemens ipse Alexandrinus *l. 1. Stromatum* sit dubius? Quod si patri illa laus debeatur, hunc Demetrio esse usum per est probabile: quia ipsi à consiliis fuisse, à perquam multis traditum acceperimus. Utcunque vero illud sese habeat, de Julio Cæsare diserte in hunc modum Tranquillus: *Destinabas Bibliothecas Græcas & Latinas quam maximas posset publicare, data M. Varroni cura comparandarum ac digerendarum. Augustum Pompejo Macro ordinandas Bibliothecas delegasse, ex Tranquilli Cæsare cap. 16. itidem palàm est. Idem Tranquillus de Melisso Grammatico: cito manumissus Augusto etiam insinuatusest, quod eleganter curam ordinandarum Bibliothecarum in Octavia porticu suscepit. Idem memorat C. Julium Hyginum Palatina Bibliotheca præfuisse. Non hisce*

*Scaligerus de Scaligeri  
lib. 1. cap. 1. §. 1. p. 107.*

*frigidam defensum  
fr. Vossig.*

*Sum. Hody in Diff.  
3. Art. 1. cap. 1. p. 107.  
Bibl. Dem. collig.  
verum. Versionem  
sacrorum codicum  
patri Lagidæ ferant  
acceptam, Clemens  
ipse Alexandrinus  
l. 1. Stromatum sit  
dubius? Quod si  
patri illa laus  
debeatur, hunc  
Demetrio esse usum  
per est probabile:  
quia ipsi à consiliis  
fuisse, à perquam  
multis traditum  
acceperimus.  
Utcunque vero  
illud sese habeat,  
de Julio Cæsare  
diserte in hunc  
modum Tranquillus:  
Destinabas  
Bibliothecas  
Græcas & Latinas  
quam maximas  
posset publicare,  
data M. Varroni  
cura comparandarum  
ac digerendarum.  
Augustum Pompejo  
Macro ordinandas  
Bibliothecas  
delegasse, ex  
Tranquilli Cæsare  
cap. 16. itidem  
palàm est. Idem  
Tranquillus de  
Melisso Grammatico:  
cito manumissus  
Augusto etiam  
insinuatusest,  
quod eleganter  
curam ordinandarum  
Bibliothecarum  
in Octavia porticu  
suscepit. Idem  
memorat C. Julium  
Hyginum Palatina  
Bibliotheca præfuisse.  
Non hisce*



hisce annumerabo eos, qui à Bibliothecis isthoc ævo Romæ fuisse, antiquis Inscriptionibus memorantur: videntur enim serviles magis operas Bibliothecis præstitisse. Non ausim quoque iis tuto accensere Asinium Pollionem: quia fortassis propria auctoritate non auspiciis Augusti Bibliothecam in Libertatis atrio publicavit. Avorum memoria vero à Sixto IVto Pontifice usque, Vaticanæ restituendæ curam Platina arque alii susceperunt, non ipsorummet Pontificum quisquam. Mazarinianam quoque Bibliothecam studio Gabrielis Naudæi, non ipsiusmet Cardinalis, & structam & dispositam esse, nemini est ignotum. Mitto alias memorare, in re usque adeo liquida. Nec vero crediderim palmam hanc AUGUSTO Principi ququam redditurum dubiam: quod Regum ac Principum primus suapte cura Bibliothecam longe locupletissimam & condiderit & ordinaverit, nullius alterius in id consilio aut opera usus.

Pertinet vero huc saltim ex parte etiam illud, quod unus ille Princeps, nemine antehac præeunte, & inceperit pariter AVGVSTAM suam & ad hanc stupendam magnitudinem perduxerit. Solent scilicet plerumque Bibliothecæ illæ majores, nonnisi longo temporis tractu, & multorum sibi succedentium industria, denique ad maturitatem suam pervenire. De Alexandrina omnium olim celeberrima scripserat Livius, teste Seneca, fuisse id *elegantia REGUM curæ, egregium opus*. Ipsemet Seneca conditores ejus plures itidem agnoscens, addit: *non in studium sed in spectaculum comparaverant*. Strabo l. i. itidem de Aristotele: *πρῶτον ἐν ἰσχυρῶν συνιστάζον βιβλία καὶ διδάξας τὰς ἐν Αἰγύπτῳ βασιλεῖς βιβλιοθήκης σύνταξιν*. Gellius quoque l. vi. cap. ult. *Ingens numerus librorum in Egypto à Ptolomæis regibus vel conquisitus vel confectus*. Ammianus etiam l. ii. *Loquitur monumentorum veterum continens fides, septingenta voluminum millia Ptolomæis Regibus vigilis intentis composita*. Paulus quoque Oro-

Bibl. Aug.  
gustæ Ad-  
mirandum  
II.

lius

fuis l. 9. c. 13. sic loquitur: *singulare profecto monumentum studii  
 curæq; majorum, quitor tantaque illustrium ingeniorum opera con-  
 gesserant.* Ita illi. Vni quidem Philadelpho solent & Helle-  
 nistæ Judæi & Ecclesiastici plærique laudem hanc adscribere,  
 sed ut ante jam dixi, fide Aristæ scriptoris fabulosi. Ex quo  
 cum & Josephus l. xii. Antiquitat. c. 11. & Eusebius l. 8. de  
 Præparatione referant illud: *Demetrium aliquando interrogatum  
 quot millia librorum jam haberet, respondisse, ducenta millia ad-  
 modum, sed sperare brevi ad quingenta:* secure credi non potest.  
 A Philadelpho tamen eximie ornatam illam bibliothecam,  
 haud equidem negaverim. Nam & Athenæus l. 1. refert coë-  
 misse illum bibliothecam Aristotelis, & alia cum Athenis tum  
 in Rhodo, atque Alexandriam transfuisse. At vero & Ptolomæum  
 Evergetem incredibili studio flagrasse librorum undi-  
 que congerendorum luculente apparet ex iis quæ narrat Gale-  
 nus com. 11. ad libr. tertium Epidemiorum Hippocratis sect. iv.  
 Prolixitas prohibet illa huc adducere: delectabit vero pluri-  
 mum, spondeo, si Galenum ipsum consulere volueris. Ever-  
 getem autem hunc esse illum id nominis primum Philadelphi  
 filium & successorem, non est cur quis forte dubitet. Etenim  
 & Evergetem secundum profuisse propagandæ passim erudi-  
 tioni, refert quidem Athenæus ex Menele Barcæo & Andro-  
 ne Alexandrino, sed non illa laudabili ratione, verum præ sæ-  
 vitia pulsus in exilium eruditus. Athenæi verba l. iv cap. ult.  
 Latine sic versa sunt: *Renovata sunt omnes disciplina sub septimo  
 Egypti Rege Ptolomæo, quem alii præcipue Alexandrini νααργέτω  
 appellarunt. Hic enim multis Alexandrinis jugulatis, nec paucis  
 qui cum fratre ejus adoleverant in exilium actis, urbes ac insulas  
 replevit Grammaticis, Philosophis, Geometris, Musicis, Pictoribus,  
 puerorum magistris, Medicis, & aliis multis artificibus, qui ob  
 inopiam ea docentes qua sciebant, omni humanitate præclaros viros  
 expolierunt.* Vsque adeo verò librorum studium fuit Ptolomæorum



maiorum familiæ quasi proprium, ut & Cleopatram ab Antonio suo Attalicam bibliothecam petiisse, atque impetrasse, à Plutarcho sit memoriæ proditum. Quod Alexandrinâ itaque Bibliotheca non uni Regi sed multis debeat, sine hæsitacione licet utique affirmare. Par ratio vero est & hujus æmulæ Pergamenæ. Strabo enim quidem ita fere loquitur l. XIII: *Eumenes urbem instruxit, & donariis ac Bibliothecis, uti nunc est, diligenter excoluit.* Plinius quoque l. XIII cap. XI memorat duntaxat æmulationem circa Bibliothecas Regum Ptolomæi & Eumenis, qua factum, ut *supprimente chartas Ptolomæo, Pergami membranae sine reperta.* At vero ipse ille Strabo l. eodem, agens de Scepsi & bibliotheca Aristotelis ac Theophrasti Scepsin translata, significat, Attalicorum Regum commune studium fuisse, libros conquirere ad instruendam Pergami bibliothecam. Ut proinde nihil aliud voluerit, quam Eumene auctore cœpisse Bibliothecas Pergamenas. Et vero accipienda illa sunt de Eumene primo Attali patre, non de secundo, quod Lipsio placuit: qui proinde non poterat satis assequi illam Regum æmulationem: quæ plana tamen est, cum Eumenis primi regnum incidat in ævum Philadelphi atque Evergetæ: quorum alteruter chartas supprimens membranæ Pergamenis dedit originem. Pergamenis, inquam: pridem enim ante membranarum aliquod genus fuisse in usu, certum videtur. Plures uno autem Pergamenorum regum Bibliothecæ struendæ dedisse operam, etiam Galenus Pergami natus, vir summæ eruditionis, testatur sine commentarii sui in Hippocratis libellum de Natura Humana. Nam, inquit, ante aetatem REGVM Alexandria & Pergami, inter quos erat in comparandis libris veteribus contentio, nullus liber unquam falsum titulum habuerat. Verum ut primum acceperunt premium, qui antiqui cujuscumque auctoris libros iis afferrent, tum demum multos falso titulo insignientes attulerunt. Vitruvius quoque l. VII. scribit: REGES Attalicos magnis Philologiæ

*dulcedinibus inductos egregiam Pergami Bibliothecam ad communem delectationem instituisse.* Taceo & Alianum pariter & S. Hieronymum epistola ad Chromatium, diserte æmulationem illam Attalo adscribere, primo scilicet id nominis, Eumenis filio, Evergetæ compari. Quid, quod fortassis ad copias illius librariæ supellectilis etiam sacerdotes juverint? Galenus certe cum in VI. Epidemiorum commentario, tum tertio de fractura ossium libro, memorat, sacerdotes Pergamēnos collegisse medicorum antiquorum imprimis libros, partim in membranis partim in corticibus tilia exaratos. Quin igitur & Alexandrina & Pergamena Bibliotheca à non uno sit structa rege, non esse dubitandum videtur. Illa quoque Constantinopolitana, quam cum centum & viginti millibus librorum constaret, conflagraffe jam tum diximus, *multorum* cura ita excrevisse, iidem qui conflagrationem narrant prodiderunt, Zonaras pariter ac Cedrenus. Præter hasce vero in veteri ævo nulla, summæ quidem notæ Bibliotheca, quæ Regum studio sit collecta, commendatur. De Sarracenicis Bibliothecis parca ad nos memoria pervenit: eoque non etiam est quod alterutram in partem differi de iis possit. Ex recentioribus Regiam Gallicanam utique sensim crevisse, per varias diversis temporibus ac regibus factas accessiones, vel ex iis quæ non multum ante adduximus à Thuano commemorata, de antiquæ Medicæ in Regiam translatione, abunde palàm est. De Oxoniensi iidem jam innotuit, ex iis quæ jam tum narravimus non semel. Quin imò ex Richardi de Buri Episcopi Dunelmensis opusculo, à Goldasto cum Epistolis Philologicis edito, cui ipse autor Philobiblio nomen dedit, manifestum est, Bibliothecam Oxoniensem jam tum Eduardo III Rege, h. e. anno seculi Christiani quartidecimi quinquagesimo circiter, ut rectè Tritheimius computat, per Richardum illum strui cœptam. Scoziacensem Regiam Hispaniæ Bibliothecam, incepit quidem Philippus



lipptus II: sed pòst demum excrevisse ineam quæ hodie admirationi est magnitudinem, docebunt quæ non multo pòst adferemus. Quâ celebriorem nullam Germania olim habuit, Palatina originem quidem suam debuit Ottoni Henrico Electori, sed justam amplitudinem pòst demum accessisse, itidem brevi apparebit. Ad Vaticanam complures Pontifices operam suam contulisse, notissimum in vulgusest. Angelus Roccha, (qui singulari libro Bibliothecæ illius historiam traditurum sese professus est, etsi nihil habeat dignum memoratu, præterquam quod ex compilatis Onuphrii Panvinii hætenus latentibus monumentis, illaudabili facinore est subductum) *sicut Bibliothecam, scribit, Vaticanam jam inde à S. Petro ortum traxisse, ita etiam ab eodem de ea conservanda curam successori suo fuisse demandatam, conjectari licet: ut ex inscriptione quæ infra legitur, videre est.* Expectaret prudens quisq: inscriptionem ex primo Ecclesiæ Romanæ ævo: ut hominis judicium autem videas, adferat aliquid à Sixto Vto parieti inscriptum, hæc & alia quidem nonnulla referens, sed æquè ridicula atque inepta. Equidem haud negaverim superesse in Bibliotheca illa monumenta nonnulla vetustatis eximæ, & à nonnullis Pontificibus sensim quædam illi addita: ipsum autem sanctissimum Apostolum Bibliothecæ struendæ dedisse operam, ejusque curam successoribus mandasse, non dubito, abs Te etiam febriculosis Curia adulationum somniis adscribi. Quid? quod nullo testimonio aut indicio sit probabile, Romanos Pontifices ante Nicolaum Vtum Bibliothecæ librariæ curam magnopere habuisse? *Libraria* inquam; in alios enim usus ab eorum nonnullis aliquid collectum, haud nego. Ipsemet Roccha Volaterranum laudat testem, qui in hæc verba de Nicolao V scribit l. 22: *Bibliothecam Vaticanam instituit: missis quaquaversus doctis viris comparandorum librorum gratia. Primus nostri seculi literas penè extinctas excitavit, præmiis omnibus hominibus virtute præditis in-*

*vitatis.* Onuphrius in libri nondum publicati de Bibliotheca Vaticana iis fragmentis, quæ post Roccham protulit l. 2. Itinerarii Italiae c. x. Franciscus Schottus, scribit: ante Sixtum IVtum confusos sparsosque libros neque ullo certo aut digno loco interclusos: Sixtum vero indigne ferentem libros illos partim verustate, partim hominum injuria consumi, certo & oportuno loco digessisse, armariis pluteis ceterisq. instructa & bene culta Bibliotheca necessariis exornasse, atque Bibliothecam Vaticanam multis additis voluminibus, Ecclesia decori, fidei catholica amplificationi, publicæ eruditorum hominum commoditati & honori consecrassse. De eodem Sixto refert Onuphrius: quod denique anno ab orbe redempto M CCCC LXXV perpetuum custodem & veluti Bibliothecarium Vaticanæ Bibliothecæ tum à sese erecta, bulla plumbea instituerit Bartholomæum Platinam. Idem Onuphrius vitam Sixti describens: Bibliothecam, inquit, Palatinam in Vaticano, toto terrarum orbe celebrem, Palatino præfecto, adductisque ex omni Europa libris contraxit, certosque proventus, unde custodes & librarii, Græci Latini & Hebraici, menstrua salaria quibus ali possent haberent, libriq. emerentur, assignavit: opus omnium præclarissimum & Pontifice maximo dignum. Ipsemet etiam Platina de Nicolao: Misit & literatos viros per omnem Europam, quorum industria libri conquirerentur, qui majorum negligentia & barbarorum rapinis jam perierant. Nam & Poggius Quintilianum tum invenit, & Enoch Asculanus Marcum Cælum Apicium, & Pomponium Porphyriionem in Horatii opera scriptorem egregium. A quo Nicolai ingenio quantum abfuerit tamen Paulus Ildus, prolixè idem narrat, hoc etiam adjiciens: Humanitatis studia ita ode-  
rat & contemnebat, ut ejus studiosos uno nomine hæreticos appella-  
ret. Hanc ob rem Romanos adhortabatur, ne filios diutius in stu-  
diis literarum paterentur; satis esse si legere & scribere didicissent.  
Verùm hæc obiter tantum adjicere placuit, ut magis appareat  
falsitas ineptarum narrationum Angeli Rocchæ, & inscriptio-  
num



num quas ille recenser. Cum verò constet, jam ante Nicolaum fuisse aliquod Romæ inconditum chaos librarium, & jam à Nicolao ipso, antequam Sixtus formam aliquam Bibliothecæ Vaticanæ indidit, undique vim eximiam librorum congestam fuisse, idemque egisse Sixtum, neminem etiam fugiat saltem illud Bibliothecæ istius ingens incrementum quod ex spoliis Germaniæ nostræ memoriâ partum est: non uni alicui Pontificum posse omnem illam Bibliothecam referri acceptam, vero utique est verius. Frustra fuerim, si alias etiam bibliothecas nobiliores fortunam suam itidem multorum studiis debere, demonstravero. Et vero illam Matthiæ Hunniadis Pannonicam, ac recentissimam Mazarinianam si excipias, fortassis nullam, quæ quidem Regum aut magnorum Principum auspiciis ceperit, laudare licuerit, quæ eodem auctore orta pariter sit atque ad fastigium pervenerit. Contigit vero hæc felicitas AUGUSTÆ nostræ, ceu ante diximus; Utpote quam optimus idem Princeps nulla plane adjutus à majoribus jam parata suppellectile, quasi ex nihilo novam omnino exorsus est, sensim auxit. & denique in hanc magnitudinem quam admiramur perduxit; quamvis ne nunc quidem magis magisque eam perficere negligat. Unicam dicere liceret hanc etiam AUGUSTÆ laudem nisi Pannonica illa & Cardinalitia venissent in partem. Id tamen manet, plerisque omnis ævi Bibliothecis maximis etiam hac in re AUGUSTAM antecellere.

Subjungam nunc, quo si non magis certe non minus priore, AUGUSTA Bibliotheca jactare sese potest, tanquam aliquo præcipuo, quodque à suo conditore nata est itidem vere *admirabile*, eoque tertio loco numerandum. Pertinet autem etiam illud ad comparisonem tantæ librorum copię, & quidem ad ipsammet comparandi rationem: in qua itidem optimum Principem se singularem præstitisse, nisi fallor, palàm futurum est. Apparebunt autem omnia etiam hæc, si præmiserō

Bibl. Aug.  
gustæ Ad-  
mirandum,  
III,

nonnullis, quemadmodum & olim & nostro ævo maximæ quæque Bibliothecæ sint Regum Principumque studiis natæ & conquiritæ. Qua in re placet initium nunc facere à Latinis antiquis. Isidorus Hispalensis l. 6. Originum ita loquitur: *Roma primus librorum copiam advexit Æmilius Paulus, Perse Macedonum rege devicto: deinde Lucullus è Pontica prædâ.* De Lucullo nonnihil aliter Plutarchus, quasi scilicet ære suam paraverit: *Laudanda ejus impensa & studium in libris: nam & multos & eleganter scriptos acquisivit, eosque ut liberaliter paravit ita etiam utendos dedit.* Sed utraque narratio facile conciliatur, si dixeris, æs illud quo parata Bibliotheca est ex prædâ Ponticâ esse acquisitum. Post Lucillum Isidorus statim narrat, quid molitus sit Julius Cæsar: non debuit vero præteriri Cæsar prior Sulla. Hunc captis Athenis avexisse inde Romam Bibliothecas, non unus memorat. Lucianus adversus indoctum: *εἰ ἀπαντὰ ἐκείνη (τὰ βιβλία) κτήσῃ, ὅσα ὁ Σύλλας Ἀθήνηθεν εἰς ἰταλίαν ἐξέπιμψε, τί ἂν ἐκ τῆς πλείον εἰς παιδείαν κτήσαιο;* *Si omnes eos libros habeas, quos Athenis in Italiam avexit Sylla, num ideo eruditior es futurus?* Has inter fuisse & Apelliconis Teji locupletissimam librariam suppellectilem, cujus pars erat ipsa Aristotelica, (de cujus amplitudine multa habet etiam Athenæus l. 5. cap. 13.) luculente narrat Strabo l. 13. & Plutarchus in Panathenæico: qui eleganter *τὰ βιβλίῳι ταμιεῖα* fuisse ait *μᾶλα τῶν Ἀθηναίων κόσμον οἰκεῖον.* Hi tres igitur construxerunt Romæ Bibliothecas ex spoliis. Pergit vero Isidorus: *Primus Roma Bibliothecas publicavit Pollio, Græcas simul atque Latinas, additis auctorum imaginibus in atrio, quod de manubiis magnificentissimum instruxerat.* Perquam autem verisimile est, ut atrium ita etiam Bibliothecam ipsam ex manubiis conditam. Dio Cassius l. 49. scribit Augustum *ex manubiis Dalmatarum paulo ante subactorum, porticus & bibliothecas, Octavias dictas, extruxisse.* Ejusdem vero gentis manubiis usum & Asinium Pollionem dixeris, quoniam & ille Dal-

matas



matas bello superavit. Templum Pacis à Vespasiano esse constructum, Josephus, Tranquillus, Dio, S. Aurelius Victor, & alii referunt. Estque itidem verisimile, ex manubiis Judaicis id constructum esse: utpote cum in ædem illam vasa & donaria templi Hierosolymitani sint deposita, ceu prodit S. Hieronymus. Quidni ergo liceat suspicari, ex iisdem manubiis etiam Bibliothecam templi illius celeberrimam esse conditam, quamvis forte demum à Domitiano? Fuit autem templum hoc quotidiano etiam conventu litteratorum nobile: quantum ex variis Galeni locis colligere est: non tamen & ægrotorum, quod Gyraldus credidit, cuius errorem docte coarguit Hieronymus Mercurialis l. 1. *Variar. lectionum cap. XXIII.* Ulpiam Bibliothecam itidem ex manubiis Dacicis prodiisse, haud immeritò quis suspicetur, si ab ipsomet fuerit Trajano condita. At verosimile saltem jam fecimus, deberi illam potius Hadriano. Hoc itaque esto incertum. Post hunc vero Bibliothecæ causa Imperatorum nemo inclauit. Gordianum duntaxat juniorem, Julio Capitolino teste, Bibliotheca, *in qua sexaginta duo millia librorum censebantur, ad cælum tulit: siquidem tanta Bibliothecæ copia & splendore donatus, in famam hominum ore litteratorum decore pervenit.* Illius autem structuræ laus non Gordiano, sed Q. Sammonico Sereno debetur: à cuius filio cognomine ad Gordianum dono pervenit: quem acquirendi titulum nemo improbaverit. Quinam struxerint Bibliothecam illam Constantinopolitanam, amplissimam profecto, quam Basilisco Imperatore conflagrasse jam memoravimus, nusquam proditur. Nihil causæ vero est, cur existimemus, esse alios quàm eos qui Constantinopoli magnifica illa auditoria ædificavere, habendis omnium artium liberalium scholis, de quibus alibi disseruimus. Imperatores igitur condiderint illam Bibliothecam, & quidem cum ipsemet Maximus (sic enim in nummis pariter & inscriptionibus antiquis est, non vero *Magnus*) Constantinus, tum præcipue

cipue Theodosius. Ita vero siest, vix equidem dubitaverim, modò Christianæ doctrinæ scripta excipias, Bibliothecam istam, saltem parte potissima, ex spoliis templorum gentilium coaluisse. In hisce scilicet passim & libraria supellex reperiatur. Constantini verò jussu atque auspiciis templa illa omnia spoliata, reditus item & donaria illorum impensa in structuram novæ Romæ, simulacra quoque templis detracta in Urbis illius ornatum translata esse, & denique templa ipsa Theodosii aëvo monachorum præpostero zelo plurimis in locis omnino destructa esse, certissimum est. Lege, amabo, saltem Libanii pro templis gentilium non excindendis ad Theodosium Magnum orationem, cum doctissimo commentario viri Clarissimi Jacobi Gothofredi. Detractas vero etiam Alexandriæ ædibus illis Bibliothecas per Christianos, fatetur disertè Paulus Orosius l. 6. c. 15: *cujus verba & Miscellæ Historiæ inserta sunt, ut pleraque Orosii alia, l. 6. c. 37. Cum narrasset enim, quemadmodum Julii Cæsaris jussu incensa Alexandrina classe, simul quadringenta millia librorum proximis forte ædibus condita perierint, quæ jam tum adduximus, addit: Hodieq; in templo exsistunt, quæ & nos vidimus, armaria librorum. quibus direptis, exinanita ea à nostris hominibus, nostris temporibus, memorant: quod quidem verum est.* Et vero de Constantino refert quidem Eusebius l. 3. de ejus vita, illum Imperatorios thesauros liberalissime effudisse, in colligendis scribendisque libris sacris, quos gentiles temporibus persecutionum ab Ecclesiis pene excusserant: de liberalitate autem aliqua etiam in alios libros impensa, nec ille nec quis alius habet quidquam. Ut ad antiquissimas porro Bibliothecas à Ptolomæis & Attalicis regibus institutas reflectamus oculos: ad Pergamenæ quidem collectionem etiam violenter abreptos interdum libros, haud obscure colligere est ex iis quæ narrat Strabo l. xiii de Aristotelis Bibliotheca, postquam illa per Neleum fuit Scepsin translata: sub terra scilicet defossam, ne in



ne in Regum, libros undique conquirentium, manus incideret. Alexandrinæ unius structura à nemine non soli opulentia & summæ in rem litterariam liberalitati regiæ adscribi solet. Cujus sane præclarum testimonium est id quod Galenus narrat: ab Evergeta pro Sophoclis, Euripidis, Æschylique tragædiis ἀπορροισ, oppignorata Atheniensibus quindecim puri argenti talenta, sed reddita exemplaria nova elegantissime exarata, cum pignoratis talentis. Cum periisset tamen incendio illa prior Ptolemæorum Bibliotheca, in reparationem damni illuc traductam Pergamenam, jam tum audivimus ex Plutarcho. Quo simul patet, Paulum Orosium recte reprehendere Alexandrinos sui ævi gentiles, qui à Christianis direptas Bibliothecas, reliquias fuisse illius per Julii Cæsaris militem excitato incendio perditæ retulerant. *Honestius creditur, inquit, alios libros fuisse quasitos, qui pristinas studiorum curas emularentur, quam ullam fuisse tunc bibliothecam, qua extra quadringenta millia librorum fuisse, ac per hoc evasisse, credatur.* Cæterum ad nostrum ævum veniamus. Ad Vaticanæ institutionem à Sixto IVto Papa adhibitum illud antiquum librorum complurium chaos, jam tum audivimus: perinde atque non semel conquesti sumus, ex spoliis Palatinis Germaniæ nostræ invidendum ipsi augmentum accessisse. Nec vero vel ipsum Sixtum IVtum liberali multum fuisse affectu, ad copiam aliquam insignem librorum ære comparandam; velex eo discas, quod prodente Onuphrio, *ut facilius conservaretur & augetur Bibliotheca, Sixtus strenam centum aureorum, quam Romanis Pontificibus collegium scriptorum Apostolicarum literarum quotannis dare consuevit, in perpetuum addixit.* Quæ summa sane est exigua, & nisi fallor indigna Pontificiis vestigalibus. In eadem Italia quam Veneti ostentant Bibliothecam, donum est Cardinalis Bessarionis: cujus hac de re ad Senatum Venetum epistola reperitur in operis quo Literæ multorum Principum publicatæ sunt l. i. epist. 2. In Rocchæ

item libro & Philologicis Epistolis Goldasti. Etiam Palatina Germaniæ (eheu quondam!) Bibliotheca, parte bona si non optima, liberalissimo Huiderici Fuggeri dono accrevit. Recitabo in id verba Jani Gruteri Bibliothecarii Palatini longe celeberrimi, quamvis sub nomine I. Gualtherii latitare voluerit. Is igitur l. 2. Chronici Chronicor. Politici ubi Academias recenset pag. 1257. *Heidelbergæ inquit, non tantum consetur & optime passim audit ob Academiam & Electoris Principis aulam: sed etiam ob Bibliothecam Palatinam, dedicatam primum ab Ottone Henrico Electore, auctam vero egregie sub Friderico IVto, liberalitate Ulrici Fuggeri: adeo ut facile libris mss. Hebraicis, Græcis, Latinis, & quidem potissima sui parte authenticis, omnem provocet Europam.* Idem l. 2. Chronici Ecclesiastici, recensens obitus præclarorum quorumvis virorum pag. 1306: *Ulricus Fuggerus Raimundi filius, litterarumq; admirator unicus: qui Palatinæ, præter insignem Bibliothecam, mille aliquot voluminibus mss. Græcis, Latinis, Hebraicis spectatissimam, quindecim aureorum Rhenensium legavit millia, instruendis quinque studiosis: obiit XIIIX. Kal. Julii 1584. ætatis 58. Heidelbergæ.* In eandem sententiâ obitum ejus celebrans loquitur Thuanus l. 80. De Regia porro Hispanica Bibliotheca ita refert Franciscus Schottus l. 2. Itinerarii Italiæ cap. x. *Regiam Bibliothecam, quæ in Carpetanis est ad D. Laurentium, Didacus Hurtadus Mendoza, Caesaris olim apud Venetos Legatus, accepta è media Græcia Græcorum librorum plena navi, mirifice ornavit.* Thomas Erpenius oratione altera de Lingua Arabica scribit, *Regis Maroccani Bibliothecam Arabicam, constantem septem mille & octingentis libris, in Hispaniam improbe avectam, & in Regis Bibliothecam translata esse.* Non etiam dubio, id quod factum est à Mendoza, non neglectum esse & ab aliis. Nec vero vanum fuit illud Cardonæ: *Intellecto animo Regis librorum colligendorum, & studio honestissimo reipubl. litterariæ juvanda, Principes multi, & Hispani & exteri, multique etiam homines eruditi, glorio-*



*gloriosum putabunt, libros rariores, quos nacti fuerint, ad Regem mittere.* Mariana testatur, ex omnibus Europæ partibus ad famam novi operis magno numero libros confluisse. Quod tamen de solis donariis fortassis haud est accipiendum. De Mazariniana Bibliotheca gloriatur ipsemet Naudæus in sua pro illa ad Parlamentum Parisiense querela, ad illam ornandam complures Reges ac Principes universæ Europæ, omnes item Legatos Regios Gallicanos qui integro decennio in regiones quasque missi sunt, operam suam liberaliter contulisse. Oxoniensis denique tota, quanta quanta est, ex donariis coaluit. Alias tangere non est pretium operæ,

Ex hisce vero quæ attuli manifestum utique est, illas, quæ Regum Principumque auspicijs conditæ sunt, Bibliothecas saltem plerasque, etsi non omnino, in justam magnitudinem tamen, excrevisse, vel ex spoliis, vel ex manubiis, vel ex donis, vel ex majorum industria collectis. Etiam harum vero bonam partem magnis impendiis non coemptam, nonnullas quamvis rariores integre nummis comparatas non esse, absit ut persuasum cuiquam velim. Ausim tamen affirmare, privatas Bibliothecas, aut à privatæ conditionis viris institutas, multo plures acceptas ferendas solis conditorum impensis nulla vi paratis, quam Regias. Hoc verò etiam unice attendi commeretur: quod illi fere Regum Principumque demum ex magnis Bibliothecis ære partis laudem consequuti hætenus sint, quibus proventus annui immensi, & bona orbis pars vestigalis fuit. Majorem autem laudem mereri qui ex modicis quam nimis opibus liberales sunt aut magnifici, non prudentum duntaxat consensu pridem est constitutum, sed confirmatum etiam illa à Christo nostro instituta pauperis viduæ binos obulos in usum sacrum offerentis, invidenda ditioribus laudatione.

Jam vero attende obsecro, Generose BOINEBURGI, rationem illam qua thesaurum hunc librarium regia profecto, si

quod aliquod aliud verè magnificum opus, æmulatione Princeps meus condidit. Nulla hic spolia: raptus nulli: nullæ manubiæ: à majoribus nihil apparati: dona perquam exigua, reapse igitur itidem nulla. Omnia nummis coëmpta: bona eorum pars, cum vestigalia perquam modica adhuc essent, imò propemodum infra modum. Annus hujus seculi quartus agebatur cum tanti operis facta sunt initia. Erat is annus Serenissimo Duci vitæ Sextus Vicesimus: quæ ætas voluptatibus aut ludicris intenta plærumque est, rarissimelibris congerendis: in Principum præsertim ordine, ut ille multò pluribus est obnoxius vitiorum illecebris. Major amplissimi Ducatus Brunsvico-Lyneburgici portio tenebatur ab agnatis. Paternæ hereditatis potissimum cesserat fratri natu maximo. Nec ulla sese vel eminus ostendebat spes, fore, ut extincta fratris, multo minus agnatorum aliqua domo, (quarum quippe unaquælibet multâ sobole masculâ instructa pene æternitatem pollicebatur suæ posteritati) in pinguis alicujus provinciæ possessionem Princeps Juvenis aliquando succederet. In aula sedem acceperat optimus Princeps Hitzkerium, ut vulgus contractim loquitur: cui genuinum nomen Hiddesacker (prout etiam Crantzio l. 12. c. 5. Saxonie audire, ex Principis ad me literis didici) quasi tu Latine Hiddonis agrum appellites. Quæ arx antiquissimâ quidem reverentiâ genti meæ Frisiorum sacra, tanquam ab Hiddone fortissimo heroe Frisio primùm condita: (qua de re majorum traditionem, quamvis præ vetustatis licentia fabulis corruptam, non sine voluptate fortasse legeris, in Cornelii Kempii Historia rer. Friscar. l. 3. cap. 6.) sequiore tamen tempestate latronum receptaculo fuit profanata: donec pulso illo pessimo hominum genere in partem Ducatus accepta est. Ithacam dixeris Ulyssis nostri (nam & de nostro jam tum juvene potuit canî illud Homericum de Ulysse:



πολλὰν δ' ἀνθρώπων ἰδὼν ἄντα καὶ νέον ἔργα

*Multorum mores populorum vidit (Turbes:)*

quod utramque antehac obscuram incolatu suo & cultu illustrem Principes illi bini reddiderint, nisi illam scopulis asperam hæc amœnitate sua & comoda Jetzæ Albisque confluenta multum superaret. Illa ætate, illa vitæ conditione, illo loco erat Princeps, quum opus magnis duntaxat Regibus, nec eorum nisi paucis, tentatum, moliri haud dubitavit, idque nullâ vicinorum quidem Regum Principumque invitatus æmulatione. Nec vero quisquam vicinæ similes quid vel conatus hactenus fuerat, tametsi in amplissima positus fortuna: nisi quod inter adnatos Principes JULIUS Dux, ut animo regio nostram hanc Juliam condiderat, ita & Bibliothecam, quæ nepotis Friderici Ulrici Ducis beneficio denique cessit Academia, sibi struere incepisset: eo tamen successu, ut quod de Cæsare Julio & Augusto in doctorum monumentis legimus, merito dicendum de nostris veniat, JULIUM Bibliothecam *destinasse* AUGUSTUM *perfecisse*. Caterum non magno magis animo Princeps quam prudente consilio rem aggressus est. Itaque non ex Germania duntaxat nostra universa, sed Gallia, Italiâ, Hispania, Britannia, Belgio, quicquid melioris notæ librorum accipi potuit, magnis impensis, quantum annui proventus patiebantur, ab illo usque statim laudato anno, fecit conquiri & comparari. Commodum scilicet omnes illas terras, in Siciliam & Melitam usque progressus, lustraverat jam tum summo studio inusitatæ indolis Princeps, conciliaratque sibi cum literatissimis quibusque ut & aliis librariæ rei amatoribus, annos aliquot, propiorem familiaritatem: quorum proinde opera, passim terrarum, cum primis, in Italia quidem Romæ Neapoli Venetiis ac Florentiæ, in Gallia Lutetiæ Parisiorum, in Anglia Londini & Oxonii, (ut Belgii, & Germaniæ loca celebriora nunc taceam) in coëmendis libris optimis, feliciter usus est. Ma-

gnum vero operi incrementum accessit ex Germania nostra, locupletissimis tribus comparatis bibliothecis, Marquardi Freheri, Curionum patris ac filii, Cælii inquam & Cælii Augustini, ut & Joachimi Clutenii, qui cum viveret Principi simul fuit à consiliis salario satis opimo. Ut enim his fuere in omni literarum genere versatissimi, laudemque nominis æternam sibi peperere plurimis ingenii editis monumentis, ita & instructissimam in studiorum usum supellectilem librariam quilibet instruxerat. Quæ omnes ab heredibus eorum amplissimis impendiis comparatæ, nunc AUGUSTÆ partem, quamvis hodie perexiguam, constituunt. Nec vero ullo tempore urgere suum hoc opus desit Princeps, sed quamcunque datam occasionem non passus elabi, jam in annum usque à primordio cæpti operis quinquagesimum septimum, unde quaque congestis perpetuis accessionibus, immane quantum thesaurum istum instruit atque locupletat. Enimvero ne ingentes quidem illæ calamitates bellicæ, quæ ruinam universæ Germaniæ, & propemodum ipsimet Serenissimæ Ducum familiæ interitum, annos complures minitabantur, restinguere illum ardorem, imo ne minuere quidem, valuerunt. Ex quo pax rediit, atque à morte FridERICI Ulrici Ducis ut & fratris Julii Ernesti, amplissimarum magni hujus Ducatus Brunsvico-Lyneburgici partium possessionem felicissimus Princeps nactus est, creveruntque adeo plurimum annua vestigalia, etiam solito plus Bibliothecæ impensum est. Summam factorum in Bibliothecam sumptuum dicere nequeo: ignorat illam Princeps ipsemet, quod in tabulas expensarum referri seorsim talia haud curaverit. Prudenter protecto: nec enim fas est numerare quæ in res sacras (cujusmodi est Bibliotheca quævis regia) impenduntur: ne resciscat sinistra id quod dextera liberaliter contulit. Et vero in emendis quoque libris ea fuit religione Princeps, ut cum Parlamenti Parisiensis decreto illa Eminentissimi Cardinalis Mazarini omnium optima Biblio-



Bibliotheca vili pretio distraheretur, quamvis essent quæ multum desideraret, vetuerit tamen Princeps quidpiam ejus sibi emi: ne quid ex illa in omne ævum haud temere excusanda venditione, quam boni publici amore averfabatur, quid adveniens sacra AUGUSTÆ suæ contaminaret. Quam generosam pietatem pristina post felicitati redditus Cardinalis actis gratiis & agnovit & miratus est. Sed de tertio Bibliothecæ AUGUSTÆ Admirando fortasse satis est actum.

Propius nunc ad ipsam Bibliothecam est accedendum: quæ hætenus enim admiratus mecum es, Illustris BOINEBURGI quasi extra illam sunt, atque ad illud causæ genus quam effectricem appellamus tantummodo pertinent. Præbet autem ipsamet Bibliotheca non minus multa admiranda: in librorum numero, in bonitate, in dispositione, & in loco idoneo. Et vero in hisce quatuor potissimum (addi enim & quintum debet, aptitudo scilicet utendi) cujuslibet Bibliothecæ perfectio consistit. Quorum proinde artificiosam rationem indubie ostendit Aristoteles si, quod Strabo testatur, non tantum congregavit libros multos primus, sed etiam Ægypti reges docuit βιβλιοθήκης σύνταξιν. Etiam hæc itaque Bibliothecæ AUGUSTÆ admiranda mecum, sodes, expende: initio à librorum facto ingente numero.

Antequam vero id agamus, non arbitror necessum esse, uti te quidem muniam adversum Senecæ sententias; qui immensam omnem librorum multitudinem ceu vitio laborantem traducit. *Distrabit*, ait epistola 2, *animum librorum multitudo: itaq; cum legere non possis quantum habueris, sat est habere quantum legas*. Libro de Tranquillitate animi cap. 9, *Quò*, scribit, *mibi innumera- biles libros & bibliothecas, quorum dominus vix tota vita sua indices perlegit? Onerat discitem turba non instruit: multoque satius est paucis te auctoribus tradere, quam errare per multos*. Item *Pareatur librorum quantum satis sit, nihil in apparatus*. Hæc

Augusta  
Biblioth.  
Admiran-  
dum IV.

inquis,

inquis, in has impensas, quam in Corinthia pictasq; tabulas effuderim. Vitiosum est ubique quod nimium est. Quid est, cur minus ignoscas nomen marmore atque ebore capzanti, quam opera conquirenti aut ignotorum auctorum, aut improbatorum, & inter 100 millia librorum oscitanti, cui voluminum suorum frontes maxime placens titulusque? Non censeo, inquam, Te quidem hisce moveri. Id enim damus quidem Senecæ, non in ostentationem sed usum libros esse comparandos: at neutiquam recte hinc colligitur, paucos duntaxat comparandos esse. Non una nempe est usus illius ratio sed diversa ac multiplex. Privatus alius est usus, alius publicus ac communis. Ad hoc, quemamodum rerum familiarium, aliæ ad necessitatem requiruntur, aliæ ad utilitatem, aliæ ad elegantiam, pertinetque ad felicitatem patrisfamilias nullo horum carere: ita etiam librorum alii sunt necessarii, alii utiles, alii ornatum præbent: Illa vero Bibliotheca demum vere suo in ordine perfecta est, quæ triplici illo est librorum genere instructa. Pro vario itaque illo usu, numerum quoque librorum diversum esse oportet. Et verò nec privato cuique idem numerus convenit, sed alius atque alius pro ingenii & studiorum diversitate. De Aristotele refert Strabo, illum primum, quod sciat, libros coëgisse, hoc est majorem sibi vim librorum comparasse. Recte sane: Primus enim mortalium, in Græcia saltim, per omne doctrinæ genus diffudit ingenium, interque alia primus fere omnium non Græcia solum sed etiam Barbaria civitatum mores, instituta, disciplinas scripto tradidit posteritati: id quod fieri non potuit sine monumentorum locupletiore quodam penu. Si quis Aristoteli dispar idem conetur privatos quidem in usus, merito is ludibrium debeat sapientibus: certe prudenti cuique ac frugali patrisfamilias, quem ex Catonis præcepto, non oportet emacem esse, ne quidem φιλόκαλος ad emacitatis reprehensionem, quod in Silio Italico notavit Plinius l. 3. ep. 7. Satis est, si cui tali, pro studiorum & fortunæ modulo, ut Poëta canit:

Sit



Absit profecto, ut ineptulos nonnullos imitantes, multitudi-  
ne librorum coëmpta docti viri titulum exspectemus, aceto poë-  
tico ab Ausonio quodam defricandi, perinde atque ille exce-  
ptus est in quem lusit epigrammate:

*Emptis quod libris tibi Bibliotheca referta est.*

*Magnum & Grammaticum te Philomuse putas*

*Hoc genere & Chordas, & Plectræ & barbita conde:*

*Omnia mercatus cras citharædus eris.*

aut vero exagitandi ab aliquo Scioppio: cujus in quosdam  
peritos Juris mordacissimos sales indubie legisti *Consultatione*  
*altera de studiorum ratione*. Aut deniq; acriter increpandi singula-  
ri libello à Luciano quodam, cujus in medio hodieq; est opuscu-  
lum mordax *περὶ ἀπαιδευτῶν καὶ πολλὰ βιβλία ὠνευμένων*. Sed redeo  
ad Senecam. Fateor & ego, vitiosum esse librorum parere ni-  
mium: aut parare librorum copiam in parietum ornamentum:  
aut vagari per libros multos si possis ex paucis tantundem vel  
etiam plus accipere commodi. At vero non quævis magna vis  
librorum semper est nimia: nec semper licet ex paucis æque mul-  
tum fructus atque ex multis consequi. Alteri nimium est quod  
alteri parum. Quædam studia sine multiplici lectione atque adeo  
copiosâ bibliothecâ exerceri non possunt. Non sane (ut  
ex nostro ævo nihil adferam) Athenæus sua *δειπνοσοφιστικά* dedis-  
set nobis nisi habuisset ad manus illam Laurentii sui Bibliothe-  
cam: non Plinius Naturalem historiam, absque fuissent Biblio-  
thecæ Romanæ; non Clemens Alexandrinus *γραμματίων* libros,  
nisi vixisset Alexandriæ; non Eusebius præclara adeo multiju-  
gæ lectionis volumina, nisi Pamphilus Cæsænæ & Alexander  
Hierosolymis eam vim omnis generis librorum coëgissent.  
Ipse Seneca, *ignoscerem*, inquit, *si è studiorum nimia cupidine*  
*oriretur*. Quidni vero inde etiam nascatur alicubi librorum

parandorum desiderium? Imo inde nascitur inter eos qui sapiunt. Pro Regum Principumque immensis Bibliothecis alius attulerit etiam, ille ait apud Tacitum: *ceteris mortalibus in eo stare consilia quid sibi conducere putent: Principum diversam esse sortem, quibus omnia ad famam dirigenda.* Mihi non probatur talia in excusationem adferre. Ostentatio mera librorum semper in vitio est. At verò Bibliothecæ illæ regiæ merentur latitudinem, quoniam sunt idoneæ ad id ut omnis generis doctrinæ inserviant. Sunt nimirum quasi publica eruditionis universæ penuria: qualia parare cum non sit perinde privatorum, si Reges Principesque curam illam suam faciant, magnis sane beneficiis sapientiæ studia exornant.

Verum quid hisce immoramur? Quin potius Tibi, Illustris BOINEBURGI, ego ostendo illud quod Bibliotheca AUGUSTA inter ea quæ sibi sunt quasi essentialia Admiranda, merito habet primum, in librorum multitudine nempe collocatum: quod tamen reliquis annumeratum possis quartum appellare. Heic verò nolo equidem dissimulare, videri stupenda referri in monumentis antiquis, de numero librorum, in Bibliothecis quibusdam illius ævi Græcis ac Latinis reperto. Sunt autem illa accurate expedienda, ut eo rectius constet Admirandi illius quod jam tangimus certa ratio. Quamvis vero de paucis Bibliothecis veterum memorerur, quo illæ librorum numero fuerint refertæ, observare tamen est, & publicas pariter & privatas nonnullas à multitudine librorum plurimum laudatas. Inter publicas prima omnium non dignitate minus quam ætate fuit Alexandrina Ptolomæorum Regum. De numero autem librorum Bibliothecæ illius non idem ab omnibus traditur. Georgius Cedrenus l. 22. scribit: *Philadelphus libros sacros Chaldaicos, Egyptios, & Romanos, aliosq; diversilingues in Græcam omnes converti curavit; in universum ad centum millia voluminum; quæ omnia in Bibliothecis suis Alexandria reposuit.*  
Ast:



Ast hunc numerum Cedrenus fortè non voluit esse universæ bibliothecæ, qui sensus solet ipsi adscribi, sed tantum eorum quæ ex aliis linguis in Græcam fuerunt translata. Sed & in universum Cedreni narrationes plaræque parum fidei merentur. Et vero cui persuadeat, Philadelphi ætate ex Latina lingua libros Græce fuisse versos, cum nulli fortassis fuerint isthac lingua tum conscripti? Josephus l. xii. ἀρχαιολογίας cap. 2. narrat: Δημετρίου Φαλαρέου ἀφ' Ἀφελῶντος ἐρωτηθεὶς ποτὶς ὡς πολλὰ βιβλία ἔχοντες εἶναι, ἀπεκρίθη, ὅτι λίγα δὲ χρόνος εἰς πεντήκοντα συναθροίσαν. Fuerint itaque minimum in Bibliotheca illa libri ducenties mille. Jam tum porrò recitavi illa Senecæ: *Quadringenta millia librorum Alexandria arserunt*: ut & Pauli Orosii in eundem numerum consentiens testimonium. Gellii l. 6. cap. ultimo verba sunt: *Ingens numerus librorum in Aegypto à Ptolomais regibus vel conquisitus vel confectus est, ad millia ferme voluminum septingenta*. Ammianum Marcellinum citra omnem detractionem, provocatione facta *ad concinentem*, ut loquitur, *fidem monumentorum veterum simpliciter scribere, septingenta voluminum millia, à Ptolomais regibus vigiliis intentis esse composita*, itidem jam monui. Estque per verosimile, in Isidoro, ubi legitur vulgo: *Septuaginta millia librorum hujus (Philadelphi scilicet) temporibus Alexandria inventa sunt: reponendum septingenta*. De Pergamenæ Bibliothecæ librorum numero, quæ & fama & dignitate olim Alexandrinæ æmula, & proinde inter publicas veteris ævi jure secundo loco venit numeranda, unus Plutarchus aliquid certi perhibet in vita M. Antonii. Hunc scilicet amoribus Cleopatrarum dementatum petenti huic χαρίσασθαι πῶς ἐκ τῆς βιβλιοθήκης, ἐν αἷς εἰκοσι μυριάδες βιβλίων ἀπλῶν ἦσαν, gratificatum Bibliothecas ex Pergamo, in quibus erant ducenta millia singularium librorum. De Romana publica nulla memoratur, quam fuerit numerosa; nisi publica facta sit illa à Sereno Sam-

monico donata Imperatori Gordiano minori. In illa vero sexaginta duo millia librorum censebantur, teste Lampridio. Ignoratur quoque numerus librorum, qui fuere quondam in Bibliothecis Constantinopolitanis aliisque: nisi quod à Zonara sit proditum, in illa quæ Basilisco aut Zenone imperante conflavit, *centum viginti millia librorum fuisse recondita*. Privatas quod attinet, constat sane cum alibi passim, tum Romæ præsertim, imo & in villis Romanorum, excitatâ à Julii Cæsaris ævo aliorum æmulatione, fuisse propemodum innumeras, easque ab omni librorum supellectile largissime instructas. Ex Senecæ jam tum adductis verbis liquet utique, isthac tempestate, *inter balnearia & thermas bibliothecam quoque ut necessarium domus instrumentum expoliri solitam, & quidem æcto tenus exstructis loculamentis*. In privatas quoque sui ævi Bibliothecas videtur vibrasse illud: *Quò mihi innumerabiles libros & bibliothecas, quorum dominus vix tota vitâ sua indices perlegit?* quodq; idem ait, *oscitare nonnullos inter tot millia librorum*. Fuisse vero & in villis instructissimas Bibliothecas vetat dubitare saltem illud Martialis l. VII:

*Ruris Bibliotheca delicatè*

*Vicinam videt unde lector urbem.*

At vero jam tum ante, Luculli in Tusculano Bibliotheca, in disputatione *de Finibus* à Tullio erat celebrata. Qui epist. 9. libri IVti ad Atticum scribit, in Pompejano prope Puteolos sepasci bibliotheca Fausti. Silio quoque Italico passim in villis fuisse copiosas bibliothecas, refert loco ante laudato Plinius. Ab aliis aliæ memorantur. Non tamen proditus est privatæ alicujus librorum numerus, si excipias duorum Grammaticorum, Tyrannionis Pompejo & Lucullo æqualis, ut qui bello Mithridatico à Lucullo captus ac Romam missus, & Epaphroditus; qui à Neronis ævo usque in Nervam superstes forte fuit ille Mettius Epaphroditus, cujus imago marmorea hodieque Romæ



Romæ visitur, relata hinc in opus illustrium Imaginum à Fulvio Ursino, & cum jam ante tum & Gallæ ære expressa n. xci. De illo enim Suidas: διαπετής δὲ γρόμῳ ἐν ῥώμῃ καὶ πλάσι, ἐκτίστω καὶ βιβλία ὑπὲρ τὰς τεῖς μυριάδας. De hoc idem: ὡν ἐμὲ δὲ αἰεὶ βιβλία ἐκτίστω μυριάδας τεῖς, τέτων δὲ σπυδαίων καὶ ἀνακεχωρηκότων. Longo autem intervallo tres illas myriades superaverit necessum est Laurentii illius deipnosophιστῶν convivatoris Bibliotheca, si quidem Athenæi laudationibus credendum est; Qui libro primo refert: ἦν δὲ καὶ βιβλίων κτήσις αὐτῷ δέχαίων, ἑλληνικῶν τε ποσάυτη, ὡς ὑπερβαίνειν πάντας τὰς διὰ συναγωγὴν τελευμασολίας: quos inrer non dubitavit numerare & ipsos Pergami Reges. Sed fortassis hæc quidem laudatio excedit modum. Magis fidem meretur, quod de beato Pamphilo martyre & presbytero Cæsariense scribit Hieronymus epistola ad Marcell. 141. *Demetrium Phaleraum & Pisistratum in sacro Bibliotheca studio æquare voluisse.* Hujus sane bibliothecæ condendæ studium insigne, & felices in illa opera progressus, prædicavit olim mirifice Eusebius; non dissimulans, ex illa ut & Hierosolymitana Bibliotheca ab Alexandro Episcopo congesta, cujus meminit l. 6. cap. 16. scribendæ Ecclesiasticæ historiæ materiam sibi præbitam. Quemadmodum & Pamphilo illi summa fuit amicitiae junctus necessitudine, ab eoque *cognomen tum sortitus est*, ipsemet etiam *bibliotheca divinæ diligentissimus peruestigator*, ut Hieronymus loquitur. Quamvis verò Pamphilus omnes Christianos, ipsosque locupletissimos Episcopos, qui illa tempestate Bibliothecis struendis operam dedere, longe supetaverit, numerum tamen collectorum librorum nemo veterum memoravit. Imo nec alterius alicujus Bibliothecæ, ex illo ævo magnitudinem narratam reperire est, præter eas quarum meminimus.

Non tamen vel sic fortasse certi esse possumus de cujusquam illarum Bibliothecarum veterum copia. In causa vide-

tur esse ambigua significatio vocabulorum βιβλίου libri & voluminis. Utrum scilicet notent per se (seu, ut ita loquar) subsistens atque ab aliis distinctum quid, nec ne: quanam item olim fuerit quantitas aut moles per sese subsistentium. Enimvero hodie quidem *liber* promiscue audit etiam codex aliquis grandis per sese subsistens, & pars aliqua ejus interdum haud magna. *Volumen* vero solet audire non nisi quivis spissior grandiorque codex. Si libri itaque & voluminis vocabulo nonnisi majores codices fuerint intelligendi, stupenda profecto fuerit moles veterum Bibliothecarum, Alexandrinæ cum primis & Pergamenæ. At verò non equidem crediderim, apud veteres sive *librum* sive *volumen* grandem aliquem codicem, prout fit hodie, significasse. Quoniam tamen promiscue accipi olim solitæ voces *libri* & *voluminis*, perquam fit verosimile, olim *librum* quemvis & *volumen* quodvis fuisse seorsim quid ac per sese subsistens, quamvis mole exiguum. *Voluminis* sane vox videtur utique palam signare, aliquid separatim subsistens sive convolutum. Solet autem accipi etiam de exiguis libellis. Sic Tullius quemvis libellum Tusculanarum quaestionum volumen appellans 3. Tusculanar. 6. scribit: *Quoniam duobus superioribus de morte & dolore dictum est, tertius dies disputationis hoc tertium volumen efficiet.* Auctor item Rhetoricorum ad Herennium l. i. cap. 27: *Quoniam satis hujus voluminis magnitudo crevit, in altero libro exponemus.* Eadem ratione aliquot seculis post locutus est & S. Hieronymus passim. Nec vero ille dubitavit libellum de Ecclesiasticis scriptoribus, mole utique pusillum, volumen nuncupare: *si qui*, inquit, *à me in hoc volumine prætermissi sunt.* Imo nulli scriptorum omnis illius ævi, alio sensu voce illa solent uti. Ch. Gerson cap. xi. pag. 79. ex Thabunde Baba Mezia docet olim omnes libros in voluminibus scriptos. Voluminis vocabulo aliquoties audit parvus indubie libellus quem Baruch ex ore Jeremiæ notaverat: nec



nec tamen fuisse forma voluminis scriptum, sed nostra, paginis sive foliis distinctum, liquet ex cap. 36. & 23. Sed & LXX p. 2. & 25. indicant chartâ scriptum non membranâ. Sic Codex Justinianus, forte unum volumen fuit. Thorâ Mosaicum efficit volumen unum. Videndum etiam quot codicibus constent Pandectæ Florentinæ. Ex Historia Evangelica haud obscure liquet, Prophetam Esaïam Christo in Synagoga porrectum fuisse singularem libellum, volumini inscriptum. Cum legimus itaque, Illustris BOINEBURGI, numeratas in Græcis Latinisque veterum Bibliothecis triginta, imo quadringenta aut sexcenta millia librorum, non est quod juxta morem nostri seculi totidem grandes codices animo numeremus. Libri nimirum & volumina fuerunt; quorum hodie centena aliquot unus grandior noster codex complectitur. De talibus proinde etiam accipio illa Plutarchi ἀπλὰ βιβλία. non autem cum Lipsio de voluminibus ex multis libris coalitis. Nec vero est quod videatur forte minus verosimile, olim singulos libellos distinctis voluminibus constituisse. Scripti scilicet fuere tunc libri omnes, & quidem charactere literarum non illo parvo, quo scribimus, sed illo majore quem capitalem hodie appellitant, seu etiamnum apparet ex superstitibus antiquissimis quibusque manuscriptis: cujus generis Chrysostomi aliquot homilias Academica nostra Julia Bibliotheca potest tibi exhibere: nec illa fuit chartæ aut membranarum olim quæ hodie artificiosa ratio. Quod sane multi libri in unum volumen recepti sunt, id sequiore demum ævo videtur cœpisse, mutata scribendi pariter & chartæ membranæque veteri conditione. Nisi forte jam etiam ante minutiora opuscula aliquot jungi cæperint. Quod forte respexerit Plutarchus scribens Pergami fuisse ducen-  
 ties mille ἀπλὰ βιβλία: cum alia scilicet fuerint composita volumina. Dixeris forte, perire hac mea interpretatione gloriam veterum bibliothecarum: & tamen non dubitasse Sene-  
 cam

cam quadringenta millia librorum Alexandrinæ Bibliothecæ appellare, *pulcherrimum regia opulentia monumentum*. At vero exigui etiam libelli carissimo tum præ summa raritate, constabant. Platonem sane unum libellum Philolai quadraginta minis Alexandrinis, & Aristotelem Speusippi scripta talentis triginta mercatum, à Diogene Laërtio memoratur. Quindecim argenti puri talentis *ἀντιζαφά* Sophoclis Euripidis Æschyli emptæ Ptolomæo Evergetæ, jam tum narraui ex Galeno. Quanta vis pecuniæ impensa sit à Philadelpho curandis sacræ scripturæ voluminibus, non sine admiratione legas in Josepho. Hodie librorum multo vilius pretium & frequentiam debemus inusitato olim Typographicæ artis beneficio.

In facili jam fuerit nobis, BOINEBURGI, comparationem instituere veteris illius ævi Bibliothecarum & nostræ AUGUSTÆ. Sed ante id quam agamus, dicendum præterea aliquid etiam est, de copia librorum, quâ sequentium temporum Bibliothecæ nonnullæ inclaruerunt. Et vero, quod fortasse mireris, etiam extra orbem Europæum, apud populos plane alios, cum inter Græcos Latinosque melior quæque eruditio extincta pene fuit, copiâ librorum instructæ sunt Bibliothecæ. Refert sane Thomas Erpenius oratione altera quam de lingua Arabica conscripsit, hodie quoque per Asiam, cum primis per Africam, non uno loco locupletissimas reperiri bibliothecas. *Perhibent, inquit, testes oculati & fide dignissimi, in una Bibliotheca Fessana triginta duo reperiri diversorum librorum millia. Scripsit quaque Constantinopoli D. Hagha illustrissimorum Ordinum nostrorum apud Imperatorem Turcicum Legatus, duas esse ibidem Bibliothecas Arabicas, quarum singula æstimantur centum ducatorum millibus: id est, ut loquimur, quatuor auri tonnis: unam autem quæ quadringentis æstimatur ducatorum millibus, id est sedecim tonnis auri. Cari quidem iis in locis sunt libri fateor, utpote manu exarati, & in charta fere serica quæ*



*qua magno quoque constat, sed non ita tamen, quin tanti pretii summa ingentem quoque codicum multitudinem requirat.* Hæc omnia Erpenius. Quibus non possum non Tibi addere quæ Petrus Gassendus l. 5. Historiæ Peirescianæ de libris Cophiticis Ægypti refert. Peirescio, ait, *retulit Egidius Rochiensis Capuccinus, ex Ægypto redux, codices manuscriptos in cænobiis variis exstare: visam sibi bibliothecam octies mille voluminum, quorum pars non exigua præ se ferret avi Antoniniani notas.* Chaldaicæ quoque linguæ complures hodieque libros reperiri, intelligo: & quidem eorum catalogum post illum ab Hebudjesu confectum Abrahamus Ecchensensis dedit: ut alii jactant copias Abyssinorum. Non invenio tamen memorari earum gentium bibliothecas illustriores, quæ librorum numero mereantur in comparisonem adduci. Perinde atque hodie nullam ejus generis habet universa Græcia, ex quo Turcæ serviit.

Ut ad Europæ verò illum qui nunc obtinet statum veniamus, quælibet fere ejus pars opulenti Bibliothecis abundat quidem, etiam hujus Saxonæ cum Serenissima Holsatica familiæ præcipuis urbibus, imo & nobilissimo Alvensleviorum genere, quondam & Henrico Ranzovio, viro generosæ suæ familiæ & doctissimo & maximo, in illud studium incumben-  
tibus, numerum tamen librorum nullius fere Bibliothecæ scripto proditum hætenus quidem invenimus. Aldum vero Manutium juniorem octoginta millia librorum Pisanae Academiæ legasse, cum ab aliis memoratur, tum etiam à Francisco Schotto Itinerarii Italiæ l. 2. cap. 10. Quæ copia in primis est memoranda: nec privati tamen patrisfamilias, nec hominis parum diffusæ doctrinæ conditioni conveniens. Quæ res in memoriam revocat quod de bono isto Aldo refert Janus Nicius elegantissimæ suæ Pinacothecæ parte prima. *Aldus, scribit, reliquum familia Manuria Sixto Vro Pontifice Romam venit, adeo modicis facultatibus, ut illi necessum fuerit aliquot centum aureo-*

rum favori sumere, & quod est gravissimum, usura centesima, quæ pro vectura bibliothecæ suæ solveret, quam Venetiis usq; advehendam asportandamq; curaverat. Quo ex ære alieno, tam justam ob causam factò, vix unquam liberari potuit. Porro & de Bavarica Monachienſi Bibliotheca, jam tum proxime antegreſſi Chriſtiani ſeculi anno nonageſimo quinto, in parvo Urbium Theatro, hæc tradidit Adrianus Romanus: Aliud ædificium novum, ut novo caſtro majorem ſplendorem commoditatemque adferat, juxta interiorem hortum, quem varia variarum elegantiarum delicia exornant conſtructum; cui vicina Bibliotheca eſt undecim circiter millibus voluminum, quorum non exigua pars diverſarum linguarum manuſcripti ſunt, ſeorſim & ſciſſime compactorum reſeratiſſima, theatropæramplo & amœno diſtincta. De Mazariniana præterea Bibliotheca in Querela ſua refert Naudæus, volumina illam quadragies mille amplius comprehendere. Aliarum omnium noſtri ævi Bibliothecarum magnitudinem definitam fateor me ignorare. Nec tamen ego dubito, ſaltim eas quæ præcipua hodie ſunt fama, in Italia Vaticanam Florentinam Mediceam & Ambroſianam Mediolanenſem, in Gallia Regiam Segueriam & Thuanam, in Hiſpania Scoriacenſem Regiam & Complutenſem, in Anglia Oxoniſem & Weſtmonaſterienſem Regiam, aliasque nonnullas, omnis generis librorum ſupellectile uſque adeo abunde eſſe inſtructas, ut multitudinem ſuam librorum meritò queant jaſtitare. De Bibliotheca Bodleiana Oxoniſi vide Caſaubonum Epistoſa 741. & 744. Mihi vero nihil de hiſ fas eſt definire, in illo ſilentio eorum, quibus cum hæc ſint comperta, ab iis etiam memorari & potuere & debuere.

In hunc modum itaque ſeſe habet magnitudo Bibliothecarum omnis ævi, quantum equidem certa fide explorare hæcænus licuit, Accipe nunc, Vir Illuſtris, & magnitudinem

AUGU-



AUGUSTÆ nostræ, eamque mecum contende cum amplitudine aliarum. Referam igitur seorsim librorum, seorsim voluminum multitudinem. Ne quis vero rursus error oriatur ex varia vocum acceptione, *libros* appellabo, non ea qua veteres significatione, sed omnia quæ sive scribentium sive τῶν τυπογράφων cura ita structa sunt, ut modò ita velint οἱ βιβλιοπῆχες separatim possint subsistere. Quo utique fit, ut talis aliquis liber interdum centum amplius libros primæ significationis sinu suo comprehendat. *Volumen* mihi dicitur, omnisejus generis liber qui reapse distinctus subsistit. Quorum bona pars libros modò etiam adductæ significationis complures itidem complectitur. Jam verò testor tibi bona fide, id quod initio epistolæ jam tum dixi, reperiri in AUGUSTA, isthac vocum acceptione, librorum quidem centena sedecim millia, volumina autem quasi vicesies octies mille. Apparebit id ipsum luculentissime ex indiculo quem seorsim mitto. Et tamen isthac omnia non desinunt quotidianis pene additamentis crescere. Nego proinde, saltim ullam veteris ævi sive Græcam sive Latinam Bibliothecam, cum AUGUSTA vel contendere meritò posse de magnitudine; tantum abest ut earum ulla hanc vel æquaverit vel superaverit. Nempe audivisti quidem alias triginta, alias sexaginta duo, alias centum viginti, Attalicam ducenta, omnium locupletissimam Alexandrinam vel quadringenta vel sexcenta millia librorum numerasse: simul verò percepisti, numerasse libros, non eo quo abs me factum, sed alio longe sensu. Illa autem acceptione, ausim pene profiteri, exhibere AUGUSTAM posse, non sexcenta sed vel centies sexcenta librorum millia. Quantam librorum multitudinem, Ptolomæorum quidem Regum temporibus, nusquam terrarum vel sparsim reperire fuit. Nec vero vel tantum librorum illo omniævo scriptum fuit, quantum proximo centum annorum spacio, industria nostræ ætatis hominum, in lucem

prodiit: si, quod res est fateri velimus, non autem inepto quodam cultu sola vetera admirari. Si tam magno autem intervallo superat AUGUSTA, illas veteris ævi à magnitudine celebratissimas Bibliothecas, quanto dixeris superatas illas reliquas? Nec verò dubito, illas longe aliis istis, quarum libros in admirationem numerarunt nobis prisca monumenta, fuisse minores. Nos sane librorum numerum non minus etiam de hisce accepissemus, si non inferior multum fuisset illo quem diserte expressum veteres laudaverunt: non parci scilicet quæ ad gloriam eorum faciunt rerum suarum, præcones. Romanas utique bibliothecas non perinde amplas fuisse, colligas fortassis haud male vel inde; quod ex Asinii Pollionis instituto statuis simul & imaginibus, *quorum immortales anima* (Plinii verba recito) *in iisdem locis loquebantur* repletæ fuerint: quo spacium libris reponendis dicatum non potuit non reddi perangustum. Sed non est, quod cum hisce quidem Bibliothecis AUGUSTAM comparemus, cum usque adeo longe vincat ipsam illam, quâ omne vetus ævum nihil majus habuit, Ptolemæorum Regum Alexandrinam.

Si vera sunt quæ de Fessana aliisque Arabica linguæ Bibliothecis referuntur, illis forte palmam tribueris ob voluminum multitudinem. Ast vero, solent Arabica quævis volumina magnitudinis esse exigua: ex adverso AUGUSTÆ nostræ spissa sunt plurima: atque adeo reapse librorum numero etiam Arabica isthæc longo post sese intervallo relinquunt. Trium illarum nostri ævi & orbis Bibliothecarum, quarum magnitudinem expressi, Bavarica quidem quum longe itidem superetur ab AUGUSTA, non etiam est quare in comparationem adducatur. Tacebo, quod, si Dressero credimus, numerus librorum Bibliothecæ illius quatuor millia non excedat. Sed & altera illa Manutriana, non volumina octuagies mille sed duntaxat tot numero libros comprehendit: atque ita totis viginti



viginti millibus librorum est infra AUGUSTAM. Mazari-  
niana tamen fateor cessit AUGUSTA. Cessit inquam: non  
tamen cedit etiamnum, quantum intelligo, postquam inconsul-  
tâ venditione plurimum illi detractum est. Utque etiamnum cederet, digna tamen esset AUGUSTA admiratione, quippe quæ  
non nisi uni potuerit in universo hoc orbe succumbere. Quam-  
vis nimirum aliarum nostri avi maxime illustrium Bibliotheca-  
rum magnitudo definita, ceu ante dixi, me lateat, non dubito  
tamen, etiam illis AUGUSTAM nostram amplitudine ante-  
cellere: idque duobus adductus argumentis, quæ neminem  
fallunt. Prius est, quod nullius illarum spaciosum adeo sit do-  
micilium atque est AUGUSTÆ, utpote quod ea parte ipsam-  
met etiam Scoriacensem, cujus omnium amplissima ædes cre-  
ditur, haud parum vincat: quod paulo pòst tibi approbabo.  
Alterum, quod & Vaticana pariter & Scoriacensis (ne de aliis  
nunc dicam) picturis & inscriptionibus multis parietes suos pe-  
ne occupaverint: quos libris refertos habet AUGUSTA.  
Legisti, arbitror, quo Bibliotheca Vaticana descripta est ab  
Angelo Roccha volumen. Quam ibi multæ imagines & in-  
scriptiones memorantur! Audies vero non multo pòst, similia  
plurima ostentare & Scoriacensem. Fere nihil autem horum  
AUGUSTA habet: non certe loco libris reponendis idoneo.  
Quin itaque etiam hæc quarta palma AUGUSTÆ debeatur,  
nec tu quidem, BOINEBURGI, imposterum dubitabis.

Nisi vehementer verò fallor, bonitate quoque librorum  
superat AUGUSTA, saltim plerasque nostri avi quamvis ce-  
leberrimas. Utque non omnes superet, æquat tamen etiam  
optimas; certe nulli earum temere cedit: id quod satis est  
parandæ admirationi, atque adeo dignum quo nomine quin-  
tum quoque Admirandum AUGUSTÆ numeremus.

Heic verò non possum non ante omnia monere, caveas  
tibi ab errore, quo etiam doctissimos viros teneri video, circa

bonitatis Bibliothecariæ justam æstimationem. Deprehendere nimirum est, persuasum quam multis eorum, virtutem dotemque bonæ Bibliothecæ unice consistere in antiquorum manuum scriptorum majore quovis numero. Inter ea autem, ab aliis solâ Græca & Latina; ab aliis, recentiore instituto, quæ orientalibus ita appellatis linguis, Hebraica scilicet, Chaldaica, Arabica, Persica, Coptica, Æthiopica & similibus sunt composita, commendari. Non est autem difficile errorem hunc convellere, si justum Bibliothecæ cujusque regiæ sive maximæ scopum expendaris: ut oportet sane omnia ex usu suo æstimare. Est nimirum Bibliothecarum ejusmodi scopus, (is certe debet esse) ut possint omnigenæ doctrinæ atque sapientiæ studiis prompte offerre, vel omne vel saltem potissimum quod à doctorum ingeniis hætenus est elaboratum. Quod hætenus est, inquam, elaboratum. Id scilicet requiritur ad perfectum studiorum commodum: quem ultimum merito dixeris Bibliothecarum ejus generis & verissimum finem. Jam verò nemo utique temere crediderit, in solis manuscriptis istis omnem sapientiam haberi. Imo nemo paulum æquior & rerum peritior non fatebitur, multò maximam partem eorum, quæ sciri interest mortalium, post illa dudum exarata, à sequentium temporum, cum primis hosce intra ducentos annos, præstantissimi ingenii viris compluribus, orbi productam esse. Aut imperitus recentis ævi certe est aut invidia improbus,

*Qui redit ad fastos & virtutem æstimat annis,*

*Miraturque nihil nisi quod Libitina sacra vit.*

*Quisquis item, nisi quæ terris semota suisque*

*Temporibus defuncta videt, fastidit & odit.*

ut Horatiana illa liceat mea nunc facere, Igitur in solis quidem manuscriptis illis codicibus non sane perfectio Bibliothecæ cujuslibet eximiæ collocata est. Ne potior quidem pars perfectionis in iis est sita, quoniam potior studiorum usus ab iis  
peti



peti non potest. Ad hoc magna quidem doctrinæ omnigenæ pars per Græcorum quondam & Latinorum scriptorum monumenta ad nos devenit, atque ex iis hodieque maximo capitur cum emolumento; sed cum Græcorum tum Latinorum illa pleraque, saltem optima quæque, jam curantibus viris præclaris, typis sunt edita; ut ad illa quidem manuscripta recurrere sapientiæ hauriendæ causâ non sit necessum. Saltem horum igitur manuscriptorum pretium longe jam solito vilius est. Et sine causâ hæc quidem, ideo tantum quod manu sit scripta ac proinde rariora inventu (si iusto rem iudicio censeat) magni adeo, & tanquam thesauri sint arcani, æstimantur. Nec verò reapse præstantiora sunt iis exemplis quæ typis sunt edita: nisi forte quia scriptione diversâ nonnumquam juvare sunt idonea ad genuinam verborum aliquot emendationem. Nonnumquam, dico: sæpe enim non juvant sed turbant, scripta scilicet etiam ipsa ab imperitis librariis. Non possum tibi non, mi BOINEBURGI, hoc loco recitare lepidam fabulam de Fulvio Ursino, verbis Jani Nicii, ex Pinacotheca illius prima petitis. *Pervetustis codicibus, quorum multos in sua bibliotheca habebat, immania pretia faciebat. Atque illud accidit perridicule: quod cum die quodam Francisco Cardinali Toletæ Terentii Comædias ostendisset, easque affirmasset, ante annos mille fuisse conscriptas; ac revera, essent antiquæ sed mire depravata atque corruptæ: atque addidisset nullam esse pecuniam quæ antiquissimi illius codicis æstimationi par esset: Proh Deus, Cardinalis inquit, quid audio? equidem mallem codicem unum, quantumvis recens impressum, sed castigatum emendatumque, quam decem alios mendosos & corruptos, quamvis Sibyllæ manu exaratos. Hisus omnium qui aderant est factus, cum viderent rerum earum pretia, quæ ille in cælum efferebat, Cardinalis æstimatione sic concisisse. Hunc postea librum moriens Bibliotheca Vaticanæ legavit. Idem protectio jure etiam tu dixeris cum Toletæ, de quam multis manu exaratis ac typis impressis codicibus;*

bus; siquidem ex usu eorum pretium velis aestimare, ceu fieri par est: præsertim post tam sedulam operam excusis libris à doctissimis quibusque impensam. Alia, fateor, est ratio manuscritorum, quorum exempla hætenus per typos impressa ac multiplicata non sunt. At verò quantum quidem ex indicibus eorum videre est, plæraque illorum minoris ad sapientiam præstandam momenti sunt: ac proinde minoris etiam faciendi. Quin major tamen nonnullis quamvis paucioribus reverentia debeatur, absit ut à me negetur. Quæ Orientalibus linguis sunt composita monumenta (qualia spretis Græcis Latinisque à nonnullis jam calidissime omnium expetuntur, ut est ingenium hominum novitatis avidum) in nostro quidem orbe longe Græcis Latinisque rariora sunt, quoniam, si Hebraica & Chaldaica excipias, nihil fere eorum (pauca enim non moror) typis est editum; adeoque hætenus in maiore merito sunt pretio habenda. Si utilitatis tamen, quam ex iis sapientiæ studia debent aut possint accipere, rationem habeas, vereor ne infra typis excusos, & multum quidem, rejicienda sint. Seponamus sane Hebraica: hætenus profecto ne ex fama quidem accepimus, esse saltem vel Persicum, vel Copticum, vel Æthiopicum quid aptum sapientiæ (alia enim ratio historiæ est) quod non liceat longe plenius ex typis editis addiscere. Quæ certe, tanquam invitamenta ad doctrinam illarum gentium desiderandam, usque huc prodierunt, vetant nos ab iis præclari multum sperare. Omnium eruditissima citra controversiam Arabica sunt; ut numero etiam plura. Sunt autem eorum alia versa ex linguis aliis, aliâ propria. Illorum potior saltem pars ex Græco profecta est. Quæ, quoniam Græce jam tum publicata typis sunt, quis prudens ex aridis Arabum rivulis quæserit? Mathematica quædam, fateor, adhuc Græce desideramus, quæ illi Apollonio Pergæo & aliis adscribunt: sed perquam pauca, & fortassis incertæ fidei. De Apollonii Conciî vide notata

*Hæc in re n. audientium  
est impressione Morsey  
Polyb. l. i. p. 60.*



EPISTOLA AD BOINEBURGIUM

notata Vosſio l. de Scientiis Mathematicis pag. 55. Scio & ex Latino verſa quædam, ipſi Latino orbi hodie ignota, ſuperare, à viris doctis Erpenio & aliis eſſe traditum: ſed hætenus quidem decollavit illa ſpes, nec vel Aſia vel Africa quidquam tale Europæ dedit, imò verò nihil tale quo ſperemus facit illud, quod Johannis Leonis teſtimonio jam tum narravi, de Latinis per Africam omnem monumentis abolitis præ ſuperſtitione Calipharum. Eadem de cauſſa & Bibliothecam Alexandrinam jūſſu Caliphæ Omari combuſtam traditur à Gregorio Abulpharajio pag. 114. Quæ propria ſunt Arabum longe infra Græcam eruditionem eſſe, mihi quidem documento ſunt Philoſophica & Medica: utpote quorum potiffima dudum habuerimus Latine ſive Barbare potius verſa: in quibus nihil ferè reperiās non à Græcis acceptum, quod quidem majoris paulo momenti queat cenſeri. Sed quid hiſce immoror! Fateor ſane, BOINEBURGI, aliam hæc operam expoſcere. Tibi tamen quin perſuadeam facile hæc etiam quæ de Orientalibus libris diſſerui, non dubito: quoniam cum cura, ut ſoles, legiſti ſaltem Bibliothecam Orientalem, in hoc doctrinæ genere longe omnium Clariffimi eoque nomine tibi quoque acceptiſſimi Joannis Henrici Hottingeri. Non licuit autem non ſaltem levi brachio hæc attingere, demum ut conſtet, quid revera ad perfectionem Bibliothecæ attineat. Sententiis populi huc illuc ſolo novitatis amore fluctuantibus, ſimul ille deſperat ex eo quod jam præceptum eſt gloriam aſſequi. Qua de re prudentem Paterculi diſſertationem ſine libri ejus primi operæ fuerit pretium legere.

Et verò

*Quid placet aut odio eſt, quod non mutabile credas?*

Ne ſtatim vero manuſcriptorum curam relinquamus, equidem ita ſentio, illuſtribus quidem illis & regiis Bibliothecis, præ Orientalibus ſaltem, convenire & illud manuſcriptorum

genus, quod sequiorum quoque imò & nostri temporis res gravissimas atque acta prodere aptum est. Qualia in Germania nostra summo studio princeps forte collegit Melchior Goldastus, in Gallia verò post P. Pithœum & Thuanum Petrus Puteanus & Lomenius. Recitabo tibi quædam argumenti hujus, ex Vita Puteani illius disertissime pariter & cum laude prudentiæ à Nicolao Rigaltio conscripta. Verba ejus sunt. Eademque opera Puteanus ipsum Perescium, atque de Fusionum regiarum quatuorviris Antonium Lomenium Villocarium, archissimo secum invicem amicitia nexu conjunctos, fecit ut enixe conspirarent, quæ pollebant gratia, requirendis undique arcana memoria charis, curiosarumstrarum externorumque studia valde juvantibus. Habentur illic Principum & Legationum, vicissimque ad Principes & Legatos litera, Instructiones, Mandata, & hujuscemodi alia innumera. Quibus odorandis vestigandisq; mira fuit Lomenii Peresciique sagacitas, magna felicitas sive auctoritas obtinendis; maxima vero Puteani sedulitas & industria singulis ordine ac tempore distinguendis & componendis. Exinde autem vidimus instauratam Bibliothecam voluminum amplius quadringentorum, quæ Lomenius noster sumptu liberali, multo labore transcripta, magnificoque opere compacta, suis ætibus officiosissime habuit ad varios amicorum usus. Eo decedente, ex arario regio librarum milibus quadraginta persolutis, regiam plane supellectilem Luperanis armariis custodiri placuit; donec accederet Bibliotheca omnium toto orbe bibliothecarum copiosissima (Mazarinianam nisi fallor intelligit) unde est tandem in Regiarum chartarum thesaurum comportata. Idem vero Rigaltius jam scripserat, à Puteano ipso met fuisse congesta Memorialium septingenta & sexaginta quinque volumina, scripta ipsius plarumque manu. Catalogi Puteanei tomus illi duo qui habentur in Bibliotheca Augusta mss. referunt volumina sexcenta & octo: ut videatur desiderari ibito. mus tertius illius Catalogi. Nec vero talia Bibliothecis condere



dere plane novum quid est, sed, invitante palam usu, jam tum  
vetus. Ab Aristotele sanè talia congesta fuisse, scripsi jam  
ante. Clariùs ex Athenæo l. 5. cap. 15. patet, huc quoque in-  
cubuisse Apelliconem Tejum Peripateticæ addictum scholæ,  
cum Bibliothecæ locupletissimæ congerendæ olim in primis  
daret operam: surrepsisse nimirum ex Metroo decreta majorum  
autographa: ex aliis etiam civitatibus, si quid esset antiquum, vel  
arcanum, vel reconditum, id omne corrasisse. In Bibliotheca Ulpia  
Romæ talia reponi solere discere est ex iis quæ Flavius Vopiscus  
inde sibi acquisita, narrat non semel in historia Aureliani Im-  
peratoris. Imò ea fere sola videntur fuisse divitiæ veteris Ro-  
manæ Pontificiæ Bibliothecæ. Ita enim scribit Onuphrius Pan-  
vinus libello quem de Bibliotheca Vaticana conscripsit, cujus  
fragmenta antehac non semel adduxi in testimonium. *Hilarius  
Papa, primus quod legerim Bibliothecas duas Romæ juxta fontem  
Laterani adificavit, in quibus Ecclesiæ Romanæ scripta, & Epistolas  
decretales Romanorum Pontificum, Conciliorum actiones, hæretico-  
rum palinodias & hæreses, sanctorumque Patrum libros, publico  
usui Christianorum conservaret; cum eo tempore libri ob paucitatem,  
& librariorum raritatem, difficile admodum invenirentur. Idem  
paulò post. Qui Bibliotheca præerat, jam olim Bibliothecarius,  
& aliquando Cancellarius vocabatur. Hujus munus erat, Biblio-  
thecam, & omnia ejus volumina scripta, membranas, & similia  
accuratissimè custodire: Bullas, sive Diplomata, vel Epistolas de-  
cretales Pontificum scribere, & si opus erat, dictare: acta Conci-  
liorum & Synodalia exscribere ac conservare: tandemque apud Ro-  
manum Pontificem ea omnia præstare, quæ Sedis Apostolica Cancel-  
larii nostro tempore faciunt. Conveniens etenim visum fuit, ut is  
potissimum esset Papa amanuensis, scilicet Scribarum Princeps, vel  
à Secretis, qui etiam Pontificiam Bibliothecam, quæ tunc erat veluti  
Cancellaria quædam, sive, ut nunc loquimur, Secretaria, tracta-  
ret. Nostris vero temporibus hæc omnia sunt divisa, Hæc ille. Ut*

appareat, quæ Veterum autorum quidem manuscripta hodie habet Vaticana, à Nicolai quinti temporibus demum accessisse. Vidit hunc usum & Joannes Baptista Cardona: eoque suadet, in Scoriacenſis Bibliothecæ reconditiore loco, clausis armariis custodire & illa, quæcunq; jurisdictionem & jura Hispanum complectuntur, seu sint ea Hispania totius communia, seu provincie & partis propria alicujus; ubi & Pontificum privilegia concludenda: qui locus tamen non pateat cuivis, sed quibus permiserit Bibliotheca præfectus, ceu fit Roma in Vaticana. Quod tamen in Bibliotheca illa factum sit, nescio. Mazarinianam fuisse ab id quoque genus manuscriptis optime, saltim olim, instructam, certum est. Videtur sane hiæce potissimum fuisse comprehensas, centum ac quinquaginta etiam exterarum provinciarum civitatumque mores leges consuetudines: Leges item & foundationes, omnium religiosorum Collegiorum, Hospitalium, Communitatum & Fraternitatum: partem deniq; magnam Historiæ perpetuæ universalis: quorum in Querela sua meminit Naudæus. Id genus vero monumentorum non deberi à perfecta quidem Bibliotheca abesse, facillimum judicatu est, modò attendas ad Bibliothecæ perfectæ scopum atque adeo ad usum, qui ex libris expectari potest. Et vero ille scopus demum recte definit, qui qualesque libri in Bibliotheca reperiri debeant. Et quidem, à perfecta atque omnibus numeris absoluta nihil alienum esse debere, quod quæcunq; ratione studiis & doctrinæ inservire est idoneum, hinc plane est perspicuum.

Cæterum de perfecta ratione Bibliothecæ agere, proprie ad artem pertinet Bibliothecariam. Dicam ergo potius tandem, quid laudis à librorum bonitate mereatur nostra AUGUSTA: præsertim quoniam quæ modò attuli tantum in id adducta sunt, ut errorem illum fere communem ex animis deleam, quo soli manuscripti codices, & quidem soli Græci ac Latini vel etiam Orientales, creduntur digni qui in Illustribus  
Biblio-



Bibliothecis recondantur; aut si non soli receptu digni censeantur, citra discrimen tamen bonitate omnes alios superare. Igitur non sane destituitur AUGUSTA etiam manuscriptorum insigni copia: ut quorum possis ibi numerare bis mille circiter, Græcos, Latinos, Hebraicos, Arabicos aliarumque linguarum, & quidem optimæ notæ omnes, complures hætenustypis non excusos. In quorum conquisitione etiam illam felicitatem sibi contigisse, impense lætatur Princeps Optimus, quod dum ardua Serenissimæ domus negotia Rudolphum II & Ferdinandum II Imperatores Vindabonæ adire compulissent, in Hungaria laciniam celeberrimæ quondam Bibliothecæ Matthiæ Corvini sibi comparare, quamvis magno ære, concessum fuerit. Deprehendere verò in illo manuscriptorum ordine licuerit Tibi simul, incomparabilem thesaurum, & in Germania quidem nusquam antehac visum, prope septingentorum, & quidem magnam partem spissorum omnique pagina plenissimorum (cujusmodi neutiquam sunt illa Lomeniana Gallica) primæ magnitudinis voluminum, de arcanis negociis ac rebus præcipuis, non duntaxat Germaniæ universæ aut hujus inclyti Ducatus, sed Galliæ etiam (de cujus unius negotiis integri trecenti nonaginta septem tomi, maximis sumptibus Lutetiæ Parisiorum, ex Lomenianis fortè, descripti, & nitidissime formati, hæc reperiuntur) aliarumque rerum publicarum Europæ: quod genus manuscriptorum in usum civilem prolixius paulò ante commendavi. Non diffitebor tamen, manuscriptorum multitudine, fortè etiam si antiquissima illa spectes præstantiâ, vinci AUGUSTAM ab Italiæ, Galliæ, Hispaniæ & Angliæ nonnullis Bibliothecis. Enimvero de Vaticanâ jam tum Onuphrius Panvinus non dubitavit referre, excedere ejus manuscripta numerum sex millium: qui tamen numerus quemadmodum iniri commode potuerit nondum indicibus confectis, equidem ignoro. Post Onuphrium vero crevit etiam illa Biblio-

theca plurimum, præsertim spoliis Germaniæ Palatinis. Ut proinde quamvis antehac non responderit expectationi, nunc tamen manuscriptorum quidem nomine omnium forte sit citra controversiam princeps. Super optimorum scilicet auctorum præclara monumenta, etiam illo veterum auctorum genere magis fortè quam alia quædam instructa est: quemadmodum ex Annalibus, Baronii, Bzovii, Odorici, aliisque editis scriptis apparet. Quamquam etiam hac in re perquam negligenter sæpe eam curatam esse, ex iisdem liceat Annalibus colligere; multis scilicet ibi deficientibus, quæ tamen cum curâ conservari interfuisset ipsi Romanæ Ecclesiæ, atque adeo aliunde Annalium scriptoribus illis fuerunt petenda. Vide Turriani verba apud Jacob. Capellum Vindic. Casaub. p. 318. Cujus generis sunt utique & Epistolæ Leonis III Papæ ad Carolum Magnum, quas ex MS. Bibliothecæ nostræ Juliæ ego heic imprimi curavi; non inveniri autem in Vaticana fassus est, horum satis gnarus utique Jacobus Gretzerus: *Multis sunt anni, scribit Cardona Hispanus, ex quo Roma Decreto Gratiani corrigendo opera navabatur, quod mire id corruptum fuerit. Ad eam autem rem missi sunt à Gregorio Pontifice Romano cum mandatu qui suspicerent concilia quædam antiqua Bibliotheca Regiæ S. Laurentii. Neque sane ea opera vana fuit, tum quia in ea Bibliothecâ concilia ejusmodi inventa sunt, quæ nos Roma minime habebamus, tum quia quæ ibi erant manuscripta, visa sunt melioris notæ & scripturæ purioris, quam quæ in pressa habentur.* Italicæ aliæ Bibliothecæ satis quidem hac parte sunt opulentæ, non tamen multum ad invidiam fortassis. Regiæ Scoriacensi itidem palmam ultro defero: utpote quam etiam Franciscus Schottus præferat Mediceæ ac Regiæ Gallorum; cum nihil tamen accepisset de Maroccanis libris isthuc translatis. Ante spolia illa Africana sane, videtur Græcis libris potissimam ibi fuisse dignitatem. Ita enim de Bibliotheca isthac Joan. Mariana, Jesuita Hispani-



Hispanicarum rerum peritia nemini secundus. *Libros servat, præsertim Græcos, manuscriptos; præcipue plerosq; vetustatis; qui ex omnibus Europa partibus ad famam novi operis magno numero confluerunt.* Cum Oxoniensi quoque non contenderim; imo ne quidem cum Regia Gallicana. In Anglia minorem esse copiam msstorum quam in Bibliotheca Regia testatur *Casau-bonus in Epistolis. pag. 979.* Fortassis etiam, Græcorum saltim msstorum copia, vicerit Monachiensis Bavarica & Augustana. Verum enimvero quantum hac parte AUGUSTA illis cedit, tantum profecto vicissim superat bonitate librorum aliorum, atque adeo verâ Bibliothecæ perfectionē. Enimvero si usum spectes, multo hæc nostra est omnibus illis aliis locupletior meliorque. Novit scilicet Princeps doctissimus suo justo pretio & manuscriptos & alios libros omnes æstimare: novit etiam pro sua sapientia, in quorumnam librorum possessione vera perfectio Bibliothecæ regię consistat: itaque msstorum habuit rationem quam par erat haberi, & usu spectato id unice dedit operam, ne quid ad omnigenæ doctrinæ studia commodum temere deforet. Quod profecto est consecutus: ut vel ex illo indiculo, quem seorsim mitto, Tibi etiam quamvis absenti liquidò poterit apparere. Non desunt autem præter libros & Sphæræ quas vocant armillares, juxta varias *τῶν ἀστρονομικῶν* veteris nostriq; ævi hypotheles affabre confectæ: non eximit etiam cælestia pariter & terrena omnia exhibentes Globi: non in mathematicorum studiorum usum præparata insignia instrumenta. Quibus construendis hæc ætas nostra, non indutria duntaxat, sed conatus etiam, imo ipsamet desideria antiquorum temporum, sive Ægyptios, sive Chaldæos, sive Græcos, sive Latinos, sive Arabes denique spectes, longissimo post sese intervallo relinquit. Noluit vero sapientissimus Princeps talia etiam in AUGUSTA sua desiderari; quandoquidem possunt non minus ac libri, ex parte etiam plus quam libri, studiis

diis illis excellentium rerum, plurimum conducere. Cæterum quo sentias nihil me dare in Principem meum affectui, non dissimulabo, videri mihi, quantum ex Querela Naudæana colligere est, Mazarinianam, qualem quidem illam Querela isthac describit, tanquam ideam omnibus numeris absolutæ Bibliothecæ haberi potuisse: cuique adeo par AUGUSTA non sit. Cæterum quantum illa Cardinalitia à pristina isthac perfectione desciverit, nemini (dolor!) est ignotum. Ut concedo igitur, primas Mazarinianæ antehac debitas, ita nunc easdem illi deberi, non equidem affirmaverim. Quantumvis vero etiamnum forte debeantur illi primæ, satis tamen fuerit ad parandam AUGUSTÆ admirationem, in secundo loco reperiri: quoniam reapse Mazarinianæ illi, cum adhuc esset integra, similem sol neque viderit hactenus, neque unquam forte est visurus.

Biblioth.  
Augustæ  
Admiran-  
dum VI.

Cæterum quinto etiam Admirando nimium fortasse sum immoratus. Ero imposterum brevior: nec tamen possum sine culpa silentio præterire adhuc saltim duo Admiranda: de quibus proinde agam quidem, brevibus tamen. Inter illa autem summo merito admirationem parit Dispositio librorum: digna idcirco quæ inter AUGUSTÆ admiranda sexto loco numeretur. Enimvero non equidem dubito illam proponere in exemplum quod aliæ imitentur; idque quandoquidem existimo, illam usque adeo omnibus plane numeris perfectam esse, ut nullâ prudentia humana vel addi vel demi quidquam possit. Duo scilicet sunt quæ in ordinanda ut alia quavis domestica, ita & libraria suppellectile spectare oporteat, promptus usus & elegantia. Utrumque assecutus est sapientissimus Princeps: & primum quidem numquam satis laudando artificio. Ea videlicet artificii illius vis est, ut inter librorum centena sedecim millia, volumina vicesies oëties mille, liber quisque & volumen unumquodque desideratum, pene momenti



menti spacio possit exhiberi, etiam ab homine imperito libraria omnis rei, tantum legendi gnaro. Ut possint item suo loco numquam non inseri libri recenter adducti, vel mille si opus sit, sine ulla novatione aut turbatione ordinis prioris numerique. Et verò hoc ut assequeretur Princeps, cum illa adhibuit ab aliis jam laudata & adhibita ordinis boni adminicula, tum suo, quo plurimum valet, ingenii acumine, excogitavit, nisi fallor numquam aliis usitata remedia. Videas nimirum hîc etiam in varias classes pro argumenti varietate volumina distincta: quod unicum nonnulli & commendant & observant. Imo quò distinctio sit accuratior, videre est sectam quasi Bibliothecam in partes viginti: cum alii existiment abunde magnam se securam adhibuisse, facta librorum in quatuor aut sex ordines divisione. Harum classium prima data est Theologicis: secunda Juridicis: tertia Historicis: quarta Bellicis: quinta Politicis: sexta Oeconomicis: septima Ethicis: octava Medicis: nona Geographicis: decima Astronomicis: undecima Musicis: duodecima Physicis: decima tertia Geometricis: decima quarta Arithmeticis: decima quinta Poëticis: decima sexta Logicis: decima septima Rhetoricis: decima octa Grammaticis: decima nona Miscellaniis sive Quodlibetariis ut vocant, in quibus scilicet vel libri aliquot diversarum classium vel miscelli argumenti liber unus continentur: vicesima denique Manuscriptis voluminibus. Ad hoc videas quoque heic plarumque dorso accurate indicatum quid volumine comprehendatur. Quimos quamvis communior sit, quoniam tamen prodest indagantibus libros illis quibus indices ad manum non sunt, non passus est Princeps heic etiam desiderari. Præterea autem singula volumina numerorum notis signata sunt, ac plæraque quidem duplicis alia & triplicis ordinis: quam rem præcipuum Dispositionis vinculum dixeris. Cum illis enim numeris connexi potissimum sunt vasti illi & sine exemplo accurati Indices,

quos supra laudavi. Quæ omnia conjuncta præstant denique illud inusitatum, ut in tanto librorum numero nihil non quamvis exiguum repertu & promptu sit facillimum.

Ut consuleretur verò etiam elegantiae, disposita omnia sunt, habitâ ratione diversæ proceritatis. Multum sane elegantiae officit, si absque discrimine magnis parva misceantur, & alia emineant alia depressa subsideant, cum primis si omnia cujuslibet formæ ob solam argumenti convenientiam jungantur: quod tamen à magno viro Jacobo Gothofredo factitatum, observo ex Bibliothecæ illius indice. Quo & splendorem sapientissimus Princeps Bibliothecæ conciliaret, immensam illam librorum vim non per multa exigua secuit conclavia, sed duobus duntaxat amplissimis cubiculis, iisque pariete tantum divisis, omnia quasi uni oculorum obtutui offert. Nec vero temere quem latet, quantum intendat splendoris, spacium ædificii diffusum & late patens, præ minutis substructionibus: maxime verò, quò plura spectanda simul exhibet. Est vero & jucundum valde, uno prope momento infinita quasi sic addiscere: perinde scilicet atque alias etiam venire usu solet, si multa subito detur intelligere. Quo nomine placere & μετὰ Φοβὸν dictionem præ simplice & propria, rectissime Aristoteli est monitum: prudenter addito: τὸ δὲ μάλιστα παρὰ τὴν ἰδίαν φύσιν πάντων ἔστιν. Ne quid nunc dicam, quod illa ratio ordinandi libros, ad custodiam accurate instituendam magis conducatur, quam altera illa per varia cubilia divisio. Æmulatur sane Persicam supellectilis domesticæ dispositionem, Aristoteli quoque ipsi laudatam in Oeconomico: qua scilicet efficitur, ut patrisfamilias oculis omnia magis sint exposita. Ita porrò omnes utriusque cubiculi partes armariis & loculis, recipiendis libris aptis, Princeps sapiens replevit, cum ne super sint loca otiosa, tum ne sit spacium satis amplum & adeundis & tractandis, in aliquot mensis ad id compositis, libris singulis. Igitur primum parietes, qua  
per



per longitudinem ædis porriguntur, utrinque tecto tenus habent sua armaria sive pegmata perpetua, in octo diversi generis loculamenta divisa: quorum tria inferiora capiunt majoris illius formæ, quam à folio appellamus, quinque reliqua superiora quartæ, octavæ, aut duodecimæ staturæ volumina. Præter hæc medium cubiculi secant armaria, pari quidem cum illis ad parietes inclinatis longitudine, minore tamen altitudine, ne nimirum intercipere illa possint utriusque lateris jucundum illum adspectum; cui defectui tamen succurritur eo quod armaria illa sint geminata, & utrinque constant quatuor loculorum ordinibus; quorum duo inferiores itidem maximæ, duo superiores minoris magnitudinis librose exhibent.

Huic Bibliothecæ dispositioni quid addi, aut quid illâ possit excogitari prudentius, equidem fateor me ignorare. Non dubito, Te etiam, Illustris BOINEBURGI, idem mecum affirmaturum. Utrum alibi unquam ea in disponendis libris fuerit prudentia adhibita, discere itidem non habeo; silentibus fere talia cum antiquis tum nostri ævi monumentis, quasi minus memoratu digna. Qua in re tamen haud parum delinquant; quandoquidem idonee componere libros, non minoris utique prudentiæ sit, quam congerere: imo liceat pene pronunciare de bibliothecaria re quod de oratione, l. 3. epist. 13. Plinius dixit. *Invenire præclare, magnifice ornare, etiam barbari solent: disponere apte, digerere varîe, nisi eruditis & perquam prudentibus negatum est.* Sed tamen & multum verisimile est, si usquam ea fuisset observata accurata Dispositio, certè si indices usquam stupenda illa cura fuissent confecti, non temere id tacituros, præclaros & scribendi peritos aded multos omnium temporum artifices. Igitur silentium illud, quantum equidem suspicor, certo indicio est potius, ultrà vulgarem industriam nihil curæ alibi in disponendo collocatum esse. Quid? quod pauca illa quæ silentio præterita non sunt, hanc disponendi prudentiam diligenti-

gentiamque potissimis etiam Bibliothecis defuisse, significant? Passim sane deprehendo querelas de catalogis laborantibus. Ipsammet Vaticanam à Sixto quarto usque hærere hac parte, jam antehac demonstravi. At sine indicibus perfectis nulla librorum Dispositio integra est. Nusquam etiam non observo Bibliothecas in complura conclavia divisas: & quidem ipsam etiam Mazarinianam, qua nihil perfectius unquam fuisse jam confessus sum, septem conclavibus fuisse intercisam, Scoriacensem verò Hispanicam tribus, Vaticanam itidem pluribus. Regia porro illa Alexandrina videtur in non uno templo delituisse: quod vitium adhuc majus est. Id innuere utique videntur illa Pauli Orosii: *quadringenta millia librorum proximis forte adibus condita perierunt. Utque fuerint illi libri omnes non nisi in templo unico, Serapeo videlicet, per varias tamen bibliothecas fuisse sparsos, cum ex Tertulliano, tum ex Ammiano Marcellino est discere. Illius in Apologetico cap. xviii. hæc verba sunt. Hodie apud Serapeum Ptolomæi Bibliotheca cum ipsis Hebraicis literis exhibetur. Ammianus l. xi. Inter templa, inquit, eminet Serapeum, in quo Bibliotheca fuerunt inastimabiles. Parem fuisse rationem Pergami, colligere est ex hisce Strabonis l. xiii: Eumenes urbem instruxit, & donariis ac Bibliothecis uti nunc est diligenter excoluit. Quicquid verò horum sit, nihil omnino in Dispositione librorum AUGUSTÆ posse desiderari, ac proinde hac etiam parte esse illam admirandam, abunde jam est manifestum.*

In ipsius postremò domicilii Bibliothecæ AUGUSTÆ structura, admirari quoque merito debemus sapientiam conditoris. Ad duo nimirum attendendum videtur, ut Bibliothecæ alicujus Regiæ ædes queant commodæ æstimari. Nempe si aptæ sint præbere cum tutum & sufficiens tanto thesauro receptaculum, tum simul ejus promptum usum. Prius impetaveris, partim iusta capacitate atque amplitudine, partim ea sive colloca-tione sive structura, ne vel incendium temere vel hostilis direptio



direptio librorum metuenda sit. Posterius, si sita sit Bibliotheca eo loci, ubi doctorum hominum in vicino est copia, qui libris Bibliothecæ reconditis adjuti rempublicam literariam, atque adeo sacra profanaque queant exornare. Nihil non horum habent AUGUSTÆ nostræ ædes. *Primum* enim spaciosus utique Bibliothecæ locus uti concederetur, non dubitavit optimus Princeps, cum domus, in quam Bibliothecam recondiderat, non sufficere videretur capiendæ multitudini librorum quam congerere destinabat, parvis magnitudinis alteram priori adjungere: ita ut nunc quidem amplitudini nihil omnino desit. Patet nempe utrumq; Bibliothecæ cubiculum (liceat ita nunc appellare) in longitudinem Geometricos pedes centum triginta septem digitos duos, in latitudinē verò pedes triginta sex & sex digitos. Ab incendiis *secundo* securum uti sit Bibliotheca domiciliū, tantum prudenter est eo, quoniam nulli est contiguum ubi igne est aut flamma operandum: habet vero & vicinum Ocrum flumen, & instrumenta varia restinguendæ flammæ, si quæ forte exsurgat, maxime idonea. Ab hostili *tertio* injuria præstant secunda omnia, cum inusitatum illud munimentorum robur universæ *Λυκοπόλεως*, tum ipsa arx propriis adhæc viribus subnixa, in quam Bibliotheca est recepta. Incredibile scilicet dictu est, quâ arte, quavē industria Urbem omnem Princeps muniri curet. Provocare sane jam tum potest munitissimum quemvis Germaniæ nostræ locum: nec tamen adhuc muniendi finis itidem non poteris non mecum admirari Principis prudentiam: quod nimirum sapientissima *τῶν πολιτικῶν* secutus monita, à naturâ negata toti regioni munimenta, arte circa unam saltem urbem quæ ipsi pro domicilio est, corrigi fecerit: in pace decus atque ornamentum, in bello certum universo populo refugium. Non desunt *quarto* in vicinia, qui librorum illa congerie cum Ecclesiæ & reipublicæ emolumento utantur. Habet enim utique ipsa aula Ducis numquam non viros doctrinæ omnigenæ studiis de-

deditos, Habet Urbs variæ eruditionis & cupidos pariter & plenos. Julia nostra, Principis utique Academia, quinto duntaxat milliari abest: studiorum omnis generis amica, magistra, nutrix. Quod caput est, Princeps ipsemet non minus usu librorum gaudet quàm possessione: eoque nunquam non horum aliquem sive in consilium sive in liberalem animi delectationem adhibet. Quod ipsum ne quem lateret, exprimi curavit literis aureis, statim in AUGUSTÆ vestibulo, hanc elegantem sane sapientemque γνώμην:

QVANDO OMNES PASSIM LOQVUNTVR  
ET DELIBERANT, OPTIMVM A MVTIS ET  
MORTUIS CONSILIUM EST: HOMINES  
QVOQVE SI TACEANT, VOCEM INVENI-  
ENT LIBRI: ET QVÆ NEMO DICIT PRVDENS  
ANTIQVITAS SVGGERIT.

Omni ex parte igitur hac etiam tenus AUGUSTAM nostram verè esse admirandam, nemo æquus & peritus talium arbiter quidem negaverit. Nullâ sane vel veterum vel recentium Bibliothecarum etiam heic inferior est. Nonnullas etiam ex celeberrimis minùs bene constitutas, non difficile fuerit deprehendere. Enimvero perquam verosimile quidem est, veteres securitatis potissimum obtinendæ gratia, in templis plerumque Bibliothecas illustriores publicas dedicasse, ut locorum scilicet religione à vi & aliis injuriis defenderentur: ibi etiam ampla satis spacia bibliothecis concessa (quemadmodum scilicet legimus, Ægyptios antiquos in templo Vulcani, Ptolomæos in Serapidis, Augustum Palatinam in Apollinis, Domitianum in Pacis, Hadrianum Ulpiam in Trajani, alias alibi struxisse) nec tamen vel ita cautum fuisse illis de conflagratione, quod ipsa illa templa ignis injuriæ fuerint exposita, ex iis quæ de infelice Bibliothecarum plerarumque fato jam disseruimus innotuit, Audivisti verò etiam, fraudi fuisse Bibliothecis illis



illis antiquis ipsam templorum inhabitationem, postquam reverentia & pristina auctoritas per Christiana sacra fanis detracta est; ita scilicet esse factum, ut à Christianis direpta perierint. Suidas quoque in *ισθμιαυδς* docere te poterit, ea fere occasione conflagrasse unà cum templo Trajano Antiochiæ illam Bibliothecam, quam struere in illa æde coeperat Julianus *ὁ ἀποστρέψας*. Non negaverim tamen, nulla prudentia hoc quidem fatum prævideri olim & caveri potuisse à gentilibus addictis Bibliothecarum conditoribus. At vero longe minus ab injuriis istis securæ olim præstitæ sunt Bibliothecæ veterum reliquæ: eoque facillime periisse deprehendimus. Quod indicio est, à prudentia AUGUSTÆ conditoris multum abfuisse illorum structores. Dixeri etiam haud immerito, Pergamenam Bibliothecam loco usui studiorum inepto institutam; nec enim vel Pergami vel in vicinia ejus urbis magnopere unquam studia flourerunt. Certè Ptolomæi Reges ea in re ostenderunt præ illis singularem sapientiam, quod & aliàs Alexandria esset viris doctis plena urbs, & inusitato exemplo (nec verò vel secuto ævo tale quid institutum, nisi forte Mediolani cura Federici Borromæi) nobile illud Museum ibi condidissent, doctorum quasi commune receptaculum: de quo plenius libro de Antiquitatibus Academicis à me actum est. Vide & Nicii Pinacoth. alteram in vita Fr. Borrom. Ad nostra tempora si veniamus, nescio equidem an usquam capax adeo Bibliothecæ ullius domicilium reperiatur, quale est nostræ AUGUSTÆ. Adferam tantummodo in medium, quæ de ipsamet Scoriacensi literis prodiderunt cùm Joannes Mariana tum Matthias Quadus: quorum uterque totum Scoriacense admirandum palatium Regium describere tentavit. Mariana sic loquitur l. II. de Regis institutione cap. x. *Vestibulo Bibliotheca imposita, majori longitudine omnino pedum centum octoginta quinque, lata pedes triginta duos. Libros servat, præsertim Græcos, manuscriptos, præcipua plerosque*  
verusta-

*vetustatis : qui ex omnibus Europæ partibus ad famam novi operis magno numero confluxerunt, auro pretiosiores thesauri: digni quorum evolvendorum major eruditis hominibus facultas contingeret. Quod enim ex captivis & majestate revinctis litteris emolumentum? Bibliotheca parietes elegantes pictura exornant, artes ingenue artificiose exprimentes, cum antiquis comparanda. Quadi hæc sunt verba Geographicarum enarrationum l. vii. Bibliotheca in superiore parte præcipui introitus monasterii est, in longitudine centum octoginta quinque pedes, in latitudine habens triginta duos. Tota concamerata est; in cuius fornicibus diversarum artium imagines, aliæque historia conspiciuntur: cui loco aliud imminet tablinum, usui bibliotheca destinatum. Habet autem Bibliotheca tria diversa conclavia, in quorum primario omnes depictæ videntur facultates: ad pedes autem cuiusvis pictura ejus facultatis libri omnes concinno ordine locati sunt, omnes inaurati ejusdemque compactura. Ibidem ingens etiam positus est liber totus membræus, in quo omnis generis animantia, quæ in universo terrarum orbe usquam spectata sunt, ad vivum suis coloribus adumbrata conspiciuntur. Alterum conclave meros continet manuscriptos libros, Latinorum, Græcorum, & Hebraicorum Theologorum, quibus singulis authorum suorum imagines præposita sunt. Similiter & Tertium solis manuscriptis refertum est, variorum authorum ac facultatum: puta historicorum, poetarum, artificum, variarum etiam linguarum. Quibus similiter & sui autores, quantum fieri potuit, ad vivum depicti adjuncti sunt. Hæc illi de domicilio librario Scoriacensi, cui nec Italia, nec Gallia, nec Britannia par habet quidquam: perinde ac tota illa insana ac superba substructio (ita loquitur ipse Mariana: H. Grotius l. 7. Historiarum appellat, immenso sumtu structum palatium, cum res interea Belgica pecunia penuria dilaberentur) caret omni exemplo, hujus quidem nostri ævi. Superbior illa Scoriacensis quidem est quam AUGUSTA: hæc tamen ædes reapse capacior: utpote quæ*



quæ in latitudine vincat Scoriacensem Bibliothecam pedibus quatuor amplius; si utrumque cubiculum jungas, in longitudine superet totis octuaginta novem pedibus. Non hac vero tantum ratione Scoriacense illud domicilium impar est nostræ AUGUSTÆ; sed etiam commoditate utendi libris. Procul scilicet locus ille omnis est remotus à commercio studia tractantium. Ethuc spectat querela Marianæ de libris ibi quasi *revinctis & captivis*. Nec verò qui ibi scholas agunt puerorum Monachi, idonei sunt librario illi thesauro tractando. Totum porro illud Laurentianum palatium inerme est, & nec à natura nec ab arte adversus vim hostilem munitum: Bibliothecam Laurentianam à duris & inhumanissimis lictoribus teneri, scribit H. Ernstius ad vitam Pomp. Attici p. 35. atque ita caret quoque Bibliotheca illa Scorialis iusta securitate quâ pollet AUGUSTA.

Sed fortassis objecerit aliquis, quod AUGUSTÆ nostræ ædes tamen sint infra magnificentiam & splendorem illustrium quarundam Bibliothecarum, tum veteris tum nostri ævi. Nec sane me etiam latet omnium ornatus, cum primis earum quæ Cæsaribus olim regnantibus sunt conditæ. Lacunaria scilicet aurea, pavimenta ex marmore, comptosebore & vitro parietes, armaria eburnea illis fuisse. De armariis id patet ex illo Pandectarum Justinianearum titulo qui *de Legat.* inscribitur l. 3. §. *sed si*. Ubi ita legitur: *Bibliotheca alias locum significat, alias armarium: sicut cum dicimus Eboream bibliothecam emir*. De parietibus ebore & vitro comptis diserta sunt verba Boëtii l. 1. de Consolatione. Aureorum lacunarium & pavementorum marmoreorum, exemplum paulo post dabo tibi in Bibliotheca quam Athenis struxit Hadrianus. Plinii hæc verba sunt l. xxxiv: cap. xxvii. *Videmus Apollinem in Bibliotheca templi Augusti Tuscanicum, quinquaginta pedum à pollice*. Verum hoc uni Bibliothecæ Palatinæ videtur fuisse proprium, idque

L

quan-

quandoquidem totum illud templum Apollini fuerit ab Augusto consecratum: Idem Plinius l. vii. cap. lviii: *Veteres Græcas literas fuisse easdem pæne quæ nunc sunt Latina, indicio erit Delphica tabula antiqui æris, quæ est hodie in Palatio, dono Principum Minerva dicata in Bibliotheca.* Dixeris autem etiam hoc singulare: nec vero alibi tale quidquam observaveris. Perinde atque illud quod videtur Cicero in epistola iv. Libr. ix. Familiar. de horto dicere, plane novum quid atque insolens est. *Si hortum scribit in Bibliotheca habes, nihil deerit.* Mirum sane, si in Bibliotheca hortum & non potius in horto Bibliothecam habuerit Varro frugalis paterfamilias, neutiquam certe luxuriosus. Vereor equidem, ut locus ille sit sanus. Utut sit, nusquam aliàs horti in Bibliotheca fit mentio: itaque non est cur hoc etiam trahatur sine discrimine ad bibliothecas veteris illius ævi. Ast verò fuerunt passim ibi & picturæ & signa sive statuæ doctissimorum scriptorum: idque ex more ab Asinio Pollione introducto. *Non est pratercundum, ait Plinius l. xxxv. cap. ii. & novitium inventum. Siquidem non solum (inferendæ videntur voculæ: libri, sed) ex auro argenteove, aut certe ex ære in Bibliothecis dicantur illi, quorum immortales animæ in iisdem locis loquuntur; quinimo etiam quæ non sunt finguntur, pariuntque desideria non traditi vultus.* Asinii Pollionis hoc Roma inventum, qui primus bibliothecam dicando ingenia hominum rem publicam fecit. Non ex metallo autem duntaxat sed etiam marmore, fortasse Plinio jam defuncto, positas imagines, indicant ea quæ hodieque in Italia superant antiqua imaginum marmora & Hermæ. Ad gypso etiam confectas imagines videntur respicere illa Juvenalis:

*Quanquam plena omnia gypso*

*Chryssippi invenias.*

Est vero statuarum & imaginum ejusmodi non infrequens in scriptoribus ejus ævi mentio. Libris ipsis quoque videntur  
pictæ



pietæ imagines scriptorum præfixæ: eoque respicere Senecam quando ait: *Ista exquisita & cum imaginibus suis descripta sacrorum opera ingeniorum.* Cujusmodi est imago illa Terentii: quam ex duobus antiquissimis Comœdiarum codicibus desumptam inter Illustres imagines reposuit num. cxi. Fulvius Ursinus. Quorum omnium quasi exemplum accipe, illam paulò ante laudatam Hadriani Bibliothecam Atticam. Facit ejus mentionem in Chronico Eusebiano Hieronymus Olymp. ccxxvii. *Hadrianus cum insignes & plurimas ades Athenis fecisset, agonem edidit, Bibliothecamque miri operis extruxit.* Illius miri operis autem rationem plenius nos docet in Atticis Pausanias Hadriani opera recensens: cujus verba tantum Latine verba adducam, ne sim molestus. *Sunt & cella hic, ex lacunari inaurato & ex lapide alabastro: insuper ornata statuis & picturis: repositique illic libri.* Non me fugiunt etiam, quæ de Vaticana Bibliothecæ à Sixto quinto constructæ ornatu, picturis, & parietum inscriptionibus integro opere narravit Angelus Roccha. Ipsemet paulò ante recitavi nonnulla de Scoriacensis Bibliothecæ ornamentis, ex Mariana & Quado: ne sim longus aliis nunc commemorandis. Nihil inquam horum me fugit, Eoque fateor equidem, AUGUSTAM nostram ad illa non accedere. Verum enimvero ut nihil horum diffiteor, ita nec excuso. Laudo potius. Illa quæ AUGUSTÆ desunt aliena sunt à re libraria: luxus merus & insania hominum, non studii sed superbæ ostentationi bibliothecas condentium. Quid, quod & officiant vero Bibliothecæ usui? Quò sanè mihi tot statuæ, & signa, & picturæ, intercepturæ locum recondendis libris? Quò ebore & vitro compti parietes, libris ornandi? Quò fulgor auri & nitor alabastri, oculorum, qui maxime libris legendis acuendi erant, vim hebetantes? Bene profecto ex aliquojam veteris istius ævi Isidorus. *Peritiores architecti aurea lacunaria ponenda in Bibliothecis putaverunt: neque alia pavimen-*

*pavimenta quam Carystio marmore; quod auri fulgor hebeset, & Carystii viriditas reficiat oculos.* Nocet verò & quamvis viride marmor, nitore suo: ac proinde utilius est pavementum ex gypso aut lapide, si asseres damnes ob strepitum inambulantium. Imagines doctorum amavi tantum non tenerime à prima usque pueritia: & verò fuerunt mihi illæ procul adhuc ab hominum literis illustrium consortio viventis quasi Miltiadis trophæa. Amavi & amo, suo loco positas: non ubi impedimento possint esse majori bono. Imaginum verò etiam affatim habet AUGUSTA, in multis voluminibus ære expressarum: quod satis est. Nec enim nunc memorabo, plurimas ære itidem expressas folere libris curâ typographorum præfigi: quasi in imitationem ejus, quod olim obtinuisse Romæ ex Seneca, & Scoriaci factum ex Quado paulò ante percepisti: harum sane etiam ingentem numerum ab AUGUSTA haberi, facile quilibet conjecerit. Jam verò quales inscriptiones & picturas Vaticana habet ex Sixti quinti instituto, utique risum doctorum merentur. Igitur quæ quidem prudens aliquis judicaverit, ad elegantiam quoque pertinere Bibliothecæ exquisitæ, eorum nihil profecto in AUGUSTA desideraveris. Etsi pro eburneis armariis lignea viridi tamen colore picta, pro marmoreo pavimento gypseum, pro lacunari inaurato itidem gypseum, pro imaginibus fictis Scoriacensibus scientiarum & artium, ut & pro commentitiis inscriptionibus Vaticanis, omnes parietes libris optimis instructos, nihil autem statuarum liceat deprehendere. Ut optimè matrona olet quæ non olet: ita elegantissime ornata Bibliotheca est quæ ineptiis & luxu ornata non est, contenta scilicet nativa quasi librorum suorum pulcritudine.

CÆTERUM AUGUSTAM nostram, saltem septem de causis, mereri admirationem prudentum, abunde, nisi fallor, demonstravi. Tibi sane quin ego satisfecerim, Illustris BOINEBUR-



NEBURGI, non equidem dubito. Poterit verò tuus assensus mihi esse instar plurimorum: quum & acumine iudicii, & candore, & doctrina, & prudentia denique, multum emineas.

Ut quidquam Tibi addam, de AUGUSTÆ prompto usu, quod jam dixi itidem requiri ad Bibliothecæ cujuslibet perfectionem summam, haut necessum arbitror. Jam tum enim constat Tibi propensa Principis voluntas, de libris in studiorum usum concedendis, modò idoneè de restitutione cautum fuerit: idque saltem illustri illo exemplo, quod memoravi de missis Heidelbergam Lucani codicibus ad doctissimum Spanhemium, didicisti. Qua valet verò sapientia, Princeps optimus, indubie modum, quo etiam imposterum & usui simul & indemnitati Bibliothecæ sit consultum, inveniet: ne quidquam denique desit absolutæ laudis. Consilium suggerere, in omni ejusmodi librario negotio usque adeo subactò Principi, fuerit Minervam artes docere. Ipse providebit: ne dubites.

QUANTUMVIS vero & ego bona fide AUGUSTÆ nostræ admiranda tibi narraverim, BOINEBURGI, & Tu ingenue credas narranti, idemque facturos meliores quosque certus sim: suspicor tamen, haud defuturos, qui agere sint credituri, illa maximè quæ primo secundo & tertio loco adduxi in admirationem; idque propterea potissimum, quoniam de nemine Regum, nemine Principum, similia vel fando acceperint. Neque ego ignoro, quàm suspecta soleant esse quæ exemplo carent: qualia utique sunt. Cæterum quia narratio mea versata est non circa vetera aut remota, sed de iis quæ nunc etiam & in medio omnium superant, atque adeò videri indies & quasi palpari possunt, non sine impudentiæ culpâ profectò quidquam eorum quæ narravi poterit vocari in dubium. Quod autem Regum Principumque alius nemo tantum operæ impenderit, aut feliciter adeo Bibliothecam condiderit, id equidem contigisse ideo dixerim, quoniam in AUGUSTO Principe

meo quatuor observare est conjuncta, quæ tanto operi struendo unice sunt necessaria, & tamen rarissime in hominum quocumque conjunctim deprehendas, tantum abest ut in magnatum ordine non sit repertu insolens. Illa sunt, studium ardens rei librariæ, eruditio eximia, inusitata *Φιλοπονία*, & denique ætas molliter in extremam senectutem decurrens.

## I.

Primum haud dixerim defuisse vel Ptolomæis vel Attalicis regibus; defuerunt autem reliqua omnia: ac proinde non est mirum fortè, quod nec illi potuerint gloriam AUGUSTI nostri plenè assequi. Etiam verò primum illud, hoc est illam *Φιλοβιβλίαν* defuisse pene omnibus aliis Regibus ac Principibus Bibliothecarum conditoribus, haud injuria asserueris. Non certè eorum quisquam magnopere laudatus est hoc nomine: sed hominum literatorum privatæ conditionis hæc laus fuit propria hætenus.

## II.

Ut eruditionem vero Principis, Tibi quidem BOINEBURGI, multis commendem haud equidem crediderim esse necessarium. Nisi enim vehementer fallor, lecta tibi dudum sunt præclara illa multa volumina, partim ab ipsomet Principe elaborata, partim ipso curante in lucem edita, quamvis vero nomine dissimulato. Enimvero curavit Princeps adhuc junior imprimi Antonii Bonfinii, illius Hungaricarum rerum illustris historici Symposion trimetrum, & Bartholomæi Fontii in Persii Satyras eximium commentarium, utrumque hætenus *ἀνεκδοτον*. Exinde autem & alia quam multa Principe curante in lucem sunt reducta: quæ omnia nunc recensere non esse necessum. Etiam sic verò saltim eruditionis sensum eximium Princeps optimus declaravit. Quàm maximè autem elucet & ingenium & industria & varia plane ac recondita doctrina Principis, in voluminibus propriis. Quæ inter jam anno seculi hujus decimo sexto, cum applausu eruditiorum Germaniæ nostræ, exceptum est GUSTAVI SELENI ficto eleganter



ganter nomine, illud grandioris formæ DE LUDO SCACCHICO volumen, vernaculo sermone exaratum. Non te fugit, omnes inter ludos, ab antiquo usque ævo, omnium ingeniosissimum & liberalissimum semper visum, quem latruncularum appellaverunt: ac proinde etiam illos, qui maximè seriis fuere negotiis intenti, viros summos, illo lusu acuisse animum & quasi præparasse ad illa magna & severa. Vel idem autem, vel vicinus admodum illi latrunculario est is, quem hodie, nisi fallor, Arabico vel Persico nomine, Scacchicum nuncupamus, fortè etiam ab Arabibus aut certe à Mahumedanis accepimus. A Germanico Schach quod eadem notat ludum hunc dictum vult I. Sirmondus in Notis ad capitula Caroli Calvi. Nihil in eo fortunæ: omnia ingenio atque arti debentur. Ac proinde nec stupidior aliquis hic valet quicquam: ex adverso τῶν χαρμενῶν nonnulli, Italos, Gallos, & Germanos nostros inter, scriptis quoque libris ornare, illustrare, & novis inventis augere Scacchica haud dubitaverunt. Legisti, opinor, saltim elegans hujus argumenti poemata Hieronymi Vidæ, illius Maronis æmuli. Longissimo autem post se intervallo relinquit non hoc duntaxat, sed volumina plane omnia id genus, τὰ σπασῶ Principis opus; idque non tantum repetitis ex prisca recentisque ævi memoriâ omnibus aliorum acutè inventis, sed etiam additis ex ingenii proprio thesauro plurimis novis artificijs. Et verò jam tum isto volumine ostendit Princeps, etiam in ludicris sese seria sapere, & summam doctrinam non angustis vulgi limitibus coarctari. Lectum abs Te, BOINEBURGI, opus illud, spero equidem: est enim inventu rarum. Modò autem inspexeris, admiraberis scio, & novam illius editionem mecum desiderabis. Quam dare utinam per negotia facile adeo liceat Principum doctissimo, atque ad illam longe illustriorem priore omnia jam tum sunt parata! Cæterum ut fortè tibi illud opus Scacchicum sit ignotum, non arbitror tamen non esse notissi-

notissimum illud itidem GUSTAVI SELENI nostri quod seculi hujus anno quarto post vicesimum prodiit SYSTEMA INTEGRVM CRYPTOGRAPHIÆ, in quo libris IX cum nihil non illius artificiosi argumenti, tum præcipue Steganographia à Joanne Tritthemio Abbate Spanheimensi & Herbipolensi, admirandi sane ingenii viro, magice & enigmatice olim conscripta, enodatio traditur. Nec verò hoc grande volumen usquam terrarum potuit temere ignorari curiosæ doctrinæ sectatoribus quibusque, quoniam Latinâ linguâ, quæ eruditæ Europæ hodie est communis, conscriptum est; cum primis vero quandoquidem novitas argumenti allicere lectores idonea est. Passim scilicet antehac Tritthemiana illa Steganographia Magicæ impietatis suspitione post Caroli Rovilli insectationem laborabat, eoque & solemni Romanæ curiæ interdicto legi erat prohibita. Cardinalis Bellarminus scribere non dubitavit: *opus illud prohibitum merito est, cum sit plenum perniciosis dogmatibus ad Magiam pertinentibus, quod & ipse agnovit & confessus est.* Franciscus Junius Theologus profectò doctrina multiplice excellens, cum Bibliothecam Heidelbergensem curaret, autographum ipsummet Tritthemii Philippo Electori Palatino ab auctore oblatum, tanquam Magica refertum *δαιμονομανία* combusserat. Inter Magicos libros & Johannes Wierus referre Steganographiam non est veritus: cum ipse præstigiarum suspitione sese vix liberaverit. Quàm feliciter vero Princeps purgaverit boni Tritthemii illud quidem opus, audi fodes judicium Gabrielis Naudæi, viri utique multa eruditione clarissimi in Bibliographia Politica. *Quod ad Steganographica, inquit, pertinet, quæ Carolo Bovillo doctori parum nasuto, ac ipsius relatione multorum credulitati magica omnino visa fuerant, ea sic nuper illustravit nobilissimus auctor Cryptographiæ Gustavus Selenus, ut quicquid in illis obscurum involutumque tamdiu in summa omnium opinione ac veneratione delituerat, non amplius sui desiderium*



*derium exciter, postquam ab illo reiectum est atque patefactum.* Jam ante laudaverat eximio elogio hoc opus in suo libro Gallice scripto Apologetico pro iis qui Magiæ nomine infames fuerint cap. 17. pap. 511. editioni Hagienfis. Gustavi Seleni elogium habet Mallincroth libro de Literarum usu pag. 106. 126. & 127. Ipsemet Gerardus Joannes Vossius, vir itidem longe doctissimus, lecto Seleniano opere, foci sui Francisci Junii de Tritthemiana Steganographiâ judicium non nisi trepide & leviter ausus est defendere, *viri doctissimi* præconio Gustavum nostrum prosecutus. Liberavit Tritthemium fateor & I. Caramuel Lobkowitzius ab infamia illa Magica, sed volumine multum dispari, & aliquot demum post Principem annis: quamvis inepte ausus sibi primo gloriam illam vindicare, Principis ingentibus meritis per *κακοζήλια* dissimulatis. Non Tritthemiana autem duntaxat illustrata sunt à Principe, sed etiam cætera omnia subtilium ingeniorum *κευθγεαφικὰ* commenta; ut autoris variam lectionem, (ex omni enim ævo & omni gente videas ibi laudatos auctores optimos quosque, prope ducentos) aere judicium, & summam industriam, opus illud nemini non liquidò ostenderit. Quanta porro eruditio latet in illis sacris HARMONICIS operibus, quæ vernaculo sermone in id piissimus Princeps, media inter discrimina feralis belli Germanici, elaboravit, ediditque, ut eo promptiùs animos suorum rudiores ad religiosum Numinis cultum excitaret; initio factò à Passionis Dominicæ historia! Enimverò deprehendas utique hic primùm exquisito judicio ex universa Evangelica historia concinnatam, cum potiorum vitæ omnis Servatoris nostri actuum, tum illarum *ᾠκιστῶν*, quas jam aliquot seculis Occidentales Septemtrionalesque Ecclesiæ, ex Evangeliiis & Epistolis sacris excerptas, Dominicalibus pariter aliisque festis diebus in sacris conventibus solent legere, Harmoniam: deinde & eorundem omnium luculentam, ac perpetuam paraphrasin.

Quanti verò sit laboris, quantæ doctrinæ opus, illud tum demum quis experietur, ubi ipsemet periculum fecerit similis conatus. Quanti sit *ἡ ἀφ' ἧς* scribere possumus tuto credere hoc in genere versatissimo *τοῦ πρίν* Erasmo. Enimvero ante omnia unicè requiritur Sacri codicis lectio non diligens tantum, sed iudicio etiam accurato subnixa. Requiritur & consilium optimorum quorumvis, qui in illo studio sese exercuere. Qui enim aliàs possis variarum adeo, ut ita loquar vocum in diversis libris sonantium, suavem illum concentum modulari? Qui possis hiantem sæpe & abruptum sermonem, sæpe etiam multis de causis obscuriorem, ita formare, ne quid non sit perspicuum & apte cohærens? Nihil verò horum à literatissimo Principe neglectum esse, utique res ipsa loquitur. Si tertiam cum primis Harmoniæ Evangelicæ editionem (nam quarta & quinta lectionibus publicis sacrorum conventuum potissimum dedicata sunt) videas, admiraberis præterea diligens illud indicium omnium sacri codicis locorum, quæ ad illustrandam propositam aliquam sententiam, quoquo modo possunt facere. Consultuit verò summæ industriæ Princeps non illos duntaxat, qui primo aut secuto Ecclesiæ ævo in Concordiam, ut ajunt, vocare sacram Evangelii historiam allaboraverunt, Tatianum, Ammonium, Gersonem, Alanum Copum, Mercatorem, Janseanium, Chemnitium nostrum & alios; sed simul sacri codicis universi optimos quosque & celeberrimos commentatores: quorum omnium locupletissimum thesaurum AUGUSTA supeditat. Et verò ne cujusquam opera temere sacro hoc in exercitio lateret, confectus ab ipso met Principe est catalogus iste omnium sacra scripturæ interpretum commentatorumque, quem supra jam tum alios inter Indices commendavi. Hinc sanè illud nostrum (quidni enim *nostrum* appellem, quo optimus Princeps omnium nostrorum pietati & æternæ saluti voluit consultum?) Harmonicæ paraphraseos opus, vice est optimæ & luculen.



luculentissimæ simul commentationis. Nescio num videris, BOINEBURGI, alium quenquam idem qui vel conatus sit. Ego, fateor, novi neminem. Summam sanè admirationem meretur unius Erasmi paraphrasis: sed harmoniam ille non attingit. Alii sive Harmoniarum, sive commentationum scriptores itidem suis sese limitibus continuerunt: nemo omnia simul aggressus est. Multo minùs aliquis Principum, inter gravissima regiminis negotia, tale quidquam vel levissimo est digito molitus, imò vel animo agitavit. De uno Carolo, Magni sane & ingenii & operis rege, legas, illum sive per Paulum Aquilegiensem Diaconum, sive Alcuinum Anglum, illas Ecclesiis nostris pasim hodieque usitatas *μεμοναὶς* sacris diebus aptavisse; curasse item ex Sanctorum patrum homiliis ad illustrandas illas *μεμοναὶς* quæ idoneæ maxime sunt visæ excerpti. Quanto vero distant à Carolinis illis hæc AUGUTI Principis! Ibi utique nihil non alienum observes; hîc nihil non Principis proprium. Homiliæ præterea istæ harmonicum nihil ferè habent; & sensum litteralem, quem appellamus, frequenter obscurant potius quam illustrent, paræneticis præcipuè vel allegoricis intentæ: cum tamen maximè sensu litterali Sacræ Scripturæ Sanctus Spiritus nos ad veritatem & salutis obtinendæ viam deducat.

Sed quò me abripit Harmonici operis præstantia? Hoc tantùm volo: Vt ex aliis à Principe ipsomet confectis voluminibus, ita etiam ex hoc apparere omnibus posse ingentem illam Principis eruditionem, qua unus præ aliis Magnatum ordinis idoneus est redditus ad AUGUSTAM Bibliothecam proprio, ut sic dicam, Marte, proprio consilio, condendam disponendamque. Multò magis autem admiraberis illam Principis doctrinam, BOINEBURGI, si coràm audias eundem disferentem de omnibus fere & singulis tam vastæ Bibliothecæ & auctoribus & libris. Admirata est antiquitas Cyrum Persarum, & Mithridatem Ponti regem, quod singulos numerosi

exercitus milites nominatim appellare potuerint: quidni igitur mecum admireris in Principe, tot millium auctorum & librorum promptam adeo memoriam atque accuratam notitiam? Non fallor; nihil certè do affectui: si coràm Principe frueris, quemadmodum mihi feliciter est concessum, diceres, scio, illum, spectata isthac inusitata librorum peritia, *Μεσσην ὡς πᾶ-  
τῶν καὶ βιβλιοθήκῃ πρὸς ἑμψυχον*, velut Dionysium Longinum appellat Eunapius in Vita Porphyrii. Talis vero nisi fueris, tuâ quidem propria arte Bibliothecam haud struxeris. Quem Tu verò Regum, quem Principum, BOINEBURGI, omni ex ævo laudaveris mihi, qui illa librorum diffusa valuerit experientia? Quem adduxeris cui variâ eruditione Princeps meus sit secundus? si quidem Salomonem excipere placuerit, illum ultra humanam sortem positum. Tantâ verò eruditione præditus sit necesse est vastæ adeo Bibliothecæ qualis AUGUSTA est idoneus quivis conditor. Hinc sanè Varronis opera in id uti voluit Julius Cæsar, tanquam Romanorum undequaque doctissimi; &, si vera est fama, usus est Ptolomæus Demetrio Phalerao. Feliciter quoque adeo auspiciis Eminentissimi Cardinalis Mazarini structa est illa Bibliothecarum omnium copiosissima, quoniam Gabriel Naudæus amplæ vir doctrinæ curam ejus condendæ suscepisset. Uno verbo; nulla usquam Bibliotheca eximia instituta est, nisi per doctissimos conditores, & quidem nonnisi per solos illos, quales *animatas Bibliothecas & ambulantiâ Musea* cum Eunapio quis meritò dixerit, ob variam doctrinam plurimorumque scriptorum usum & experientiam. Quoniam verò strui Bibliotheca aliqua verè regia non potest sine tam excellenti conditoris peritia, ejusmodi peritia autem in quoquam Principum alio quam in AUGUSTO nostro hætenus fortè inventa non est, non profecto fides illi meæ narrationi est detrahenda; quod videlicet ab ipsomet Principe, nullo accedente eruditi Bibliothecarii vel consilio  
vel



vel opera, illa admiranda AUGUSTA à primis usque rudimentis instituta, congesta, disposita, & tam vastis indicibus sit ordinata.

Jam porrò non minor eruditione etiam Industria requiritur in eo qui AUGUSTÆ parem Bibliothecam velit condere. Multo certe opus est studio, ut undique terrarum congeras immensam adeo librorum copiam, utque congestam justo ordine disponas: incredibilis verò est industriæ opus Indicis accurati confectio. Quàm paucos verò Regum Principumque videas non in otium proniores quam laborem! Quàm exiguus est numerus eorum, qui cum cura & debito studio agere cupiant vel ea, quæ officii ratio, imò quæ salus, agere omnino jubet! Longè paucissimi verò ultra illa velint si quid est otii non animo relaxando impendere. Quis itaque illorum etiam sustineat temere laborem, quem Bibliothecæ constructio exigit? Unici verò planè ingenii etiam hac in re est noster ὁ σωτὴρ. Dixerim sanè illum nullo pene momento feriari à seriis negotiis. Nunquam certe minùs otiosus est quam cum est otiosus: quod Africanum Scipionem de sese quondam memorasse referunt. Admotus est jam anno seculi hujus tricesimo quarto, per obitum Friderici Ulrici Ducis, regimini amplissimarum regionum; & exceperunt illum tempora maximè turbulenta & difficilia qualia totos octingentos annos, ex quo universa Germania unum sceptrum cœpit colere, majores experti haud erant: quæ die noctuque Principis animum indefessum exercuerunt. Jurare tibi ausim tamen, BOINEBURGI, nihil ab illo usque tempore in republica esse gestum quantivis saltim usus Principe non conscio, nihil rei magnæ Principe inconsulto: imò neglectum nihil à Principe etiam eorum, quæ attendere boni & gnâvi est patrisfamilias. Est autem rerum ejusmodi multitudo propemodum infinita: concurrentibus scilicet ad opulenti patrimonii & hujus Ducatus curationem perquam gravem

ac diffusam, negotiis cum Saxonici quem vocant, circuli, tum universi Imperii Germanici, pari industria exequendis. Interca tamen tantum abest, remissam esse ingentem illam Bibliothecæ curam, ut potius tanto ea creverit magis quantum magis accessit facultatibus. Julius Cæsar apud Lucanum Ægyptio sacerdoti sese jactitavit:

*Media inter prælia semper*

*Stellarum cœliq; plagis superisque vacavi.*

Id jure an injuria ille fecerit, non jam dixerim: hoc scio, posse merito optimo gloriari nostrum: media inter ardua quæque & difficillima reipublicæ ac domûs negotia, vacasse sese hæcenus AUGUSTÆ suæ incremento. Quid censes, Illustris BOINEBURGI; num temere Principum alius quis potest idem? Ut potest nemo, ita nemo si idem præstiterit, non est quod miremur.

#### IV.

Longo denique tempore opus profectò est ad usque adeo ingentem Bibliothecam, qualis AUGUSTA est, perficiendam. Nec verò quidquam simul magnum & cito fit. Brevis ætas itaque Bibliothecas condentium effecit plærumque, ut nulla pene illarum à primo conditore ad justam magnitudinem deducta sit. Favit verò hac etiam parte Principi inusitata felicitas; concessâ divinitus benignitate, paucos cis dies annum vitæ tertium post octogesimum auspicandi. Quàm paucis mortalium, BOINEBURGI, tantum ævi spacium decurrere datur! Jam tum vox fuit Moyſis, cum spectaret quod jam illa tempeſtate passim contingebat: *vitam hominum septuaginta annorum esse, se multum crescat, octoginta:* & tamen hos etiam terminos affequi jamdudum fuit rarum. Cum primis paucos Magnatum ordinis reperias, qui natalem octogesimum vel attigerint. Magno studio ex Græcorum monumentis collectos, recensuit illos ad sua usque tempora Lucianus *ἐν μαγεβίοις*: (nisi quod Agesilaum Lacedæmoniorum Regem neglexit, cujus anni velex Xenophonte



nophonte potuisset discere) pauciores adhuc sequentia nobis secula præbuerunt. Germaniæ Regum Principumque, si modo ulli, longe utique paucissimis, provecta ejusmodi senectus ob-  
 tigit: quantum equidem in præsens memini; Majorum τῶν Σε-  
 βασιδῶν Principis, nisi vehementer fallor, nemini. Hodie pro-  
 fecto non universa Europa (Europam quid dico?) non Asia  
 non Africa non America in Principum ordine exemplum simi-  
 le habet: imò jampridem nullum habuit. Usque adeo raris-  
 simum hætenus est, & Principem simul esse & provectæ adeo  
 senectutis. Et tamen in hoc quamvis paucorum numero non-  
 nullis senectus illa, virium animi corporisque defectu, in dispen-  
 dium felicitatis potius cessit quam aliquod augmentum. Prin-  
 cipi autem meo non tantum non gravis, hætenus quidem, se-  
 nectus contigit, sed nec molesta; verè sine senio senectus, ceu  
 dicebam antehac. Potest sanè cum Leontino Gorgia dicere:  
*non habeo quod accusem senectutem.* Quin ausim ego non vanè  
 similem felicitatem in multos adhuc annos illi polliceri. Quid-  
 ni enim pollicear, si expendam quod adhuc superest & animi  
 pariter & corporis robur? Dedit scilicet natura Principi & ani-  
 mum vastum & corpus non validum minus quam prolixum.  
 Hujus autem vires, cum in vitâ omni temperantia, tum in ju-  
 ventute exercitatio nullius non generis quæ Principem decent  
 (in omnibus enim etiam illis pares quosque antecelluit) etiam  
 auxerunt. Quamvis igitur ætate nonnihil sit detritum, sic sa-  
 tis integra tamen adhuc sunt omnia. Nec enim morbis senili-  
 bus corpus languet: in animo autem etiam viget memoria, pru-  
 dentia, sapientia, propria senectutis arma; ipsa morum senilis  
 gravitas ita adhuc comitate condita est, ut jucunda quoque,  
 nec à jocis & salibus pristinis aliena, Principis sit conversatio.  
 Si canos sane haud videas, sed indefessos Principis labores,  
 juvenem dixeris te videre non senem. Hæc certè in hunc mo-  
 dum integra, vetant me brevi sequius quidquam metuere:  
 præter-

præsertim quum accedat victus ratio ætati & corpori maximè  
conveniens. Quâ in re habeo utique medicæ artis meæ ante-  
signanos omnes, eorumque præclara observata ac præcepta  
mecum consentientia: ne me vatem temerarium fortassis exi-  
stimes. Sed & quâ irritæ sint tot pro incolumitate Principis  
fusæ semper ad Deum preces? Neque verò hîc duntaxat sed  
etiam alibi, in locis remotis, ubi Principis virtus inclaruit, illæ  
fundi solent. Imò non dubito te etiam, BOINEBURGI, vota  
proximo natali Principis die nobiscum facturum; qualia Au-  
gusto suo olim precatus est Flaccus:

*Serius in cœlum venias; diuque  
Letus intersis populo Caycûm,  
Neve te nostris vitiis iniqua  
Ocyus aura*

*Tollet.*

SED quid te VIR ILLUSTRIS moror? Dixeram,  
meritò quidem admiratione esse digna quæ attuli: quod ni-  
mirum verè AUGUSTUS ille Princeps meus Bibliothecam  
suam *primum* ipsemet propriâ arte condiderit, & disposue-  
rit, *secundo* idem & inceperit pariter & perfecerit, *tertio* pro-  
priis sibi impensis comparaverit: non tamen ideo cui videri  
dubia oportere, quoniam nemo Regum aut Principum alius  
simile quid præstiterit; neminem enim idem efficere potuisse,  
quoniam in illo Principe quatuor sint singularia quæ in aliis  
vulgò desiderantur, nempe inusitatam *Φιλοβιβλίαν*, eruditio-  
nem plane eximiam ac diffusam, industriam indefessam, & de-  
nique ætatem molliter provectam in longam senectutem. Hæc  
quatuor singulari modo Principi esse quasi præcipua, seorsim  
prolixè probavi. Non arbitror itaque jam quidem ampliùs  
reperitum iri quempiam, qui ausit narrationem meam vocare  
in dubium. Licebit autem hoc impetrato tandem etiam  
omnem hanc Epistolam claudere: quoniam nihil superest de  
Biblio-



Bibliotheca AUGUSTA scribendum. Quantum sane ad institutum meum facit. Alias enim si omnia, quæ vel possint vel debeant scribi, adferre equidem velim, fateor, longe plurima etiamnum superesse indicia. Cæterum mihi non nisi per Epistolam ea quæ potissima sunt visa narrare tibi propositum fuit: cum primis autem volui causam reddere, quam obrem desiderio tuo de Indicis editione satisfieri nequeat. Fortassis verò jam tum modum Epistolæ excessi. Neque ego id criminanti multum repugnaverim. Habet hoc fere extemporanea scriptio, qualis mea est tantum non omnis, ut intra limites initio institutos rarò sese contineat: mihi hætenus, fateor, sapius pro urceolis amphoræ exierunt. Per me tamen licebit librum appellare, quam Epistolam esse volui. Enimvero minore culpa addi etiam superflua arbitror, quam omitti necessaria. Nec tamen in alienis me versatum esse, forte tu conquereris. Si quis alius nihilominus longitudinem inculaverit, reponam illud Martialis:

*Non sunt longa, quibus nihil est quod demere possis.*

Sed & amœniora hæc patiuntur aliquem excessum excursumque. Mihi sane nihil hac scriptione fuit aliquamdiu jucundius; quamvis tot molestis negotiis occupato. Sed nec promptiorem facile calamum sensi hætenus; procul dubio, pietate in Principem multis nominibus mihi sanctum, & argumenti suavitate calamum impellente. Vale, Excellentissime BOINEBURGI, & Salve plurimum. Helmeſtadii in Acad. Julia pro-  
prie Kal. April. cId Id. c. Lxi.

98  
**RECENSIO VOLUMINUM**  
**quæ in Bibliotheca AVGVSTA**

reperta fuerunt x. Aprilis

Anno c13 13 c LXI.

die natali Principis octogesimo tertio.

	IN FOLIO	RELIQUORUM	SUMMA
1. THEOLOGICOR.	1813.	8328.	10141.
2. JURIDICOR.	979.	1511.	2490.
3. HISTORICOR.	1616.	2180.	3196.
4. BELLICOR.	76.	129.	205.
5. POLITICOR.	66.	1071.	1137.
6. OECONOMICOR.	7.	47.	54.
7. ETHICOR.	73.	1424.	1497.
8. MEDICOR.	182.	611.	793.
9. GEOGRAPHICOR.	62.	93.	155.
10. ASTRONOMICOR.	54.	259.	313.
11. MUSICOR.	38.	75.	113.
12. PHYSICOR.	165.	472.	637.
13. GEOMETRICOR.	192.	182.	374.
14. ARITHMETICOR.	11.	72.	83.
15. POETICOR.	100.	423.	523.
16. LOGICOR.	4.	71.	75.
17. RHETORICOR.	37.	545.	582.
18. GRAMMATICOR.	92.	503.	595.
19. QUODLIBETICOR.	530.	2919.	3449.
20. MANUSCRIPTOR.	1271.	732.	2003.
Summa	6768.	21647.	

Summa omnium

Voluminum — 28415.

Librorum separato-

rum — 116351.

Et si autem per tres & viginti annos proximos Bibliotheca Augusta aliquot mille voluminibus aucta sit: quantum tamen singulis clasibus accesserit non dum rescire licuit: quamprimum autem novæ recensionis omnium illiusmodi voluminum, quam quidem brevi speramus, nobis dabitur copia, eam novæ huic editioni Epistolæ Conringianæ adjiciemus.



**N**Unquam antebac induxi animum de re Bibliothecaria  
 quidquam commentari; de Bibliotheca etiam Augusta  
 aliquid scribere nuper deniq; cœpi consilium. Occasio-  
 nem scribendi dedit Illustris Boineburgius, Indicem Augustæ  
 hujus Bibliothecæ, de cujus ille divitiis multa audierat, deside-  
 rans, ejusq; impressionem Principi suadens, primùm per Am-  
 plissimum virum Polycarpum Heilandum Consiliarium Prin-  
 cipis & jam Francofurti res Imperii pariter ac fœderis cu-  
 rantem, deinde per me, tandem deniq; negotium urgens pro-  
 pria quadam ad Principem epistola. Occœpi scilicet ego hac  
 occasione intimius & magis solito in Bibliotheca illius rem o-  
 mnem advertere: statimque deprehendi, parere quidem the-  
 saurum illum spectantibus omnibus sui admirationem, libro-  
 rum inusitata multitudo, neutiquam tamen in justo esse pre-  
 tio: idque quandoquidem paucissimi intelligant perfectionem  
 veram numeris omnibus absolutæ Bibliothecæ, velejus com-  
 parandæ & disponendæ & collocandæ artem ac proinde AV-  
 GUSTÆ vim & pretium, quidq; à Principe sit præstitum,  
 vel adhuc præstetur, per quam pauci valeant animo assequi. Id  
 verò indignum esse equidem ratus fui; præsertim quod jam  
 conscius essem, quàm inusitata & pulchra & perfectæ heic sint  
 omnia. Impulit igitur me & in Principem incomparabilem pie-  
 tas, & boni literarii studium, per Epistolam publicam cùm Boi-  
 neburgio tùm & aliis, omnia mihi de Augusta illa Bibliote-  
 ca jam

ca jam comperta, nonnihil plenius narrare, simulq; intexere  
 quæ de Bibliothecaria re, vel aduersaria, quamvis hoc in ar-  
 gumento perquam egena & sterilia, vel memoria, possint  
 suggerere. Sic natum mihi hoc opusculum est; sed scriptione  
 tumultuariâ pariter & extemporaneâ. Inter perpetuas enim  
 & varias occupationes, menstruo spacio, horis succisiviis, in  
 chartam simulac aliquid à me conjectum est, & exceperunt  
 mox operæ typographicæ nostræ & impresserunt; quamvis in-  
 terea temporis non nisi octodecim plagulas potuerint absolue-  
 re. Hæc ideo narro, ut veniam impetrem erroribus, si qui  
 forte abs me commissi sunt. Fateor enim me nec plenâ omni-  
 um Bibliothecarum illustrium notitiâ, nec justo otio aut tem-  
 pore instructum, ad scribendum accessisse, & tamen coactum  
 omnes omnino Bibliothecas illas, repetitâ etiam retro memo-  
 riâ, quadam ex parte in arenam adducere: provocante me sci-  
 licet debito Principi officio, maximè posteaquam a Consiliis  
 esse iussus fui, ad tantum negotium suscipiendum agendumque.  
 Quicquid verò peccavi, non malitiâ sed innocente errore com-  
 missum abs me est. Nec enim causæ quidquam fuit, cur vel  
 amor in Principem vel in quenquam odium me à Veritatis  
 tramite detraberet. Odii sane causam omnem procul habeo.  
 Et ea est cum Principis tum Bibliothecæ Augustæ manifesta  
 omnium oculis virtus, ut ex iniquâ aliorum detractiōe  
 petitam anxie laudum conquisitionem, amor ille haud possit  
 imperare.



# INDEX

## A.

- A** Brabami Ecchelenfis catalogus librorum Chaldaicorum pag. 57.  
 Abyssinarum Bibliotheca. *ibid.*  
 Actorum nostri temporis collectores precipui. 66.  
 Aegypti quaedam Bibliotheca. 57.  
 Aemilius Paulus Romam librorum copiam primus advexit. 38.  
 Aldus Manutius Junior octoginta millia librorum Academia Pisana legat. 57.  
 De ejus liberalitate judicium. *ib.* Illius Bibliotheca librorum numerus 57. 60.  
 index ab Aldo editorum. 9.  
 Alexander Raynoldus à Clemente IIX. Bibliotheca Vaticana custos constitu-  
 tu. 23.  
 Alexandrina Bibliotheca longe omnium celeberrima 12. 26. 31. 56. Libera-  
 litati Regie adscribenda. 41. 56. Structorem habuit Ptolomaeum Phila-  
 delphum. 26. adjutum consilio, ut volunt, Demetrii Phalerai 30. 50. 92.  
 Alii Lagide Pavi ejus condenda tribuunt initium. 30. Alii structores  
 plures asserunt. 31. 32. 33. Fuit *AVGVSTA* multo inferior, 60. 61. Vi-  
 detur in non uno loco delituisse. 76. A commoditate loci laudatur. 79.  
 Ejus librorum numerus. 50. 51. 59. Bello Pompejano conflagravit. 12. 41.  
 Alvensleviorum familia in exstruenda Bibliotheca studium. 57.  
 Ambrosiana Bibliotheca, quae Mediolani est, 11 58. antea liberalitate Fride-  
 ricci Borromaei. 11. 79.  
 Angeli Rocca ridiculum de origine Vaticana commentum. 35. 36. De Biblio-  
 theca Vaticana opus. 61. 83.  
 Anglia Bibliotheca. *Vid.* Oxoniensis & Westmonasteriensis regia.  
 Antiochena Bibliotheca à Iuliano instituta. 27. 79.  
 Antonii Bonfinii Symposion trimetrum cura Serenissimi *AVGVSTI* editum. 86.  
 Antonii Lomenis Villocclarii summa in collectione auctorum nostri temporis in  
 Gallia industria. 66.  
 Antonii Possevinii manuscriptorum Graecorum Theologici generis indices va-  
 rii, Apparatus Sacro subjuncti. 7. 8. 23.  
 Appelliconis Teji libraria sippellex. 38. 67.  
 Arabica Maroccani Regis Bibliotheca. 42.

*Arabica duae Bibliotheca Constantinopoli* 56. 60. *De Arabicis monumentis*  
*judicium.* 64.

*Aristea narrationes fabularum plena.* 30. 32.

*Aristoteles juxta Strabonem primus librorum vim coëgit* 47. 48. 67. *Primus civitatum mores & instituta posteritati scripto tradidit.* 48. *Spenisippi scripta triginta talentis emit.* 56. *Ejus Bibliotheca à Ptolomæo emta.* 32. *Romam aucta.* 38. *Contra Regum vim sub terram defossa.* 40. 41.

*Asia & Africa locupletissimæ olim Bibliothecas habuerunt* 27. *etiam hodie habent.* 56.

*Asinia Bibliotheca.* 28. *Vela auspiciis Octaviani Augusti in montis Aventini atriolibertatis (fortè ex macubis. 38.) instituta.* 12. *vel fortassis propriâ Asinii Pollionis autoritate.* 31. 38. 39. 82.

*Athenæi Σειπτοδοκιστὰς.* 49.

*Atheniensium Bibliotheca à Pisistrato omnium primùm instituta.* 11. *à Xerxe in Persiam asportata.* 16. *curâ Seleuci Regis Athenas relata.* ibid. *Romam aucta per Sullam.* 11. 38.

*Atheniensis alia Bibliotheca ab Hadriano Imperatore structa.* 81. 83.

*Attalus & Eumenes Pergamena Bibliotheca autores.* 26. 33.

*Attalicorum Regum ardens studium rei librariæ.* 86.

*Augusti Imperatoris tres luxuriosissima Bibliotheca.* 12. *ordinate opera Pompei Macri & Melissi Grammatici* 30. *Bibliotheca Octavia.* 12. 29. *Palatina in templo Apollinis.* 78. 12. *Asinia in monte Aventino vid. Asinia.*

*AVGVSTVS, Serenissimus Brunsvicensium DVX & collectione librorum & dispositione est sine exemplo.* 29. *Ejus peregrinatio.* 45. *In coëmendis libris generosa pietas.* 47. *In muniendo Wolfenbutelo prudentia* 77. *In vivandirem literariam inusitata promiscuitudo.* 19. 20. *Annuatatis.* 21. 94. *Vigor corporis & animi.* 95. *Eruditio.* 86. *seq. Edita & elaborata scripta.* 86. *seqq. De Ludo Schacchico volumen.* 87. *Systema integrum Cryptographiæ* 88. *seq. De ea judicium Gabr. Naudai.* ibid. *EIVSDEM PRINCIPIS Harmonia ac Paraphrasis Evangeliorum.* 89. *seq. Peritia librorum.* 92. *Incredibilis industria.* 93. *seq. Cum Cyro Persarum & Mithridate Ponti Rege comparatio.* 91. *seq. Solius studio tanta Bibliotheca ex nihilo ad summam perfectionem deducta.* 28. 31. 37. *IPSE Bibliothecâ suâ egregiè utitur.* 78. *Quando ad regimen admotus?* 93. *Quatuor in se habet observanda. repertum in ordine Magnatum insolentia.* 85. 86. 96. *quorum primum.* 93. *secundum.* ib. *& seq. tertium.* 93. *quartum.* 96.

*AVGVSTAE BIBLIOTHECAE auctorum & librorum numerus*



4. 5. 59. *Locus*. 20. *Domicilium*. 74. 76. *seq.* *Finis*. 21. *Conditor*. 26. *Index* quare non prodeat in lucem. 21. 22. 25. *seq.* *Indicum* stupenda cura. 29. *artificiosa confectio*. 10. 24. 25. *ingens magnitudo*. 1b. *Bibliotheca nomen*. 28. 29. *magnitudo, situs, securitas*. 77. *Librorum elegantia*. 73. *seq.* *Dispositio* 72. *seq.* *Promti usus mirum artificium ab ipso PRINCIPIS inventum* 72. *seq.* *Bonitas* 61. *seq.* 68. *seq.* 73. *Multitudo librorum*. 50. 59. *Manuscripta*. 67. 68. 69. *Sphæra armillares & globi, item instrumenta Mathematica insigniora*. 71. *Imagines*. 48. *Quomodo ea conquesta?* 43. *seqq.* *Quando conquestionis factum initium?* 45. *seq.* *Quo PRINCIPIS ætatis anno?* 44. *Quatum PRINCIPIS rerum facies?* 1b. *Que tum aule sedes?* 1b. *Quo consilio Bibliotheca strui cœpta?* 4. 5. *Quamdiu collecta?* 46. *Domicilii amplitudine Scoriacensem superat*. 61. 80. 81. *Superat & librorum copiâ*. 61. *etiam commoditate utendi*. 81. *etiam securitate*. 1b. *sed non multitudine manuscriptorum*. 70. *Multitudine librorum cuiuslibet veteris ævi preferenda*. 59. *seqq.* *etiam nostri ævi*. 60. 61. *postponenda tamen aliquibus Bibliothecâ copia forte & præstantia manuscriptorum*. 69. *Maximiniana quondam quidem cecidit, sed fortasse non amplius*. 61. 72. *Summa factorum in eam summum ignota*. 46. *Ejus septem admiranda*. 25. 28. *quorum primum*. 29. *secundum*. 31. *tertium*. 37. *quartum*. 47. 50. *quintum*. 61. *sextum*. 72. *septimum*. 76.

*Augusta Vindelicorum initium debetur publicatorum indicum operum manuscriptorum*. 6.

*Augustana Bibliotheca græcorum manuscriptorum insignis præstantia*. 71.

B.

*Bajoarii inter primos habentur indicum Bibliothecarum suarum editores*. 6.

*Bartholomei Fontii in Persis Satyras Commentarius à Serenissimo AVGVSTO editus*. 86.

*Batavi primi Bibliothecarum suarum indices in publicum ediderunt*. 6.

*Bavarica Monachiensis Bibliotheca*. 58. *Ejus librorum numerus*. 60. *Manuscriptorum Græcorum præstantia*. 71. *eorum catalogus*. 6. 7.

*Bessarionis Cardinalis liberalitas*. 41.

*Bibliotheca Regum & Principum quomodo olim & nostro ævo fuerint conquesta*. 38. *seq.* 43. *quanam possidere manuscripta debeant?* 65. 66. *Ad illarum structuram quanam requirantur?* 16. *Earum nulla eodem auctore orta atque ad fastigium deducta, exceptis tribus*. 37. *utilitas*. 50.

*Bibliothecarum conditoribus Regibus ac Principibus plerisque defuit philoßophia* 86. *eruditio* 92. *industria*. 93. *longa ætas*. 94.

Biblio.

- Bibliotheca non sunt condenda tantum in ostentationem.* 5. 47. 48. 49. 50.  
*Bibliotheca cujuslibet scopus.* 62. 68. *perfectio in quibus consistat?* 47. & seq.  
*bonitas non est aestimanda nisi ex copia antiquorum manuscriptorum* 62. & seqq.  
*Bibliothecarum veterum numeri librorum quomodo intelligendi?* 54. 55.  
*quarundam splendor.* 81. seqq. *nulli in antiquis quia cum monumentis inditum nomen nisi à loco, prater Vlpian.* 22.  
*Bibliotheca multis periculis sunt obnoxia.* 10. seq. *à privatis pluribus Rome in villis condita.* 51. 52. *privatorum hominum complures prae regis laude digna.* 43. *quanam elegantissime ornata?* 84.  
*Bibliothecarum domicilia quomodo esse comparata debeant?* 76.  
*Bibliothecas securitatis ergo veteres plerumque in templis dedicârunt.* 78.  
*Bibliotheca olim non tam aucta potuerunt esse ut hodie.* 39.  
*Bibliothecariorum Pontificum quodnam olim munus fuerit?* 67.  
*Bibliothecariam arcem egregie est persecutus Naudaeus.* 25.  
*Bocchus Numidia Rex ingentes opes in monte saxo remoto abdit.* 5.  
*Budensis regia Bibliotheca à Matthia Corvino primum structa* 15. 17. 18. 37.  
*Ejus manuscriptorum pars ab AVGVSTO Principe emta.* 69.

### C.

- Calipharum superstitio in abolendis graeci latinique sermonis scriptis.* 14. 65.  
*Cantabrigiensis Bibliotheca manuscriptorum codicum index.* 6.  
*Capitolio fulmine icto iidem conflagravit Bibliotheca ibidem à Domitiano structa.* 12.  
*Caroli Magni Domiciales τεινονται.* 91.  
*Catalogus Graecorum manuscriptorum Bibliotheca Bavarica* 6. *Catalogi officinarum librariorum.* 9. *vid. Index.*  
*Cedreni narrationes non semper fide digna.* 50.  
*Chaldaicorum librorum Catalogus Abrahami Ecchelenfis.* 57.  
*Charta ac membranarum hodie ac olim diversaratio.* 55.  
*Christiani Wecheli index.* 9.  
*Christ. Feig. catalogus perpetuus & alphabeticus omnium librorum Bibliotheca Ingolstadiensis.* 6.  
*Christoph. Froschoveri index.* 9.  
*Chrysostomi aliquot manuscripta Homilia in Bibliotheca Iulia,* 55.  
*Clementis Alexandrini spuarior libri.* 49.  
*Cleopatra ab Antonio suo Attalicam Bibliothecam impetrat.* 33.  
*Codex sacri versio an Philadelpho sit accepta ferenda, an Ptolomaeo Lagi filio?* 30.  
 Complu-



*Complutensis Bibliotheca.*

18.

*Concordie Evangeliorum Scriptores.*

*Conradus Gesnerus* τῆς ἐμπειρίας βιβλιακῆς summus artifex.

9.

*Constantinus Maximus non Magnus* in antiquis nummis & inscriptionibus legitur. 39. 40. *Constantinopolitanam Bibliothecam* ex spoliis templorum gentilium videtur candidisse. ibid.

*Constantinopoli Bibliotheca* olim, in qua centum & viginti millia librorum *Basilisco* imperante conflagravit. 14. 34. 52. Hec multorum curâ uae creverat. 34. Ejus structores. 39. seq. Aliud incendium ibidem *Leone Isauro* imperante. 14. Ibidem adhuc hodie duæ *Bibliotheca Arabice* pretiosissima.

56.

*Constantinopolitana urbis* manuscripta.

9.

*Coptici in Aegypto* libri.

57.

*Cordeſiana Bibliotheca* index.

8.

*Cosmus & Laurentius Medices Florentina* ſive *Medicea Bibliotheca* auctores.

27.

*Cryptographiæ Systema* integrum *Sereniſſimi AVGVSTI.*

88. ſeq.

*Curionum, Cœli & Cœli Auguſtini, Biblioth.* ad *AVGVSTAM* translata. 45.

D.

*Decebolus Dacorum Rex* divitias ſuas ſub *Sargetia* flumine recondidit. 5.

*Demetrius Phaleræus* conſilio fertur *Ptol. Philadelphum* in ordinanda *Bibliotheca Alexandrina* juviſſe. 29. 30. 50. 92. de qua retamen dubitatur. 30.

*Didacus Hurtadus Mendoza* *Scoriacenſem Bibliothecam* mirificè ornavit. 42.

*Diogenis Laërtii* Scriptor. *Philosophicorum indices.*

4.

*Domitiani Bibliotheca* in templo *Pacis.*

12. 13. 26. 78.

E.

*Epaphrodicti (Mettii) Bibliotheca.* 52. Ejus librorum numerus.

53.

*Evergetes primus.* 32. Ejus in rem literariam liberalitas.

41.

*Evergetes ſecundus Alexandrinis* κειμήλιον δέδωκε.

32.

*Eumenes & Attalus Pergamena Bibliotheca* auctores.

26 33.

*Eumenes (primi, non ſecundi) & Ptolomæi* circa *Bibliothecas* æmulatio.

33.

*Europa* quælibet pars hodie opulentiſſimis *Bibliothecis* abundat.

57.

*Eusebius de Script. Eccleſiaſticis.* 4. Ejus multi jugæ lectionis volumina. 49.

*Pamphili bibliotheca* accepta ferenda.

49. 53

F.

*Fauſti Bibliotheca* in *Pompejano* prope *Pateolos.*

52

*Federicus Feltrinus Dux,* ejusq. filius *Guido* *Bibliothecam Urbini* condunt. 27

O.

*Feffana*

<i>Fessana Bibliotheca.</i>	56. 60.
<i>Florentina Bibliotheca. vid. Medicea.</i>	
<i>Francisci Barotii Venetici codices Græci mssii.</i>	7.
<i>Franciscus Rex in Gallia Bibliothecam cœpit cogere.</i>	27.
<i>Franciscus Cardinalis Toletus Fulvi Viſini nimiam antiquorum librorum astimationem lapide explodit.</i>	63.
<i>Francofortenses nundinarii indices.</i>	106
<i>Frelloniorum index. ib.</i>	
<i>Federicus Borromæus Mediolanensis Bibliotheca auctor.</i>	11. 79.
<i>Fridericus IV. Elector Palatinam auget.</i>	42.
<i>Fridericus Ulricus Brunsuicensium Dux Academiæ Iuliæ Bibliothecam do- nat à Duce Iulio condita cœptam.</i>	45.
<i>Frobenianorum index.</i>	9. 10.
<i>Fulvius Ursinus vernstiorum codicum nimis admirator.</i>	63. 83.

### G.

<i>Gabriel Naudæus Bibliothecaria artis peritissimus. 25. 8. MaZariniane Bi- bliotheca structor. 31. 92. Ejus judicium de Cryptographia Serenissimæ AVGVSTI.</i>	88.
<i>Galenus de propriis scriptis.</i>	4.
<i>Gallicana Regia Bibliotheca. 27. 58. aucta accessione Medicea. 15. 34. ma- nuscriptorum multitudine Augustam vincit.</i>	71.
<i>Gordiani Junioris Bibliotheca 39. Illius structa laus Q. Sammonico Sereno debetur. ib. 52. Librorum numerus.</i>	52.
<i>Grammaticorum, Tyrannionis &amp; Epaphroditæ Bibliotheca. ibid. Librorum numerus.</i>	53.
<i>Gregorius M. Papa fertur incendio dedisse Bibliothecam Palatinam; it. ar- cus triumphales, statuas &amp; monumenta disjecisse, negante illud Platina &amp; Ciacconio.</i>	13. 14.
<i>Guilhelmi Landi infelicis illius Cantuariensis Episcopi liberalitas in Bi- bliothecas.</i>	7.
<i>Gyraldi error de agrotorum conventu in templo Pacis ostensus ab Hierony- mo Mercuriali.</i>	39.

### H.

<i>Hadriani Bibliotheca in templo Trajani. 78. vid. Vlpia. Ejusdem Athenis structa.</i>	81. 83.
<i>Heidelbergensis Bibliotheca. vid. Palatina.</i>	
<i>Henrici Ernstii index manuscriptorum codicum Bibliotheca Medicea.</i>	7.
<i>Hermippi</i>	



<i>Hermippi duo, Smyrnæ &amp; Berytii.</i>	30.
<i>Hiddesacker, vulgo Hiezerium, Serenissimi AVGVSTI quondam aula si-</i>	
<i>des. 44. Ejus descriptio. ibid.</i>	
<i>Hieronymus de Scriptis Ecclesiasticis.</i>	4.
<i>Hieronymi Vida elegans Poema.</i>	37.
<i>Hierosolymitani templi Vasa &amp; donaria Romam in templum Pacis delata.</i>	39.
<i>Hilarii Papa duæ Bibliotheca juxta fontem Laterani Romæ.</i>	67.
<i>Hispanica Regia Bibliotheca, vid. Scoriacensis.</i>	
<i>Holsatica Serenissima familia congerendorum librorum studium.</i>	57.
<i>Homeri Ilias &amp; Odysea draconis intestino census viginti pedes longo inscri-</i>	
<i>pta, Constantinopoli cum Bibliotheca conflagravit.</i>	14. seq.
<i>Huldericus Fuggerus Palatinam Bibliothecam magna parte auget.</i>	42.

I.

<i>Iacobi Philippi Tomasini manuscriptorum codicum Patavinarum Bibliothecarum index.</i>	7.
<i>Ianus Gruterus Bibliothecarius Palatinus.</i>	42.
<i>Imperatorum nemo post Hadrianum excepta Gordiana Juniore Bibliotheca causâ inclarnit.</i>	39.
<i>Indicum librorum utilitas varia.</i>	4.
<i>Indices codicum manuscriptorum Bibliotheca Oxoniensis &amp; Contabrigiensis.</i>	
<i>7. Mediceæ quæ Florentiæ asservatur. 7. Patavinarum Bibliothecarum. 7. Manuscriptorum Græcorum Theologici generis. 7. Bavarica &amp; Augusta-</i>	
<i>na. 6. Typographici varii variorum. 10. Francofurtenses nundinarii &amp; qui nuper in Belgio &amp; Gallia capere.</i>	10.
<i>Indicum BIBLIOTHECÆ AVGVSTÆ mirum artificium 4. 24. 25. 73. seq.</i>	
<i>Indices maximarum Bibliothecarum confecti sunt difficillimi. 22. Repertura-</i>	
<i>risimi. 23. Eorum non magnorum primi editores.</i>	6.
<i>Index librorum Chaldaicorum Abrahami Ecchelenst.</i>	37.
<i>Ingolstadiensis Bibliotheca.</i>	6.
<i>Ioachimi Clutenii Bibliotheca AVGVSTÆ pars facta.</i>	45. seq.
<i>Ioannis Baptista Cardona, Episcopi Dertusani, de rectè instituenda Scoria-</i>	
<i>censi Bibliotheca consilium ad Philippum Regem.</i>	3.
<i>De recondendis in eadem Bibliotheca actis Hispaniæ.</i>	68.
<i>Io. Caramuelis Lobkovitzii de Steganographia liber.</i>	39.
<i>Io. Gymnici index.</i>	9.
<i>Ioh. Henrici Hottingeri Bibliotheca Orientalis.</i>	65.
<i>Ioannis Alexandri Brassicani iudicium de Bibliotheca Budensi.</i>	17. 18.

<i>Ioannis Leonis Historia Africana.</i>	14. 65.
<i>Ioannis Mariana descriptio domicilii Biblioth. Scoriacensis.</i>	79. 80.
<i>Ioh. Trithemii Steganographia ab infamia Magica liberata per Serenissimum AVGVSTVM. 88. seq. item Io. Caramuelem Lobkovitzium. 89. Va- riorum de ea iudicia.</i>	88.
<i>Ioh. Vincentii Pinelli Bibliotheca.</i>	10. 11.
<i>Iosephi Maria Snaresii Diatriba de Foraminibus lapidum in priscis adificiis Romanis.</i>	14.
<i>Iosephi Scaligeri de Biblioth. Heidelb. iudicium. 18. seq. de Vaticana.</i>	23.
<i>Iulia Bibliotheca. 55. aliquot habet manuscriptas Homilias Chrysostomi an- tiquissimas ibid.</i>	
<i>Iulius Casar Bibliothecam Romae primus publicare destinavit. 26. Vñs ope- ra M. Varronis. 30. 92. quae proinde recentioribus dicitur Iulia.</i>	28.
<i>Iulianum Antiochia instituisse Bibliothecam refert Suidas.</i>	26. 27. 79.
<i>Iulii Ducis Brunsvicensium Bibliotheca beneficio Friderici Vlrici Ducis cesfit Academia Iulia.</i>	45.
<i>Iulius Hyginus praefuit Bibliotheca Palatina.</i>	30.
<i>Iusti Lipsii Syntagma de Bibliothecis.</i>	12.

L.

<i>Lamprias de Plutarchi scriptis.</i>	4.
<i>Laurentiana Bibliotheca. 8. 49. 70. Ejus structores Cosmus &amp; Laurentius Medices. 27. vid. Medicea.</i>	
<i>Leidensis Bibliotheca. 8. Ejus librorum index.</i>	8.
<i>Leo Allatinus Palatinam Bibliothecam maximam partem deferri in Vaticanam curat.</i>	16.
<i>Leonis III. Pape ad Carolum M. Epist. in Vaticana non inventa.</i>	70.
<i>Libanii pro templis gentilium non excindendis ad Theodosium M. oratio cum notis Iac. Gothofredi.</i>	40.
<i>Libelli singuli distinctis olim voluminibus constitère,</i>	55.
<i>Libri olim omnes charactere capitali conscripti.</i>	55.
<i>Libri &amp; Voluminis ambigua significatio.</i>	54. 59.
<i>Librorum usus diversaratio. 48. diversus numerus. 48 Copia non semper est vitiosa. 49. eorum multitudine non aestimandi docti.</i>	49.
<i>Librorum cum rebus familiaribus comparatio.</i>	48.
<i>Lucillus è Pontica preda libros Romam advexit. 38. Illius in Tusculano Bibliotheca.</i>	52.

M.

*Manuscriptorum variorum indices. vid. Indices.*

*Manu-*



*Manuscripta quanti aestimanda?* 63. *quanam Regiis Bibliothecis convenient.*  
65. *seq. eorum caritas unde?* 63. *In antiquorum manuscriptorum copia*  
*non consistit. unice bonitas Bibliothecarum.* 62. 63. 69.

*Manutiana Bibliotheca, vid. Aldus Manutius.*

*Maroccani Regis Arabica Bibliotheca in Hispaniam aucta.* 42.

*Marquardi Freheri Bibliotheca hodie pars AVGVSTAE.* 45.

*Matthias Corvinus Budensis Bibliotheca structor. 15. 17. 18. 27. 37. Illius ma-*  
*nuscriptorum aliqua insignis pars ab AVGVSTO Principe magno ere*  
*comparata.* 69.

*Matthia Quadi domicilii Scoriacensis Bibliotheca descriptio.* 80.

*Mazariniana Bibliotheca 9. 37. 43. Studio Gabr. Naudai structa & dispo-*  
*sita. 31. 92. accessione actorum in Gallia per P. Pithæum, Puteanum,*  
*Peregrinum & alios collectorum locupletata. 66. Septem conclavibus inter-*  
*cisa. 76. Multitudinis librorum AVGVSTâ olim quidem excellentior,*  
*sed fortasse non amplius. 61. 72. Ejus quadam potiora manuscripta. 68. Li-*  
*brorum numerus. 58. seq. haud temere excusanda venditio.* 46.

*Medicea Bibliotheca, quæ Florentie asservatur, manuscripti codices. 7. Stru-*  
*ctores. 27. 34. 35. Librorum numerus ignotus.* 58.

*Medicea Bibliotheca in Galliam transportatur & à Thuano inferri in Regiam*  
*curatur.* 15. 34.

*Mediolanensis Bibliotheca, vid. Ambrosiana.*

*Melchior Goldastus actorum sequioris temporis in Germania collector præ-*  
*cipuus.* 66.

*Melissus Grammaticus ordinandis Bibliothecis Imp. Augusti operam dat.* 30.

*Membrane Pergami repertæ.* 33.

*Monachiensis Bavarica Bibliotheca.* 58.

## N.

*Nelus Aristotelis Bibliothecam Scepsin translata sub terra defodit.* 40. seq.

*Nicolaus V. Papa cogenda Bibliotheca cepit consilium. 35. Libros per omnem*  
*Europam conquiri.* 36.

*Nicolai Rigaltis de quibusdam actorum nostri temporis in Gallia collectoribus*  
*judicium.* 66.

## O.

*Ostavia Bibliotheca. 48. Rome ab Augusto prope Marcelli templum exstructa. 12.*

*Orientale Romanum Imperium, præter Constantinopolitanam, Bibliothecam*  
*publicam nullam fere olim habuit.* 14.

*Orientalibus linguis composita monumenta quanti aestimanda.* 64. 68. 69.

<i>Orientalis Bibliotheca Joh. Henr. Hottingeri.</i>	85.
<i>Osymandue Aegyptii Regis antiquissima Bibliotheca.</i>	11. 26.
<i>Otto Henricus Elector primus structor Palatina.</i>	27. 35.
<i>Oxonienſis Bibliotheca. 58. ex donariis coaluit. 43. jam cepit Edoardo III. rege. 34. manuscriptorum copiâ AVGVSTA vincit. 71. Ejus manuscriptorum codicum index.</i>	6. 8.

**P.**

<i>Pacis templum Rome ex manubiis Judaicis structum. 66. quotidiano conventu literatorum nobile.</i>	39.
<i>Palatina Bibliotheca quæ Roma fuit. 13. Praefectum habuit C. Iulium Hyginum. 30. Structa in templo Apollinis. 78. Ejus splendor.</i>	81. 82.
<i>Palatina Bibliotheca quæ Heidelberge floruit, omnium celeberrima. 16. 42. manuscriptis authenticis omnem olim Europam provocavit. ibid. Conditores habuit Palatinos Principes Electores. 27. 35. 42. bona sui parte aucta dono Hulderici Fuggeri. 42. maximam partem in Vaticanam transit curante à Pontifice in id misso Leone Allatio. 16. 43. Ios. Scaligeri de ea judicium. 19. Ejus Bibliothecarius Iannus Gruterus.</i>	42.
<i>Pamphili Martyris &amp; Presbyteri Casariensis Bibliotheca condenda inſigne studium. 53. Librorum numerus à veteribus non memoratus.</i>	12.
<i>Pannonica Bibliotheca vid. Budenſis.</i>	
<i>Paraphraſin ſcribere quanti ſit?</i>	29. ſeq.
<i>Parieſenſis Regiæ Bibliotheca index.</i>	8.
<i>Patavinarum Bibliothecarum manuſcripti codices.</i>	7.
<i>Pauli II. Papæ odium adverſus ſtudia humanitatis.</i>	36.
<i>Pergamena Attallicorum Regum Bibliotheca. 12. 38. Fama olim &amp; dignitate Alexandrina emula 51. Autores habuit uno plures. 26. 33. videretur non in uno loco ſubſtiſſe 76. minùs commodo loco inſtituta. 79. quomodo fuerit aucta. 40. ſeq. Per vim Alexandriam deducta. 12. 41. Librorum numerus 51. 55. 56. 59.</i>	
<i>Pergami membrana reperta.</i>	33.
<i>Perſica ſuppelleſtilis domeſtica diſpoſitio.</i>	74.
<i>Petri Gaſſendi catalogus rariorum librorum.</i>	8.
<i>Petri Pitheci, item Petri Puteani &amp; Pereſcii in colligendis ſequioris ævi actis in Gallia inſigne ſtudiſm.</i>	66.
<i>Philippus II. Hiſpaniarum Rex Scoriaconſem Bibliothecam incepit.</i>	34. 35.
<i>Philolai libellus à Platone quadraginta minis Alexandrinis emptus.</i>	56.
<i>Piſana Academia octoginta millibus librorum ab Aldo Manutio Iunioris donata.</i>	57.
<i>Piſiſtra</i>	



*Pisistrati Bibliotheca in Græcia omnium prima. 11. 26. à Xerxe in Persiam a-*  
*vesta ibid. denuò Athenas & postea Romam transportata. 11.*

*Platina restituenda Vaticana curam suscepit. 37.*

*Pompejus Macer Bibliothecam Augusti ordinat. 39.*

*Posidius de scriptis Augustini. 4.*

*Ptolomæi Philadelphi ardens rei libraria studium. 36. Bibliotheca Alexandri-*  
*na. 12. 26. In templo Serapidis condita. 78. Bibliotheca Aristotelis & multis*  
*aliis aucta. 32. An ordinata fuerit studio & consilio Demetrii Phaleræ? 39.*

*92. An jam tum Philadelphi pater ejus condenda fecerit initium? 29. 37.*

*Ptolomæi & Eumenis circa Bibliothecas emulatio. 33.*

*Ptolomæus Evergetes I. iidem flagavit incredibili studio librorum undique*  
*congerendorum. 32.*

*Ptolomæus Evergetes II. potius naxosyems. ibid.*

*Q.*

*Q. Sammonico Sereno Bibliotheca Gordiani structa laus debetur. 39. 51. 52.*

*R.*

*Romana Bibliotheca fere omnes distincta in Græcas & Latinas. 13. Eas pri-*  
*mo publicare destinavit Iulius Cæsar. 26. perfecit Augustus. ibid. 12. Illa-*  
*rum magnitudo. 60. Librorum numerus ignoratur. 52.*

*Roma Nova Veteris emula. 14.*

*Romana Pontificia Bibliotheca. 67.*

*Romam librorum copiam primus advenit Aemilius Paulus. 38. deinde Lucul-*  
*lus. ibid. Post Atheniensium Bibliothecas Sulla. 11. 38.*

*Romani complices Bibliothecas in villis condiderunt. 52.*

*S.*

*Sarracenicæ Bibliotheca. 34.*

*Scacchicum Indus Serenissimi Brunsvicensium Principis AUGUSTI. 87.*

*Scorincensis Regia Hispania Bibliotheca. 8. 34. 42. 58. mirifice ornata à Dida-*  
*co Hurtado Mendoza. 42. aucta ex Regis Marocani Bibliotheca Arabica.*  
*42. tribus conclavibus intercisâ. 76.*

*Scorincensis Bibliotheca structores. 34. 35. domicilium domicilio AVGVSTAE*  
*minus. 61. 80. 81. minor etiam librorum numerus. 61. major manuscripto-*  
*rum copia. 79. Ejusdem superbi domicilii descriptio. 79. seq. quod & com-*  
*moditate & securitate AVGVSTAE impar. 81.*

*Sebastiani Gryphi index. 9.*

*Segueria Bibliotheca. 58.*

*Selencus Nicanor libros ex Persia Athenas referendos curavit. 11.*

*Seneca luxuriam sui ævi in nuda Bibiiothecarum ostentatione eleganter per-*  
*stringit*

<i>Stringit. 5. 47. de copia librorum errat.</i>	48.
<i>Silli Italici in villis copiosa Bibliotheca.</i>	52.
<i>Sixtus IV. rei Bibliothecaria propagator. 27. 36. sed non suo ere 41. Vaticane Bibliothecarium Platinam constituit.</i>	36.
<i>Sixtus V. iidem Bibliothecaria rei amans.</i>	27.
<i>Spensippi scripta Aristot. les triginta talentis emit.</i>	56.
<i>Sulla Athenis omnes Bibliothecas victor Romanus auexit.</i>	11. 38.
<i>Superstitio ad delendos libros plurimum valet.</i>	14.

### T.

<i>Telephi Grammatici Pergameni opus πειγί τῆς ἐμπειρίας βιβλιαυῆς</i>	4.
<i>Terentii comediarum antiquum exemplar nimium quantum estimatum à Fulvio Ursino 62. Ejus imago.</i>	83.
<i>Theodosius Imp. Constantinopolitanam Bibliothecam videtur auxisse.</i>	40.
<i>Thome Iamesii Ecloga Oxonio-Cantabrigiensis.</i>	6. 7.
<i>Thuana Bibliotheca.</i>	58.
<i>Thuanus inter precipuos actorum nostri temporis in Gallia collectores 66. Mediceam Bibliothecam inferri regiam Gallicanam curat.</i>	15. 34.
<i>Tiberius Bibliothecam in domo sua condidit.</i>	26.
<i>Tunetana Bibliotheca.</i>	15.
<i>Tyrannionis Bibliotheca.</i>	52. 13.

### V.

<i>Varro octogenarius lepidè mortis memor. 21. operam suam novat digerenda Bibliotheca Iulii Casaris.</i>	30. 92.
<i>Vaticana Bibliotheca. 16. fuit infra expectationem. 23. AVGVSTA multitudine librorum inferior, 61 manuscriptorum copiam hodie princeps. 70. pluribus claudibus intercis. 76. aucta ex spoliis Palatinis. 41. 16. 70. Eius librorum index ne nunc quidem integer confectus. 23. 69. 76. numerus incertus 53. auctores plurimi. 35. 36. 37. An inter eos Apostolus Petrus, ut inepte Angelus Roccha adserit? 35. Autor potissimus videtur Papa Nicolaus V. 35. Eius restituenda curam Platina atque alii susceperunt. 31. Eiusdem sp. endor 83. pictura. 54. 105 Scaligeri de illatiduum.</i>	23.
<i>Venerorum Bibliotheca donum est Cardinalis Besbarienis.</i>	41.
<i>Vlysa Bibliotheca. 13. 67. Structa in templo Traiani. 79. forte ex manubiis Dacici. 39. Eius conditor Hadrianus.</i>	26. 28.
<i>Vltraestina Academia librorum index</i>	8.
<i>Voluminis 88 libri ambigua significatio. 53. seq.</i>	59.
<i>Vrbini Bibliothecam adornarunt Dux Federicus Feltrinus eiusque filius Guido.</i>	27.


### W.

<i>Westmonasteriensis Regia Anglicana Bibliotheca.</i>	58.
--	-----

### X.


<i>Xerxes Atheniensium Bibliothecam asportavit in Persas, sed referendam curavit Rex Seleucus.</i>	11.
--	-----















Special

85-B

1928

THE GETTY CENTER  
LIBRARY



